

# ԴՐՕՇԱԿ

ISSN 2579-2954



Հայ Յեղափոխական Դաշնակցության պաշտոնաթերթ

(77-րդ տարի) Թիվ-3 (1673)

Մարտ 2023

# Բովանդակություն



«Դրօշակ» ամսաթերթ  
Հայ Յեղափոխական Դաշնակցության  
պաշտոնաթերթ  
Հիմնադիր՝ «ՀՅԴ պատմության թանգարան  
հիմնադրամ»  
Երևան, Միեր Սկրուպյան փ. 12/1  
Հեռ. (+374) 10-52-18-90  
Էլ. հասցե՝ droshak@arf.am  
Կայք՝ <https://www.droshak.am>  
Գլխավոր խմբագիր՝ Արտաշես Շահբազյան  
Խմբագրական խորհուրդ



## 1- Առաջնորդող

Իրականությունը որպես մեղադրանք (Էջ 1-3)

## 2- Զաղաքական

### Հրանտ Մելիք-Շահնազարյան

Արցախին այսօր: Գլոբալ և տեղական  
նշանակության մարտահրավերներ (Էջ 4-6)

### Սարգիս Սարգսյան

Ռուսական բանակի հաջող հարձակումը  
կարձանագրի համաշխարհային երկու  
բևեռների դիմակայության գիծը (Էջ 7-9)

## 3- Հայրենի եզերք

### Տաթևիկ Աղաջանյան

Շրջափակված Արցախ. ի՞նչ իրավիճակ է  
սերքին կյանքում (Էջ 10-11)

## 4- Տարածաշրջանային

### Վահե Սարգսյան

Աղմկահարույց օրինագծերի հետնախորքը.  
Վրաստանի ընտրանքը (Էջ 12-20)

## 5- Աշխարհաքաղաքական

### Լիանա Պետրոսյան

Թուրքիայի ավերիչ երկրաշարժն ու  
դրա քաղաքական հետևանքները Ռ. Թ.  
Էրդողանի համար (Էջ 21-23)

## Տիգրան Չանդոյան

Թուրքիայի երկրաշարժի ֆիզիկական և  
քաղաքական հետևանքները (Էջ 24-25)

## Լարե Գևորգյան

Իսրայելական վերջին հարձակումը Սիրիայում  
և իրանական արձագանքները (Էջ 26-27)

## 6- Պատմաքաղաքական

### Անի Մելքոնյան

«Նեմեսիսից» Հայաստանի իշխանության  
ունեցած վախերի շուրջ (Էջ 28-31)

## 7- Պատմության լուսարձակ

### Սարիամ Հովսեփյան

«Նեմեսիս» գործողության ձեռնարկների  
արձագանքը պոլսահայ պարբերականների  
էջերում (1920-1922 թթ.) (Էջ 32-37)

## 8- Ընթերցումներ

### Մարգարիտա Խաչատրյան

Դարձ դեպի հայրենիք (Էջ 38-42)

## 9- Ընկերական զրույցներ

### Վրեժ-Արմեն

Կուսակցական, անկուսակցական եւ նման  
եզերք. փորձ՝ լաւ հասկնալու համար (Էջ 43-44)



## Իրականությունը որպես մեղադրանք

Սույն թվականի մարտի 4-ին, մյունխենյան համաժողովի շրջանակում գտնվելով Գերմանիայում, Նիկոլ Փաշինյանը հանդիպեց հայ համայնքի ներկայացուցիչների հետ: Այդ հանդիպումից 10 օր անց Փաշինյանը մամուլ առույն տվեց հայաստանյան լրատվամիջոցների ներկայացուցիչների համար: Չնայած հանդիպումների նպատակների և մասնակիցների կազմերի տարբերությանը՝ այս երկու միջոցառումները նման էին իրար նախ և առաջ նրանով, որ, կարճ ներկայացնելով տարբեր բնագավառներում իր գլխավորած իշխանության ձեռքբերումները, Փաշինյանն առաջարկեց մասնակիցներին հարցեր ուղղել իր ներկայացրած և ոչ միայն այդ թեմաներով: Երկու իրադարձությունների հաջորդ նմանությունն այն էր, որ դրանք հարց ու պատասխանի փոխարեն ավելի շուտ վերածվեցին հարցաքննությունների, իսկ ավելի ճիշտ, մեղադրանքների՝ ուղղված անձամբ Հայաստանի ղեկավարի և նրա ղեկավարած իշխանության դեմ: Կարելի է արձանագրել, որ կարճ ժամանակ անց, թե՛ ներկաների, և թե՛ ակնդիրների առջև աղճատվում ու հօդս էր ցնդում այն հեքիաթը, որ հանդիպումների սկզբում Փաշինյանը պատմում էր Հայաստանի տնտեսական առաջընթացի, ժողովրդավարության, կոռուպցիայի դեմ պայքարի, դատական համակարգի բարեփոխումների և այլ ուղղություններով ձեռք բերված «աննախադեպ նվաճումների» վերաբերյալ: Իսկ որ ողբերգական լինելու չափ մտահոգիչ էր, ակնհայտ դարձան երկրի ղեկավարի մակարդակին անհամապատասխան պարզունակ ու վտանգավոր դիրքորոշումները, փաստարկների սնանկությունը ինչպես ներքին կյանքի, այնպես էլ ազգային կենսական հիմնախնդիրների վերաբերյալ: Ժամանակին, երբ Փաշինյանը հաշվետվության խնդիր չունեի և միայն քննադատողի դերում էր, նա կարողանում էր փոքր ճշմարտությունը խառնելով մեծ ստի հետ տրամաբանական շղթա կառուցել և մոլորեցնել շատերին իր հեղափոխական ամբոխավարությամբ:

Այժմ, երբ նա ստիպված է հաշվետու լինել իր ու իր թիմի գործունեության համար, նրա հոռետրաբանությունը խամրել է, դարձել հակասական ու անհավաստի: Թեև նա հավատում է, որ եթե անմիջականորեն դիմի մարդկանց դեռ որոշակի զանգվածի, կկարողանա մոլորեցնել:

Իհարկե, ամեն պատեհ ու անպատեհ առիթով նա շարունակում է բոլոր մեղքերի մեջ մեղադրել նախկիններին, բայց հինգ տարվա կառավարման պատկերն ակնառու է, և տրվող հարցերը պատասխաններ են պահանջում կոնկրետ իրողությունների վերաբերյալ: Վերոնշյալ երկու հանդիպումների



ընթացքում, որոնք ընդհանուր հաշվով տևեցին ավելի քան վեց ժամ, կարելի է ասել, որ ներկայացվող հարցադրում - մեղադրանքներից որևէ մեկը չարժանացավ հստակ ու բավարարող պատասխանի, այլ հակառակը, տարակուսանք ու ծիծաղ էին հարուցում՝ ստիպելով հարց տվողներին ի վերջո լռելու սուկ դիմացինի երկարաբանություններին և կարգավիճակին զիջելով:

Ահա մի քանիսն այդ հարցադրում-մեղադրանքներից, որոնց հետևեցին լողզված, բուն հարցերից շեղվող, լավագույն դեպքում՝ արտառոց պատասխաններ:

Գերմանիայի հայ համայնքի ներկայացուցիչներից մեկն ասում է, որ բարեգործական նպատակներով Հայաստան բերված բեռն ութ ամիս չեն կարողացել մաքսատնից դուրս բերել, իսկ մեկ ուրիշը ներկայացնում է, որ օտարերկրյա ներդրումներ ապահովելու նպատակով փորձել է իր անունով հաշվեհամար բացել հայաստանյան բանկերում և վեց ամսվա ջանքերն ապարդյուն են անցել:

Հատկանշական է, որ հնչող բազմաթիվ հարցադրում-մեղադրանքները երկրի ղեկավարի մոտ գարմանք կամ վրդովմունք չեն առաջացնում, ընդհակառակը, նա փորձում է անհեթեթ պատասխաններով արդարացնել տեղի ունեցողը, ինչը նշանակում է, որ շատ լավ տեղյակ է այդ ամենի մասին, եթե չենթադրենք, որ այս իրավիճակը հենց իր

թելադրանքով է ստեղծվել:

Փաշինյանը Գերմանիայում դժգոհում է, թե Հայաստանում հիմնական խնդիր է որակյալ կադրերի բացակայությունը, սակայն, երբ Երևանում ասում են, որ դատական համակարգի բարձր պաշտոններն ամբողջովին համալրված են իր նախկին թիմակիցներով, նա անվրդով պատասխանում է. «Բա ովքեր լինեն»: Եթե հարցն ընդարձակվեր, կարելի էր ավելացնել իհարկե, որ ողջ պետական համակարգը, մինչև տեղական իշխանության ավագանիներ, իշխանությունն այսօր լցնում է իր կադրերով կամ աշխատանքից ազատելու պարտադրանքով մարդկանց ստիպում են անդամագրվել Փաշինյանի կուսակցությանը:

Ակնհայտ է, որ երկրի ղեկավարությունը ստանձնած անձն այլևս մոռացել է կամ վատ չի գգում իր նախկին ու ներկա դիրքորոշումների 180 աստիճանի փոփոխությունից, իսկ ավելի մեծ հաշվով ամբողջովին հակասության մեջ մտնելուց «հեղափոխական ու ճշմարտության մոնետիկ» նախկին Փաշինյանի հետ: Փաշինյանն առանց քաշվելու և իրեն հատուկ ճարպկությամբ ասուլիսի ժամանակ հրապարակայնորեն արդարացնում է այն փաստը, որ կոռուպցիայի մեջ մեղադրված և մեղադրանքի հիման վրա 5.8 միլիոն դրամ գումար պետական գանձարանում վերականգնած անձը նշանակվել է նորաստեղծ հակակոռուպցիոն դատարանի ղեկավար:

Փաշինյանը շարունակում է արդարացնել իր թիմակիցների արագ հարստացման և թանկարժեք առանձնատների, բնակարանների, մեքենաների և այլ ձեռքբերումների վերաբերյալ ներկայացվող փաստերը: Երբ, օրինակ, Երևանում լրագրողն ասում է, որ պաշտպանության նախարարն էլիտար շենքում բնակարան է ձեռք բերել, որի արժեքը նախապես եղել է չորս հարյուր հազար դոլար, Փաշինյանը ասվածը հերքելու ավելի լավ բան չի գտնում, քան խորհուրդ տալը, որ եթե կարելի է Հայաստանում չորս հարյուր հազար դոլարով բնակարան վաճառել, ապա դու գնիր երեք հարյուր հազարով բնակարան և հարյուր հազար ավելիով վաճառիր: Եվ ասած հիմարությունն այնքան է Փաշինյանին դուր գալիս, որ ասուլիսի ընթացքում մի քանի անգամ կրկնում է նույն անհեթեթությունը:

Իսկ որտեղ է թաքնված իրականությունը: Փաշինյանը գիտի, որ փոքր Հայաստանում, որտեղ բոլորն ամեն ինչի մասին իմանում են, անհնար է թաքցնել «արդարության հեղափոխությամբ» իշխանության հասած իր թիմակիցների արագ և աչքի զարնող հարստացման, նրանց նախկին ու ներկա կյանքի ու կենցաղի միջև եղած «հեղափոխական» փոփոխությունների պատկերը:

Սրանից ավելի կարևոր ու խորքային այլ երևույթ ևս գոյություն ունի: Փաշինյանի «թավշյա հեղափոխությունը» իրականացվել է ազգային արմատներից կտրված, բարոյական և այլ սկզբունքներ



րից գուրկ, արևմտաթուրքական ազդեցությունների ենթակա երիտասարդ մի շերտի կողմից: Նիկոլ Փաշինյանը, որի գլխավորած «հեղափոխությունը» իր էությամբ ու բովանդակությամբ տարբեր չէ այն կրողներից ու իրականացնողներից, չունի իր հետևորդների երկարատև հավատարմությունն ապահովելու այլ արժեք և միջոց, քան շահը: Վերջին տարիների անկասելի գնաճի, հասարակության ավելի աղքատացման և աղքատների շերտի ընդլայնման պայմաններում «ժողովրդասեր իշխանության» նեղ շերտն անընդհատ մեծացնում է սեփական եկամուտները պետական բյուջեից ստացվող աշխատավարձերի բարձրացման, անտրամաբանական պարգևավճարների հաշվին: Սրան գուցա հետ, հասարակության մեջ տարածվում են խոսակցությունները, թե պետական պաշտոնյաներն ինչպես են վարժվում օգտվել պաշտոնի ընձեռած հնարավորություններից: Նիկոլ Փաշինյանը, ուզի կամ չուզի, պետք է մի դեպքում խրախուսի, մեկ այլ դեպքում հանդուրժի այս ամենը, որովհետև իր անգաղափար ու անսկզբունք «հեղափոխական» թիմն ամբողջական և միաձույլ պահելու այլ միջոց չկա, քան նյութական շահագրգռությունը: Ահա և հրապարակայնորեն հակադրվելով իր իսկ հռչակած գաղափարներին և նպատակներին՝ Փաշինյանը պաշտպանում է թիմակիցների անտրամաբանական ճոխությունները, բարգավաճող բիզնեսը և պետական համակարգին շոշափուկներով փաթաթվող կոռուպցիայի ծաղկումը:

Երկրի ղեկավարը հայտարարում է. «Հայաստանի զարգացման ռազմավարությունը ժողովրդավարությունն է»: Մի կողմ թողնենք, թե որտեղից է փչում այս փիլիսոփայությունը և մեր աչքի առջև քանի երկիր է խորտակվել ժողովրդավարության անվան տակ իրականացված ամբոխավարական հեղաշրջումների պատճառով: Երևանյան ասուլիսում լրագրողը վկայաբերում է «Ֆրիդըմ Հաուս» կազմակերպության գնահատականը, ըստ որի, Հայաս-



տանի իշխանություններն իրականացնում են գաղտնալսումներ, և որ դատական համակարգը լրացվում է իշխող ուժի անդամներով:

Փաշինյանի հրահանգով մի շարք արտերկրյա գործիչների, հիմնականում սփյուռքահայերի համար արգելված է Հայաստան մուտքի իրավունքը: Այդ մարդկանց մեղքն այն է, որ իրենց ապրած երկրներում պայքարում են Հայաստանի ու Արցախի շահերի համար, ինչպես և մասնակցել են Հայաստանում ծավալված վարչապետի հրաժարականի պահանջին: Փաշինյանն ասում է, որ եթե համակարգային կոռուպցիա լիներ Հայաստանում, ինքը դրանում փայ կունենար: Այստեղ կարելի է համաձայնել նրա հետ, որովհետև ողջ իշխանությունը կենտրոնացած է ձեռքում և առանց իր գիտության, եթե չստանա թելադրանքի, ոչինչ չի կատարվում, իսկ, մյուս կողմից, Փաշինյանի հարստացման և տարբեր բիզնեսների մաս կազմելու մասին խոսակցություններն ավելի ու ավելի են տարածվում ժողովրդի մեջ: Փաշինյանն ասում է, թե Հայաստանում որևէ մեկի դեմ գործ սարքել հնարավոր չէ, այնինչ ընդդիմության դեմ իր իշխանության հիմնական զենքը «գործեր սարքելն» է, որոնց շինծու լինելու մասին ամեն օր հայտարարում են փաստաբանները: Բազմաթիվ քրեական գործեր հօդս են ցնդում դատարաններում, իսկ անցնող հինգ տարիներին աղմուկ հանած շատ հանցագործությունների մասին խոսակցությունները մարեցին դրանցում մեղադրվող անձանց որոշ ժամանակ բանտային մեկուսացման մեջ պահելուց հետո: Մրան հակառակ, բոլոր նրանք, ովքեր ընդդիմադիր դիրքորոշում չեն ունեցել կամ դադարեցրել են այդպիսի գործունեությունը, ստացել են ազատորեն գործելու իրավունք:

Փաշինյանը, ում կենսագրության խայտառակ էջերից մեկն էլ Հայ առաքելական եկեղեցու և նրա առաջնորդի դեմ ոտնձգությունների կազմակերպումն էր երևանյան հարցազրույցի ընթացքում անթաքույց դրսևորում է իր քամահրական վերաբերմունքը Հայ Առաքելական սուրբ եկեղեցու և հոգևորականության նկատմամբ, և, ըստ էության, մերժում է վերջինիս հոգևոր իշխանություն լինելու հանգամանքը հայտարարելով, թե՛ Հայաստանում կա մեկ իշխանություն:

Այս հողվածը գրելիս նպատակ կար, ներքին խնդիրներին թուուցիկ անդրադառնալով, կենտրոնանալ Արցախ-Հայաստանի ինքնիշխանության պահպանման, անվտանգային խնդիրների և այդ հարցերում իշխանությունների որդեգրած քաղաքականության վրա: Բայց անհնար է չհիշել հիմնահարցերը, որոնք ուժեղացած են և համընդգրկուն: Մյուս կողմից՝ արտաքին քաղաքականությունն ուղղակիորեն պայմանավորված է ներքին քաղաքականությամբ, քանի որ ներսից հիվանդը չի կարող դրսից առողջ և ուժեղ լինել: Նժդեհն ասում է, որ անբարոյական մարդը չի կարող հայրենասեր լինել և, հետևաբար, մեր շահերը թե որքանով պաշտպանված կլինեն,



անմիջականորեն կապ ունի այն բանի հետ, թե ով է դրանք ներայացնողը:

Վերը հիշատակված գերմանահայության հետ հանդիպումն ու երևանյան մամուլի ասուլիսը բավական ժամանակ է, որ տեղի են ունեցել, սակայն այնտեղ արժարժված հարցերը այսօրեական հնչեղություն ունեն: Մասնավորապես դա վերբերում է ազգային-պետական խնդիրներին, որոնց մասին ներկայացված տեսակետներն արտահայտում են Հայաստանի իշխանությունների ի սկզբանե որդեգրած և հետևողականորեն իրականացվող քաղաքականությունը: Այդ հարցերին, սակայն, կանդրադառնանք հաջորդ անգամ: ■

## Արցախն այսօր: Գլոբալ և տեղական նշանակության մարտահրավերներ

Հրանտ Մելիք-Շահնագարյան  
Քաղաքագետ, «Ոսկանապատ» վերլուծական կենտրոնի ղեկավար

Արցախյան հակամարտության կարգավորման գործընթացը հետզհետե նոր երանգներ է ձեռք բերում: Հարցի առնչությամբ փոխվել են ոչ միայն Երևանի ու Բաքվի, այլև Մոսկվայի, Անկարայի, Թեհրանի և այլ ուժային կենտրոնների դիրքորոշումները: Հակամարտությունը վաղուց արդեն դուրս է եկել հայադրբեջանական տիրույթից և աշխարհաքաղաքական լուրջ նշանակություն է ստացել: Հիմա արդեն Արցախի հարցը վերաբերում է ողջ Հարավային Կովկասի ապագային, ինչպես նաև ձևավորվող նոր աշխարհակարգին: Այդ է պատճառը, որ մրցակցությունն այստեղ զգալիորեն ակտիվացել է, և անգամ խոշոր ռազմական բախման վտանգ է ստեղծվել: Իրավիճակը Հայաստանի և Արցախի համար բավական օրհասական է: Պատճառները մի քանիսն են: Նախ՝ ինչպես արդեն նշվեց, Արցախի խնդիրը դարձել է ավելի մասշտաբային հակամարտության հարց, ինչը զգալիորեն նվազեցրել է բուն Արցախի կարևորությունն աշխարհաքաղաքական կենտրոնների տարածաշրջանային քաղաքականության մեջ: Երանց համար Արցախը հիմա արդեն ընդամենը պատրվակ է: Նպատակներն ավելի գլոբալ են և եթե դրանց հետապնդման ընթացքում «պատրվակը» տուժի, ոչինչ, Մոսկվան, Թեհրանն ու այլ կենտրոնները պատրաստ են այդ զոհաբերությանը: Իսկ սա նշանակում է, որ Արցախի սուբյեկտայնությունն այսօր գրեթե ոչնչացված է: Զրոյացված է այն աստիճան, որ նույնիսկ բրոկադան, որը պաշտոնական Բաքվի ցեղասպանական քաղաքականության բացահայտ դրսևորում է, որևէ լուրջ արձագանք չի գտնում միջազգային հանրության շրջանում: Անտարբեր են բոլորը՝ բացի Ռուսաստանից: Ռուսաստանի որոշակի ակտիվությունն էլ պայմանավորված է զուտ այն հանգամանքով, որ Արցախի հարցում պարտավորություններ ունեն ստանձնած, իսկ Ադրբեջանի ազդեցիկ քաղաքականությունն ուղիղ հարված է Ռուսաստանի միջազգային հեղինակությանը:

Երկրորդ կարևոր հանգամանքն այն է, որ Հայաստանն ինքն էլ դուրս մնացել տարածաշրջանային գործընթացներից՝ դրանց սուբյեկտից վերածվելով օբյեկտի: Մեր երկրի սուբյեկտայնության վերջին նշույնները ոչնչացվել են 2022 թ. հոկտեմբերի 7-ին, այն քանից հետո, երբ վարչապետ Նիկոլ Փաշինյանը Պրահայում Իլիամ Ալիևի հետ համատեղ հայտարարություն ընդունեց: Հայտարարության տեքստում մասնավորապես նշված է. «Հայաստանն ու Ադրբե-



բեջանը հաստատեցին իրենց հանձնառությունը ՄԱԿ-ի կանոնադրությանը և 1991 թ. Ալմա-Աթայի հռչակագրին, որոնց միջոցով երկու կողմերն էլ ճանաչում են միմյանց տարածքային ամբողջականությունն ու ինքնիշխանությունը»<sup>1</sup>:

Երրորդ կարևոր պատճառը, որ ստիպում է խոսել Հայաստանի ու Արցախի դրության օրհասականության մասին, մեր տարածաշրջանում ձևավորված ուժերի նոր հավասարակշռությունն է: Հաղթելով 44-օրյա պատերազմում՝ թուրք-ադրբեջանական դաշինքը լավ հնարավորություն է ստացել հավակնելու ոչ միայն Արցախի, այլև Հայաստանի տարածքներին: Բաքուն և Անկարան ընդլայնել են պահանջատիրության սահմանները և հիմա ողջ Հարավային Կովկասը դիտարկում են որպես իրենց ազդեցության գոտի: Թուրք-ադրբեջանական դաշինքի ախորժակի մեծացմանը նպաստում է նաև այն հանգամանքը, որ Ռուսաստանն ու Իրանը զբաղված են այլ տարածաշրջաններում առկա հակամարտություններով և չեն կարող լիարժեք սպասարկել աշխարհաքաղաքական մրցակցության մի քանի ճակատներ: Մյուս կողմից՝ փետրվարի 6-ին Թուրքիայում տեղի ունեցած ավերիչ երկրաշարժը զգալիորեն կասեցրեց Անկարայի նվաճողական քաղաքականության տեմպը մեր տարածաշրջանում: Հայաստանի համար սա, իհարկե, լավ լուր է: Կա հույս, որ ստորգետնյա ցնցումներին Թուրքիայից կհաջորդեն նաև քաղաքական ցնցումներ՝ վերականգնվելու ևս որոշ ժամանակ ընձեռելով Հայաստանին: Հիշեցնենք՝ ընդամենը երկու ամիս անց Թուրքիայում նախագահական ընտրություններ են տեղի ունենալու:





նույնպես ի հայտ են եկել նոր զարգացումներ, որոնք լրացուցիչ սպառնալիքներ են ստեղծում հայկական երկրորդ պետության համար:

Այս լույսի ներքո, իհարկե, պետք է խոսել արդեն ավելի քան երեք ամիս շարունակվող բռնկադայի մասին: «Դրօշակի» նախորդ համարում այս խնդրին անդրադառնալու առիթ արդեն ունեցել եմ<sup>1</sup>: Ցավոք, անցած մեկ ամսվա ընթացքում հիշատակված հոդվածում ներկայացված հնարավորություններից Արցախի իշխանությունները չկարողացան օգտվել: Ճիշտ հակառակը՝ փետրվարի 23-ին Արցախի նախագահ Արայիկ Հարությունյանը, ենթարկվելով Ալիևի պահանջներին, պաշտոնից ազատել է պետ-նախարար Ռուբեն Վարդանյանին՝ ըստ էության ցույց տալով, որ հայկական երկրորդ պետության իշխանությունները տրամադրված չեն Ադրբեջանի հետ դիմակայության և այդ կերպ սեփական շահերը պաշտպանելուն: Սա մեծ հարված դարձավ Արցախի սուբյեկտայնությանն ու հետագա խնդիրները լուծելու տեղի բնակչության՝ մի քանի անգամ հստակ կերպով բարձրաձայնաձայն կամքին: Ռուբեն Վարդանյանի պաշտոնանկությունից հետո Ադրբեջանի իշխանու-թյունները, ինչպես և կարելի էր կանխատեսել, չվե-րացրեցին Արցախի պաշարումը: Ճիշտ հակառակը՝ նրանք նոր պահանջներ դրեցին Ստեփանակերտի և Երևանի առջև:

Եվ վերջին, բայց ամենակարևոր պատճառը, նոր աշխարհակարգի ձևավորումն է: Մեծ հաշվով Հայաս-տանի և Արցախի, ինչպես նաև վերոնշյալ բոլոր խըն-դիրների հիմնական պատճառը հենց այս գործըն-թացն է: Հարավային Կովկասում վերջին տարիներին տեղի ունեցած փոփոխությունները շատերը պայմա-նավորում են 2020 թ. Ադրբեջանի և Արցախի միջև տեղի ունեցած 44-օրյա պատերազմով և դրան հետևած զարգացումներով: Ու թեև ադրբեջանաարցախյան պատերազմն իսկապես մեծ ազդեցություն է ունեցել մեր տարածաշրջանի վրա, այնուամենայնիվ պատերազմը չէ, որ դարձավ փոփոխությունների հիմնական պատ-ճառ: Թերևս ավելի ճիշտ կլինի ասել, որ 44-օրյա պատերազմն ինքն էր այդ փոփոխությունների հե-տևանքն ու կուլմինացիան:

Այս ամենի հետևանքով մեր տարածաշրջանում ի հայտ են եկել մի շարք իրողություններ, որոնք միանգամայն նոր են Հարավային Կովկասի հա-մար: Դրանց հիմնական մասին անդրադարձել եմ վերջերս Թեհրանում տեղի ունեցած «Կովկասի աշխարհաքաղաքական հավասարումները և տա-րածաշրջանային ու արտատարածաշրջանային դե-րակատարները» խորագրով համաժողովում<sup>2</sup>: Այստեղ կարճ կնշեմ, որ խոսքը վերաբերում է Հարավային Կովկասի երկրների սահմանների փոփոխությանը, տարածաշրջանում այլ երկրների ռազմական ներ-կայությանը, մեր տարածաշրջանն Արևելք-Արևմուտք տրանզիտային գոտու վերածելու որոշ տերությունների ծրագրերին, աշխարհաքաղաքական մրցակցության նոր աստիճանին և այլն:

Այս բոլոր իրողությունների պարագայում սպա-սելիորեն նոր լույսի ներքո է դիտարկվում նաև Արցա-խի խնդիրը: Դրա գլոբալ առանձնահատկություննե-րին հոդվածի սկզբում արդեն անդրադարձանք: Բայց բնական է, որ վերածվելով աշխարհաքաղաքական մրցակցության պատրվակի՝ Արցախն այնուամենայնիվ չի դադարում հայ-ադրբեջանական հակամարտության գործոն հանդիսանալ: Եվ ահա այս հարթության վրա

Մարտի 6-ին տեղի ունեցած Արցախի Հանրապե-տության Անվտանգության խորհրդի ընդլայնված նիստում Արայիկ Հարությունյանը տեղեկացրել է, որ ադրբեջանական կողմը իր խողովակներով փոխանցել է. «Կամ ընդունում եք ինտեգրացիոն քա-ղաքականությունը, կամ առկա խնդիրներին որևէ լու-ծում չի լինելու, հակառակը՝ լինելու են ավելի կոշտ և կարուկ քայլեր<sup>3</sup>: Եվ սա հաջորդ իրողությունն է, որ ի հայտ է եկել արցախյան հիմնախնդրում, «ինտեգրացիան» ադրբեջանական կողմը դարձրել է իր քաղաքական նոր պահանջը: Բաքվի այս մոտեցմանը պաշտոնա-կան Երևանը պատասխանում է քար լուռությամբ: Դիմադրություն, այն էլ շատ թույլ, կա միայն Արցախում: Մարտի 13-ին Ալիևի աշխատակազմն Արցախի ներ-կայացուցիչներին հրավիրել է Բաքու՝ հանդիպման, սակայն արժանացել պաշտոնական Ստեփանակերտի մերժմանը: Արցախի իշխանությունները պահանջում են, որպեսզի նման հանդիպումները տեղի ունենան ՌԴ խաղաղապահների միջնորդությամբ՝ նախկին հանդիպումների վայրում<sup>4</sup>:

Երրորդ կարևոր խնդիրը, որն առաջացել է Արցախում, հայկական երկրորդ պետության ներքին քաղաքական լարվածությունն է: Արդեն տևական ժա-մանակ է մամուլը լուրեր է տարածում այն մասին, որ

## Քաղաքական

Արայիկ Հարությունյանը ցանկանում է հրաժարական տալ նախագահի պաշտոնից: Արցախում, սակայն, լավ են գիտակցում, որ ստեղծված իրավիճակում նախագահական նոր ընտրություններ կազմակերպելը շատ դժվար կլինի: Այդ իսկ պատճառով այնտեղ որոշել են փոխել սահմանադրությունը և Ազգային ժողովին նախագահ ընտրելու լիազորություն տալ: Թե ինչ կստացվի այդ ամենի արդյունքում, դժվար է ասել: Բայց հիմա արդեն պարզ է, որ ներքաղաքական այդ ճգնաժամից օգտվում են որոշ հակապետական էլեմենտներ, որոնք փորձում են Արցախում գավթել իշխանությունը: Սա, իհարկե, մեծ վտանգ է հայկական երկրորդ պետության համար:

Այդ ամենին գումարվում է, այսպես կոչված, խաղաղության պայմանագրի շուրջ ընթացող հայադրեջանական բանակցությունների վտանգավոր հետևանքների հեռանկարը: Թե ինչ տրամաբանությամբ են ընթանում այդ բանակցությունները, հեշտ կարելի է դատել Նովրուզ Բայրամի առթիվ Ադրբեջանի նախագահ Իլհամ Ալիևի՝ իր ժողովրդին ուղղած շտրիավորանքի տեքստից, որտեղ նա մի շարք սպառնալիքներ է հնչեցրել Հայաստանի հասցեին: «Եթե Հայաստանը ցանկանում է հանգիստ ապրել 29 հզ. ք/կմ տարածքում, ապա պետք է ընդունի Ադրբեջանի պայմանները, պաշտոնապես ճանաչի Ղարաբաղը որպես Ադրբեջանի մաս, մեր պահանջների հիման վրա իրականացնի դեղիմիտացիա», - մասնավորապես ասել է Ալիևը<sup>6</sup>: Ահա այսպես՝ ոչ ավել, ոչ պակաս:

Ներկայացված բոլոր իրողությունները վկայում են այն մասին, որ հայկական երկու պետություններն իսկապես գտնվում են չափազանց ծանր վիճակում: Մեր թշնամին ագրեսիվ է և անկուշտ: Դաշնակիցները՝ այլ հակամարտություններով տկարացած: Իշխանությունները՝ դավաճան: Հուսադրողը միայն այն է, որ ժողովրդի մեջ կա ներքին և արտաքին մարտահրավերներին դիմադրող թեկուզ փոքր, սակայն գործուն տարր: Բացի այդ՝ ակնհայտ է, որ աշխարհաքաղաքական կենտրոնները դեռևս զգուշանում են մեր տարածաշրջանում միմյանց դեմ ուղիղ առճակատման մեջ մտնելու հեռանկարից: Այս փուլում նրանք բավարարվում են մկանների ցուցադրմամբ և հավանական հակառակորդին զսպող հայտարարություններով: Կա հավանականություն, որ դրությունը մեր տարածաշրջանում ավելի չի բարդանա, և առկա իրողություններով նոր ստատուս քվո կձևավորվի: Բայց այդ հավանականությունը, ցավոք, մեծ չէ: Ուստի Հայաստանը պարզապես պարտավոր է ավելի հաշվարկված և հավասարակշռված քաղաքականություն վարել դաշնակիցների հետ: Իսկ դրա համար մեր երկրին նախ և առաջ իշխանափոխություն է պետք: Գործող իշխանու-



թյունները նման խնդիր չեն կարող լուծել: Ոչ էլ ցանկանում են: Նրանք միանգամայն այլ՝ Հայաստանի շահերի հետ որևէ առնչություն չունեցող շարժառիթներով են առաջնորդվում: ■

### Ֆոտոներ

1- Վարչապետ Փաշինյանի, նախագահ Ալիևի, նախագահ Մակրոնի և նախագահ Միշելի՝ 2022 թվականի հոկտեմբերի 6-ին կայացած հանդիպման հայտարարությունը, 07.10.2022 թ., <https://www.primeminister.am/hy/press-release/item/2022/10/07/Nikol-Pashinyan-Announcement/>:

2- Անվտանգային բացերն ու Իրանի հյուսիսարևմտյան սահմանների վիճակը. Մարտահրավերներ և հետևանքներ, 05.03.2023 թ., <https://times.am/776120/>:

3- Արցախի շրջափակում՝ ռիսկեր ու հնարավորություններ, Հրանտ Մելիք-Շահնազարյան, «Դիօշակ», Թիվ-2 (1672), փետրվար 2023 թ.:

4- Նախագահ Հարությունյանը հրավիրել է Անվտանգության խորհրդի ընդլայնված նիստ. քննարկվել է Հանրապետությունում ստեղծված իրավիճակը, 06.03.2023 թ., <http://president.nkr.am/am/news/consultations/5733/>:

5- Արցախի Հանրապետության արտաքին գործերի նախարարության հայտարարությունը, 13.03.2023 թ., <http://www.nkr.am/hy/news/2023-03-13/Statement>:

6- Ինչ է սպառնացել Ալիևն օկուպացրած Թալիշից, 18.03.2023 թ., <https://www.panorama.am/am/news/2023/03/18/%D4%B1%D5%AC%D5%AB%D6%87-%D4%B9%D5%A1%D5%AC%D5%AB%D5%B7/2808890>:



# Ռուսական բանակի հաջող հարձակումը կարճանագրի համաշխարհային երկու բևեռների դիմակայության գիծը

Մարգիս Մարգայան

Մոսկվայի Վ. Արծրունու անվան Սևծովյան-Կասպիական տարածաշրջանի հետազոտությունների ինստիտուտի ավագ գիտաշխատող

Ռուս խաղաղապահներն ունեն առաքելություն՝ ապահովելու Բերձոր-Լաչինի միջանցքի անխափան գործունեությունը: Ենթադրելի է, որ Ռուսաստանի ռազմաքաղաքական վերնախավը գտնում է, որ այն ապահովելու ձևերը տարբեր են: Եթե տևական ժամանակ բանակցություններն օգուտ չեն տալիս, խաղաղապահներն իրավունք ունեն՝ ինչ-որ ձևով վերականգնելու երթևեկությունը և կապը: Սակայն խնդիրն այն է, որ ռուսական կողմի համար բավականին բարդ իրավիճակ է ստեղծվել, որի երկու ելքերն էլ կարող են բացասական լինել հենց Ռուսաստանի համար: Եթե Ռուսաստանը չի բացում ճանապարհը, դա հեղինակագրկում է ռուսական խաղաղապահ զորայինին ու, ըստ էության, ավելորդ է դարձնում զորայինի ներկայությունը: Երկրորդ՝ եթե ռուսական կողմը որոշի ուժային եղանակով բացել միջանցքը, անմիջապես հետևելու է Ադրբեջանի պահանջը՝ սահմանված ժամկետից շուտ ռուսական խաղաղապահներին դուրս բերել Արցախից: Ռուս խաղաղապահների տեղակայման առաջին իսկ օրից Ադրբեջանը նրանց ներկայությունը համարել է լուրջ խոչընդոտ իր վերջնական նպատակների հասնելու ճանապարհին: Հետևաբար Ռուսաստանն ինչ որոշում էլ կայացնի, այն իր համար բարդ հետևանքներ է ունենալու: Պատերազմը Ոսկրախնայում, Արևմուտքի հետ աննախադեպ լարված հարաբերությունները ստիպում են Ռուսաստանին շատ զարգացումներ անտեսել, քանի որ ստեղծված իրավիճակից օգտվող շատերը կարող են լինել, իսկ ելքերի հնարավորությունները՝ քիչ: Ռուսաստանում կա համոզմունք, որ ստեղծված իրավիճակից նվազագույն կորուստներով կարելի է դուրս գալ՝ առանց ուժային ազդեցության բացելով միջանցքը: Սակայն ձգձգվելու հանգամանքը ևս մեծ խնդիր է խաղաղապահների հեղինակության համար: Մյուս կողմից՝ Ադրբեջանում չեն կարող չգիտակցել, որ Լաչինի միջանցքի շրջափակումը չհանգեցրեց արցախահայության արտագաղթի և արտատարածքային միջանցքի ձեռքբերման հիմնական նպատակներից և ոչ մեկին: Այս ենթատեքստում ուշագրավ է այն հանգամանքը, որ ռուսական լրատվամիջոցները հատուկ ուշադրության արժանացրին Պուտին-Ալիև հեռախոսազրույցը: Դժվար է հասկանալ, թե ստեղծված պայմաններում հայ-ադրբեջանական օրակարգի ինչ թեմաներ կարող են քննարկել երկու մարդ, որոնք իրենց ստորագրություններով երաշխավորել են միջանցքի անխափան գոր-



ծունեությունը: Ռուսական քաղաքագիտական շրջանակների ներկայացուցիչների հետ զրույցներից կարելի է ենթադրել, որ Ռուսաստանը փորձում է իր նորաթուխ «դաշնակցին» հնարավորինս փոքր զոհողություններով դուրս բերել միջազգային հանրության պարսավանքին արժանացած այս «բնապահականական աղետից»: Հիշենք, որ 2022 թ. փետրվարի 22-ին Մոսկվայում Վլադիմիր Պուտինը և Իլիամ Ալիևը ստորագրեցին դաշնակցային համագործակցության մասին հռչակագիր՝ կազմված 43 հոդվածներից: Ըստ հռչակագրի 11-րդ հոդվածի՝ «Ռուսաստանի Դաշնությունը և Ադրբեջանի Հանրապետությունը վճռականորեն զսպում են իրենց տարածքներում կազմակերպությունների և անձանց գործունեությունը՝ ուղղված մյուս կողմի պետական ինքնիշխանության, անկախության և տարածքային ամբողջականության դեմ»: Դժվար չէ նկատել, որ վերոնշյալի միակ թիրախը ռուսահայ կառույցներն են: Լուրջ մտորումների տեղիք են տալիս Ադրբեջանի Միլլի Մեջլիսի խոսնակ Սահիբա Գաֆարովայի հետ հանդիպման ընթացքում Ռուսաստանի Դաշնության Պետական դումայի խոսնակ Վյաչեսլավ Վոլոդինի հնչեցրած հայտարարությունները՝ կապված Հայաստան գործողվող ԵՄ քաղաքացիական առաքելության (EUMA) հետ: Հայտնի է, որ դիտորդական առաքելության գործողության գոտին կընդգրկի Ադրբեջանի հետ սահմանի ամբողջ երկայնքը՝ ներառյալ Նախիջևանի հատվածը: Հանդիպման ընթացքում Վոլոդինը խիստ, անգամ սպառնալից շեշտադրումներով թիրախավորելով նաև Հայաստանը՝

## Քաղաքական

ակնարկել է Եվրախորհրդարանի և Եվրոպայի խորհրդի խորհրդարանական վեհաժողովի (ԵԽՄԿՎ) թնջուկները լուծելու անկարողության մասին: Իրականում երկու կառույցն էլ որևէ կապ չունեն ընդունված որոշման հետ: ԵՄ քաղաքացիական առաքելության՝ Հայաստան գործուղման որոշումն ընդունվել է ԵՄ արտաքին հարաբերությունների խորհրդի կողմից: Հիշեցնենք, որ Եվրոպական միության խորհուրդը (պաշտոնական անվանումը՝ Խորհուրդ, սովորաբար կոչվում է նախարարների խորհուրդ) Եվրոպական խորհրդարանով հանդերձ Եվրոպական միության երկու օրենսդիր մարմիններից մեկն է: Խորհրդի կազմի մեջ են մտնում 27 նախարարներ՝ մեկական նախարար Եվրամիության անդամ պետությունների կառավարություններից: Այս հիշեցումը կարևոր է նաև այն առումով, թե մեր ռազմավարական դաշնակցի պետական վերին ատյանները որքանով են տիրապետում «մանրուքներին» այն հարցերում, որտեղ մանրուքներ ուղղակի չեն կարող լինել: Ընդ որում, Վոլոդիմիր ուղարկած ազդակին շատ արագ արձագանքեց և այն ողջունեց Ադրբեյջանի խորհրդարանի ռուսատյաց պատգամավոր Ռասիմ Մուսաբեկովը, որը 2014-ից սկսած նախանձելի հետևողականությամբ Ռուսաստանին «դուրս է շարտում Ուկրաինայից»: Այս համայնապատկերին բնականաբար ակտիվացավ ՀԱՊԿ-ի ղեկավարությունը. փետրվարի 14-ին մամուլի ասուլիսի ընթացքում ՀԱՊԿ միացյալ շտաբի պետ, գեներալ-գնդապետ Անատոլի Սիդորովը, պատասխանելով հարցին, թե արդյոք իր տարածքում ՀԱՊԿ զորավարություններ չանցկացնելու մասին Հայաստանի որոշումը կազդի՞ կազմակերպության աշխատանքի վրա, հայտարարեց. «Եթե իրավիճակը հանկարծ պահանջի կովկասյան տարածաշրջանում հավաքական անվտանգության համակարգի ուժերի և միջոցների ներգրավում, կա փորձ, մշակվել են նաև որոշակի ծրագրեր, և կարծում եմ, որ ՀԱՊԿ անդամ երկրները պատրաստ կլինեն իրենց դաշնակցին թիկունք դառնալ կովկասյան տարածաշրջանում»:



Դժվար է հասկանալ, թե էլ ինչ պետք է կատարվի, որպեսզի Հայաստանը որպես նեցուկ տեսնի ՀԱՊԿ-ին: Աներկբա է, որ Ուկրաինայում, Այսրկովկասում, Միջին Ասիայում տեղի ունեցող իրադարձությունները «Խորհրդային կայսրության փլուզում» կոչվող երկրաշարժի հետցնցումներն են, որոնք, ցավոք, շարունակական են լինելու: Այս առումով որքան շուտ կողմնորոշվի Ռուսաստանը, որքան շուտ հրաժարվի «բոլորն իմ բարեկամներն են» բանաձևից, այնքան շուտ գոնե որոշակի հատակություն կլինի տարածաշրջանային զարգացումներում: Որքան էլ Հայաստանի քաղաքական ներկայակալի արևմտամետ թեք փորձի նսեմացնել Ռուսաստանի դերակատարությունը հայ ժողովրդի ճակատագրում՝ բերելով նաև մեծապետական քաղաքական անհետևողականության օրինակներ, աքսիոմա է այն փաստը, որ Ռուսաստանի 300-ամյա ներկայությունը տարածաշրջանում հայերիս համար հիմնականում եղել է դրական՝ բոլորիս հայտնի բացառություններով. չմանրամասնենք: Նման գնահատական չենք կարող տալ Հայաստանի Հանրապետության և Ռուսաստանի 100-ամյա իրավաքաղաքական հարաբերություններին. պետական ճգնաժամը ակնառու է և ունի 100 տարվա պատմություն: Քաղաքագիտության մեջ վաղուց օգտագործվում է «ֆրենդս» տերմինը ( friend՝ բարեկամ, և enemy՝ թշնամի բառերի համադրությունն է): 21-րդ դարի աշխարհաքաղաքական գլոբալ փոփոխությունները հանգեցրել են նրան, որ նախկին կամ դե յուրե «բարեկամները» ձեռք են բերել ավելի շատ տարակարծություններ, իսկ դե ֆակտո «թշնամիները» ստեղծում են ժամանակավոր, կասկածելի միություններ: Որպես օրինակ՝ ռուս-թուրքական հարաբերությունները և ռուս-ադրբեյջանական «դաշինքը»: Մասնավոր խոսակցություններում ռուս քաղաքագետները չեն թաքցնում, որ և՛ Ադրբեյջանը, և՛ Թուրքիան իրավիճակային դաշնակիցներ են: Հայաստանը երբեք նման գնահատականի չի արժանանում: Մյուս կողմից՝ միջպետական հարաբերություններում ձևավորվել է, այսպես կոչված, «գործարքային կամ կորպորատիվ» էթիկա, ինչը ենթադրում է դաշնակցային պարտավորությունների նկատմամբ վերաբերմունքի փոփոխություն: Եվրոպական քաղաքական «a la carte»-ի (հայեցողական) սկզբունքը, երբ ասենք՝ Ֆրանսիան դը Գոլի օրոք մաս կազմելով Հյուսիսատլանտյան դաշինքի քաղաքական կառույցին՝ 1967-ին դուրս եկավ ՆԱՏՕ-ի ռազմական ստորաբաժանումից, տեղափոխվում է նաև Ռուսաստանի ազդեցության գոտի:

Եվս մեկ հանգամանք. Խորհրդային Միության արտաքին քաղաքական ուղեծիրը գործում էր որպես անբեկանելի վարդապետություն (դոկտրինա): Հայերս պետք է արձանագրենք, որ ներկա Ռուսաստանի արտաքին քաղաքականությունը դոկտրինալից (վարդապետականից) վերածվում է կիրառականի,



ինչը նշանակում է, որ ռուսական արտաքին քաղաքական գերատեսչությունը ձեռք է բերել իրեն ոչ բնորոշ, իրավիճակային, եթե կուզեք՝ հրշեջային գործառնություններ: Մեր դեպքում խնդիրն այն է, որ երբ մեր դաշնակիցը նույն պայմաններով դաշինք է առաջարկում մեր հակառակորդին, դա ենթադրում է նաև ձեռքերի աշխարհաքաղաքական ազատություն: Եթե կարելի է քեզ, ինչու՞ չի կարելի ինձ: Չի կարող Թուրքիան լինել Հունաստանի դաշնակիցը և միաժամանակ՝ Կիպրոսի թշնամին: Ունենք այս պատկերը: Ռուսաստանի դիրքերի թուլացումը ձեռնտու է Հայաստանի կոսմոպոլիտ դեկլարությանը, որի հիմնական ցանկությունը «Հայաստանը և իրենց «հաղթանակի» պտուղները վայելելն է»: Արձանագրենք, որ մի կողմից՝ ներքին քաղաքականության դաշտում «հեղափոխական նիհիլիստների» թիմը տապալեց ազգային արժեքները արժեզրկելու, ազգային դարավոր ինստիտուտները պախարակելու և ոչնչացնելու կամ առնվազն իր քիմքին հարմար վերաձևելու, ազգային ինքնատիպությունը ձևախեղելու իր առաքելությունը: Մյուս կողմից՝ ի դեմս դաշնակցային պարտավորություններից հրաժարվող, իր բազմաբևեռության մեջ մոլորված, հակասական, իրարամերժ ցանկություններ դրսևորող Ռուսաստանի՝ գտավ հարմար դաշնակցի: Չաշխատեց մեր պետականության, արժեքային համակարգի ձևախեղման ներքաղաքական գործիքակազմը, կաշխատի արտաքին քաղաքական գործիքակազմը, որի կիրառումը հնարավոր դարձավ այդ թվում նաև տարածաշրջանում օրեցօր իր դիրքերը զիջող Ռուսաստանի կրավորականության հետևանքով: Եթե Հայաստանի անկախացման ակունքներում կանգնած քաղաքական ուժերի համար Արցախի անկախությունը և որպես արդյունք՝ Հայաստանի հետ միավորումը «գարգանանք՝ առանց զիջելու» կարգախոսով առաջընթացի գրավական էր, ապա «երիտհայերի» համար և՛ Արցախը, և՛ Հայ դատը

Հայաստանի զարգացման խոչընդոտներ են: Հետևաբար հետևողականորեն սերմանվում է «ֆրենեմի» սկզբունքը: Մենք չենք կարող չգիտակցել, որ աշխարհաքաղաքական առաջնահերթությունների դաշնակիցների և գործընկերների փոփոխությունը բերելու է ազգային ինքնագիտակցության և աշխարհընկալման փոփոխության արդեն մոտակա սերունդների համար: Հայ դատը, Մեծ եղեռնը, Արևմտյան Հայաստանի և Արցախի հայկականությունը դոգմաներ չեն, և ոչ էլ՝ Սևակի բառերով՝ «որբի գլուխ»:

Բոլորն են հասկանում, որ երկրաշարժի հետևանքով Թուրքիան աշխարհաքաղաքական հարթությունում դիրքային նկատելի կորուստներ է ունեցել և դեռ ունենալու է, դա վկայում են և՛ լավատեղյակ ռուս, և՛ իրավիճակը փայլուն պատկերացնող իրանցի փորձագետները: Իրավիճակ է փոխվել, և Թուրքիան երկար ժամանակ կարող է հայտնվել կրավորական խաղացողի վիճակում:

Ի դեպ, վերջերս հետաքրքիր հայտարարություն արեց Բելոռուսի նախագահ Լուկաշենկոն՝ այս անգամ հարվածելով Թուրքիայի մեկ այլ սրտակից դաշնակցին՝ Ղազախստանին: ՀԱՊԿ անդամ երկրներին նկատի ունենալով՝ նա ՀԱՊԿ-ի գլխավոր քարտուղար Տասնագամբետովի հետ հանդիպման ժամանակ ասաց. «Եթե ինչ-որ մեկը մտածում է, որ Ուկրաինայի և Ռուսաստանի միջև հակամարտությունը մեր հակամարտությունը չէ, որ մենք ինչ-որ տեղում հանգիստ կնստենք, նման բան չի լինի: Գալիս է ժամանակը, բառացիորեն վաղը, երբ անհրաժեշտ կլինի որոշել և որոշակի դիրքորոշում որդեգրել»: Այս համատեքստում հայերս պետք է արձանագրենք, որ տպավորությունը, թե ռուսական ազդեցության թուլացման հետևանքով Արևմուտքի աջակցությամբ նրա տեղը կարող էր լրացնել Թուրքիան գոնե մի որոշ ժամանակ, կարելի է ուղարկել պատմության գիրկը: Ռուսական կողմի պասիվացումը ժամանակավոր բնույթ է կրում, քանի որ Հարավային Կովկասն ու Հայաստանը ռազմավարական նշանակություն ունեն այդ երկրի համար: Եվ պատահական չէ, որ ՀՀ-ում ՌԴ դեսպան Կոպիլկինը հայտարարեց, թե Հայաստանից և Հարավային Կովկասից հեռանալը ՌԴ ծրագրերի մեջ չեն մտնում: Վստահորեն կարելի է ասել մեկ բան. եթե ռուսներին հաջողվի իրականություն դարձնել իրենց գարնանային հարձակման նպատակները, ապա դա կտա մի շարք աշխարհաքաղաքական հարցերի պատասխանը, ինչպես նաև կհատակեցնի իրար դեմ կանգնած երկու համաշխարհային բևեռների դիմակայության գիծը: Սա արդեն բոլորի համար է վերջնական կողմնորոշման պահանջ: ■



## Շրջափակված Արցախ. ինչ իրավիճակ է ներքին կյանքում

Տաթևիկ Աղաջանյան  
Լրագրող, Արցախ

Ադրբեջանի կողմից 2022 թ. դեկտեմբերի 12-ից իրականացվող շրջափակումը ամբողջությամբ փոխել է Արցախի ներքին կյանքի բոլոր ոլորտները: Բնակչությունը փորձում է կյանքը հարմարեցնել նոր պայմաններին, այստեղ նույնիսկ կատակում են, թե արդեն տնային տնտեսուհիները չեն որոշում, երբ են զբաղվելու կենցաղային գործերով, այլ էլեկտրա-էներգիայի հովհարային անջատումների գրաֆիկը: Բնապահպանական կեղծ պատճառաբանությամբ Հայաստանի հետ կապող ճանապարհի արգելափակման հետևանքով ստեղծված իրավիճակում աշխատանքները համակարգելու համար Արցախի կառավարությունում ստեղծվել է օպերատիվ շտաբ:

Շրջափակումն Արցախի ժողովրդի վրա ունեցել է հետևյալ ազդեցությունները՝ ազատ տեղաշարժի սահմանափակում, կենսական ենթակառուցվածքների աշխատանքի խափանում և հոգեբանական ահաբեկչություն:

Հունվարի 9-ից ամբողջությամբ խափանելով Հայաստանից ստացվող էլեկտրամատակարարումը, իսկ շրջափակման ողջ ընթացքում պարբերաբար կասեցնելով գազամատակարարումը՝ ադրբեջանական կողմը միտումնավոր ստեղծել է շարունակական էներգետիկ ճգնաժամ: Արցախում անցել են էներգետիկ համակարգի ճգնաժամային կառավարման՝ ամբողջ ծավալով գործարկելով տեղի հիդրոէլեկտրակայանները և հնարավորինս սահմանափակելով սպառումը: Այս ընթացքում մեծապես պակասել են Սարսանգի ջրամբարի ջրային պաշարները, քանի որ ջրամբար մուտք գործող ջրային պաշարների համեմատությամբ ավելի շատ ջուր է բաց թողնվել: Այժմ կրիտիկական վիճակ է:

Սարսանգի ջրամբարի միջոցով բավարարվում է ներքին էներգետիկ պահանջարկի միայն 60 տոկոսը, ինչի հետևանքով ՀՀ-ից Արցախ հասնող էլեկտրազեմի վթարի հենց հաջորդ օրվանից «Արցախէներգո» ՓԲԸ-ն ստիպված է եղել անցնելու հովհարային անջատումների, նախ՝ օրական 2, այնուհետև՝ 4, իսկ այժմ էլ՝ 6 ժամյա անջատմամբ:

Շրջափակման առաջին շաբաթվա ընթացքում դատարկվել են մրգի և բանջարեղենի խանութները, այնուհետև՝ աստիճանաբար խանութների ցուցափեղկերը: Հատկապես զգալի է սննդամթերքի, դեղորայքի, մանկական կերերի, հիգիենայի պարագաների սղությունը:

Բնակչության նվազագույն պահանջները բավարարելու համար հունվարի 17-ից սահմանվել է կտրոնային համակարգ, որի միջոցով յուրաքանչյուր անձ կարող է մեկ ամսվա ընթացքում գնել 1 լիտր արևածաղկի ձեթ, մեկական կգ մակարոնեղեն, բրինձ, շաքարավազ և հնդկաձավար: Իսկ փետրվարի 20-ից մթերքների այս ցանկին ավելացել են միրգը, բանջարաբեղերը, ձուն և լվացքի փոշին:

Կորոնավիրուսային համավարակ, պատերազմ,



այժմ էլ՝ շրջափակում: Այս աղետների հետևանքով մեծապես տուժել է նաև Արցախի կրթական համակարգը: Ինչպես նախորդ դեպքերում, շրջափակման ժամանակ ևս հնարավոր չի եղել ապահովել նորմալ դասընթաց, քանի որ 7 անգամ Ադրբեջանը արգելափակել է Արցախ մտնող գազատարը, որով ջեռուցվում է դպրոցների մեծ մասը, նախադպրոցական հաստատությունները: Փաստացի, պարբերաբար խաթարվել է 30.000 երեխայի կրթության իրավունքը: Բացի դրանից՝ արցախցի դիմորդները չեն կարողացել մասնակցել Հայաստանում բուհական ընդունելության առաջին փուլի (ձմեռային) միասնական քննություններին: Այժմ թե՛ Արցախի, թե՛ Հայաստանի կրթության ոլորտի պատասխանատուները քննությունները հանձնելու այլընտրանքային տարբերակներ են քննարկում:

Արցախի Հանրապետության կրթության, գիտության, մշակույթի և սպորտի նախարարությունը հայտարարել է, որ փետրվարի 27-ից Արցախի Հանրապետությունում գործող բոլոր նախադպրոցական ուսումնական հաստատություններում լիարժեքորեն կվերսկսվի ուսումնադաստիարակչական գործընթացը: Հաշվի առնելով գազամատակարարման մասնակի վերականգնումը՝ փետրվարի 20-ից վերսկսվել էր գազով ջեռուցվող հանրակրթական դպրոցների նախադպրոցական խմբերի և 1-8-րդ դասարանների, արտադպրոցական (երաժշտական և արվեստի դըպրոցներ, մանկապատանեկան ստեղծագործական կենտրոններ) ու նախնական (արհեստագործական) և միջին մասնագիտական ուսումնական հաստատությունների դասընթացը, որը կասեցված էր փետրվարի 7-ից:

Շրջափակման հենց առաջին օրերից տուժել է տնտեսության 41 ոլորտ, ավելի քան 5100 մարդ կորցրել է աշխատանքը կամ եկամտի աղբյուրը, հատկապես՝ սպասարկման ոլորտում: Մեծածախ ու

մանրաձախ առևտրի ոլորտը տուժել է ապրանքի բացակայության, իսկ արտադրողները՝ հումքի ներկրման անհնարինության պատճառով: Տուժել են մանածագործական, հագուստի, խմիչքների արտադրության, միրգ-բանջարեղենի, մսի և մսամթերքի մշակման ու պահածոյացման ոլորտները, հանրային սննդի կազմակերպման ծառայությունները, ինչպես նաև՝ հյուրանոցային տնտեսությունները: Կառավարությունն աջակցության մի շարք ծրագրեր է մշակել՝ շրջափակման հետևանքով աշխատանքից զրկված ընտանիքների սոցիալական բեռը թեթևացնելու համար:

Հատկապես շրջափակման օրերին շատ է խոսվում ներքին արտադրությունը զարգացնելու մասին: Սակայն գրեթե անհնար է գարնանացան մշակաբույսերի սերմերի, պարարտանյութերի, բույսերի պաշտպանության միջոցների, իսկ անասնաբուծության ոլորտում՝ հատիկային և խտացրած կերերի ներկրումը:

Հանրապետությունում խնդրահարույց է վառելիքի սակավությունը, ինչի հետևանքով կաթվածահար են լինում գյուղատնտեսության բոլոր ճյուղերի ընթացիկ աշխատանքները:

Այս պահին տեղական արտադրության բուսաբուծական մթերք վաճառքում չկա կամ շատ չնչին քանակով է, քանի որ ստեղծված իրավիճակում գյուղացիներն ամբարած բերքը պահում են սեփական կարիքները հոգալու և որպես սերմացու օգտագործելու համար:

Ինչպես հաղորդում են ԱՀ գյուղատնտեսության նախարարությունից, գարնանացանի աշխատանքները կատարվելու են պահուստային պաշարների, ինչպես նաև Արցախում գործող ագրոմարկետներում առկա սերմերի մնացորդների հաշվին: Նույն կերպ է լուծվելու նաև այդ աշխատանքների համար անհրաժեշտ վառելիքի խնդիրը:

Արտակարգ տնտեսման ռեժիմով է աշխատում առողջապահական համակարգը. դեղորայքի և բժշկական նշանակության ապրանքների սահմանափակ պաշարները բավարարելու համար Արցախի պետական բուժհաստատություններում դադարեցված են պլանային բոլոր միջոցառումները՝ ներառյալ վիրահատությունները և հետազոտությունները: Ստեփանակերտի ծննդատան, մանկական հիվանդանոցի և հանրապետական բժշկական կենտրոնի դեղամիջոցների պաշարները չափազանց սուղ են, շրջափակման պայմաններում հնարավոր չէ ներմուծել անհրաժեշտ քանակությամբ բժշկական նշանակության ապրանքներ: Առկա է նաև ջեռուցման խնդիր, քանի որ բուժհիմնարկները հիմնականում ջեռուցվում են սեփական կաթսայատների միջոցով, և գազի ու էլեկտրականության պարբերական անջատումները լրացուցիչ դժվարություններ են ստեղծում հիվանդների բուժման համար:

Առողջապահության համակարգում զգացվում է մասնագետների պակաս, որը մինչև շրջափակումը լրացվում էր Հայաստանից և այլ երկրներից եկող մասնագետների հաշվին: Ավելի քան երկու ամիս է, ինչ բարեգործական ծրագրերով Արցախին մշտապես

աջակցող տասնյակ բժիշկներ չեն կարողանում հասնել Արցախ և համապատասխան բուժօգնություն ցուցաբերել:

Եթե օպերատիվ շտաբի ձեռնարկած միջոցառումների շնորհիվ քիչ թե շատ կարգավորվել են տնտեսական, սոցիալական ոլորտները, ապա նույնը չի կարելի ասել քաղաքական ոլորտի մասին: Շրջափակման օրերին նշանակվել են նոր նախարարներ և ազատվել, իսկ մի շարք նախարարություններ դեռևս գլխավորում են ժամանակավոր պաշտոնակատարները:

Փետրվարի 18-ին Ադրբեջանի նախագահ Իլհամ Ալիևը հայտարարել է, որ Բաքուն պատրաստ է քննարկել Ղարաբաղի հայերի իրավունքներն ու անվտանգությունն այն պայմանով, որ բանակցողը չպետք է լինի Ռուբեն Վարդանյանը: Մի քանի օր անց՝ փետրվարի 23-ին, Արցախի Հանրապետության նախագահ Արայիկ Հարությունյանը կառավարության նիստում հրապարակել է Ռուբեն Վարդանյանին պետական նախարարի պաշտոնից ազատելու մասին հրամանագիրը: Նա բարձր է գնահատել Վարդանյանի ջանքերը թե՛ Արցախի մասին միջազգային իրազեկման բարձրացման և թե՛ շրջափակման ընթացքում ներքին բազմաթիվ հիմնախնդիրների լուծման ուղղությամբ: Իր պաշտոնավարման ժամանակ պետական նախարարը մեծ դեր է ունեցել հատկապես շրջափակման անհավոյ խնդիրները բարձրաձայնելու գործում՝ հարցազրույցներ տալով մի շարք հեղինակավոր լրատվամիջոցներին:

Փետրվարի 24-ին տեղեկություն տարածվեց, որ Արցախի Հանրապետությունում տեղակայված ռուսական խաղաղապահ զորակազմի հրամանատարությունը կազմակերպել է հանդիպում Արցախի և Ադրբեջանի պաշտոնական ներկայացուցիչների միջև: Ըստ պաշտոնական տեղեկատվության՝ քննարկվել են Արցախի շրջափակման վերացմանը, բնական գազի և էլեկտրականության կայուն ու անխափան մատակարարմանը վերաբերող հարցեր: Այսօրվա դրությամբ այս ուղղությամբ տեսանելի քայլեր չեն կատարվել: Ինչ վերաբերում է ճանապարհի արգելափակման վերացմանը, ապա ՌԴ պաշտպանության նախարարությունը պարբերաբար հաղորդում է. «Ժաղաղապահ զորայինի հրամանատարությունը շարունակում է բանակցությունները հայկական և ադրբեջանական կողմերի հետ՝ Ստեփանակերտ-Գորիս ճանապարհով (Բերձորի միջանցք) տրանսպորտային միջոցների երթևեկությունը վերականգնելու վերաբերյալ»:

Արցախում ապրողներին Հայաստանի հետ կապող միակ ճանապարհի շուտափույթ բացման անհրաժեշտությունից բացի, ավելի շատ մտահոգում է այն հարցը, թե ինչ գնով է դա արվելու: Ի վերջո, երեք ամիսից ավելի կենցաղային զրկանքների ու հոգեբանական ճնշման ենթարկված մարդիկ ուզում են վստահ լինել, որ դա չի արվելու ի հաշիվ իրենց իրավունքների և արժանապատիվ ապագայի: ■



## Աղմկահարույց օրինագծերի հետնախորքը. Վրաստանի ընտրանքը

Վահե Սարգսյան

Պատմական գիտությունների թեկնածու, ՀՀ ԳԱԱ պատմության ինստիտուտի Սփյուռքի և հայկական գաղթօջախների պատմության բաժնի գիտաշխատող

### Ուլքեր են օրինագծի հեղինակները

2022 թ. հունիսի 28-ին իշխող «Վրացական երազանք-Ժողովրդավարական Վրաստան» կուսակցության (հետայսու՝ «Վրացական երազանք») գործադիր քարտուղար Մամուկա Միինարաձեն հայտարարեց, որ իշխող կուսակցության երեք պատգամավորներ՝ Սոգար Սուբարին, Դմիտրի Խունդաձեն և Միխեյիլ Դավելաշվիլին լքում են «Վրացական երազանք» կուսակցությունն ու խորհրդարանական խմբակցությունը և կշարունակեն իրենց գործունեությունը որպես անկախ պատգամավորներ: Իշխող կուսակցությունից դուրս գալու պատճառը պատգամավորները հիմնավորել են քաղաքական իրադարձությունների մասին կուլիսներից ավելի շատ տեղեկատվություն տարածելու անհրաժեշտությամբ, ինչը հնարավորություն կտար ճշգրիտ եզրահանգումներ կատարելու հասարակությանը: Պատգամավորների կարծիքով՝ դա չէին կարող անել, եթե գրտնվեին «Վրացական երազանքի» հովանու ներքո, և թիմի ներսում որոշակի անհարմարություններ չստեղծելու համար անհրաժեշտ էր պատգամավորական ազատ մանդատ<sup>1</sup>: Մեկ ամիս անց՝ հուլիսի 28-ին, նույն պատճառաբանությամբ «Վրացական երազանքից» անջատվեց և նշված եռյակին միացավ նաև պատգամավոր Գուրամ Մաճարաշվիլին: Ձևավորված քառյակը 2022 թ. օգոստոսի 2-ին հայտարարեց «Ժողովրդի ուժ» շարժումը հիմնելու մասին: Ինչպես նշվում է հայտարարության մեջ, նրանց նպատակն էր հասարակությանը ճշմարտությամբ զինելը՝ Վրաստանի ազգային շահերը պաշտպանելու համար<sup>2</sup>:

### Օրինագծի բովանդակությունը և ներկայացումը խորհրդարանին

Հիմնադրման օրվանից Արևմուտքին քննադատած, վերջինիս բազմաթիվ սուր հարցադրումներ ներկայացրած և Վրաստանի պետական շահերից բխող հայտարարություններով ու նախաձեռնություններով հանդես եկած նորաստեղծ շարժումը 2023 թ. փետրվարին շրջանառության մեջ դրեց «Օտարերկրյա ազդեցության թափանցիկության մասին» օրենքի շատ կարևոր նախագիծը<sup>3</sup>: Հեղինակներն առաջարկում էին օտարերկրյա ազդեցության թափանցիկությունն ապահովելու նպատակով ստեղծել օտարերկրյա ազդեցության գործակալների ռեգիստր, որտեղ կգրանցվեին շահույթ չհետապնդող բոլոր իրավաբանական անձինք և լրատվամիջոցները, որոնց եկամուտների ավելի քան 20 տոկոսը ֆինանսավորվում է օտարերկրյա ուժերի կողմից<sup>4</sup>:

«Ժողովրդի ուժ» շարժման առաջնորդների խոս-



քով՝ իրենք կարծում են, որ, հրապարակայնության և թափանցիկության սկզբունքներից ելնելով, հանրությանը պետք է հայտնի լինեն ոչ միայն պետության մեջ որոշումներ կայացնող քաղաքական գործիչների, այլև հասարակական կազմակերպությունների և լրատվամիջոցների եկամտի աղբյուրները, քանի որ նրանք ազդում են հասարակական որոշումների վրա և մասնակցում հանրային կարծիքի ձևավորմանը: Փետրվարի 14-ին նրանց տարածած հայտարարության համաձայն՝ առաջարկված օրենքով արտաքին ազդեցության թափանցիկությունն ապահովելու համար կստեղծվի արտաքին ազդեցության գործակալների ռեգիստր, որտեղ կգրանցվեն բոլոր այն ոչ ձեռնարկատիրական իրավաբանական անձինք և լրատվամիջոցները, որոնց եկամուտների ավելի քան 20 տոկոսը կազմում է արտաքին ուժերի ֆինանսավորումը: Վերոնշյալ սուբյեկտներին որպես օտարերկրյա ազդեցության գործակալ գրանցելու հարցը պետք է ապահովվեր Հանրային ռեգիստրի ազգային գործակալությունը, իսկ գրանցումից խուսափող անձանց համար նախատեսված էին համապատասխան վարչական տույժեր: Միևնույն ժամանակ, տույժի վճարումը սուբյեկտին չէր ազատում որպես օտարերկրյա ազդեցության գործակալ գրանցվելու պարտականությունից<sup>5</sup>:

Իշխող ուժը սկզբից ևեթ պաշտպանեց օրենս-

**Какие версии закона об иностранных агентах были представлены в парламенте Грузии**

<p><b>Американский вариант</b> [похожий действует в США с 1938 г.]</p> <p><b>Закон "О регистрации иностранных агентов"</b></p>	<p><b>Грузинский вариант</b> [также называют "российским"]</p> <p><b>Закон "О прозрачности иностранного влияния"</b></p>
<p><b>Наказание за неисполнение</b></p>	
<p>штраф до <b>\$250 тыс.*</b></p> <p>Уголовная ответственность (до 5 лет тюрьмы)</p>	<p>штраф до <b>\$9,5 тыс.</b></p> <p>Уголовная ответственность не предусмотрена</p>
<p><b>Кого касается</b></p>	
<p>любые юридические и физические лица</p> <p>СМИ</p>	<p>некоммерческие юридические лица</p> <p>СМИ</p>
<p><b>Процент дохода из-за рубежа</b></p>	
<p>любая сумма</p>	<p>более <b>20%</b> от общего дохода</p>

\* сумма штрафа в США

Источник: открытые данные

SPUTNIK

դրական նախաձեռնությունը: «Վրացական երազանք» խմբակցության նախագահ Մամուկա Միխայրաձեն փետրվարի 20-ին հայտարարեց, որ ընդհանուր սկզբունքների շուրջ կա համաձայնություն՝ հավելելով, որ օրինագիծը նախատեսում է ընդամենը տասնօրյա ժամկետում գրանցվելու պարտավորություն. «Եթե որևէ կազմակերպության արտաքին ֆինանսավորումը գերազանցում է 20 փոկոսը, ապա այն ռեգիստրում գրանցվելու համար ունի 10 օր: Իսկ հետո մեկ փարվա ընթացքում պետք է հայտարարագիր ներկայացնի իր եկամուտների ու ծախսերի մասին: Այս թափանցիկությունից բացի այլ բան չի դիտարկում: Ուստի, անհնար է փաստարկել, թե ինչու կարելի է մերժել այս սկզբունքը»:

Մեկ օր անց՝ փետրվարի 21-ին, իշխող «Վրացական երազանքի» նախագահ Իրակլի Կոբախիձեն հայտարարեց, որ «Օտարերկրյա ազդեցության թափանցիկության մասին» վրացական օրենքի նախագիծը լիովին համապատասխանում է մարդու իրավունքների չափանիշներին, ի տարբերություն արտերկրում ընդունված օրենքների: Ի. Կոբախիձեն նկատի ունի ԱՄՆ-ում և ՌԴ-ում ընդունված համանման օրենքները<sup>7</sup>:

Ի դեպ, օրենքի նախագծում օգտագործված տերմինաբանությունը՝ «օտար ազդեցության գործակալ», այլ ոչ չէ «օտարերկրյա գործակալ», ինչպես օրենքի օտարերկրյա նմանօրինակներում է, ևս պատահական չի ընտրվել: «Արտասահմանյան գործակալ» տերմինի օգտագործումը, հեղինակների կարծիքով, խարանման վտանգ է պարունակում<sup>8</sup>: Օրենքի ընդունման դեպքում՝ «օտարերկրյա ազդեցության գործակալ» ճանաչվելուց հրաժարվելու կամ ֆինանսական հայտարարագիր չներկայացնելու համար տուգանքը կկազմեր 25 հազար լարի (մոտ 9,5 հազար դոլար), իսկ հայտարարագրում առկա թերությունները շտկելուց հրաժարվելը՝ 10 հազար

լարի (մոտ. 3,8 հազար դոլար), կրկնակի մերժումը կենթադրեր 20 հազար լարի (մոտ 7,6 հազար դոլար) տուգանք:

**Փոթորիկ՝ մեկ բաժակ ջրում**

Ինչպես և սպասելի էր՝ նախագիծն արժանացավ արտերկրից սնվող հասարակական կազմակերպությունների, լրատվամիջոցների ու Արևմուտքի հզոր քարոզչական ազդեցության թիրախում եղած հասարակական զանգվածների հուժկու դիմադրությանը: Ամենևին ոչ պատահականորեն հայտարարվեց, որ այն, իբր, ՌԴ-ում 2012-ից գործող «Օտարերկրյա գործակալների մասին» օրենքի կրկնությունն է<sup>9</sup>: Դրա հետևանքով այն պիտակավորվեց որպես «ռուսական օրենք» և, իբրև «սև սատանա», հրամցվեց տարիներով հակառուսական քարոզչության զոհը դարձած Վրաստանի հասարակական տարբեր շերտերին, հատկապես՝ երիտասարդությանը:

Փետրվարի 23-ին տարածվեց 260 ՀԿ-ների և լրատվամիջոցների համատեղ հայտարարությունը<sup>10</sup>, որով վերջիններս աղաղակում էին, թե իբր, օրենքը նպատակ ունի խոչընդոտելու սոցիալապես անապահով ընտանիքներին, ֆերմերներին, հանքավորներին, ապօրինի աշխատանքից ազատվածներին, տեղահանվածներին, անօթևաններին, ազատագրվածներին, բարձրեռնային և այլ շրջաններում ապրող մարդկանց ու այլ քաղաքացիներին աջակցելուն<sup>11</sup>:

Փետրվարի 27-ին գրեթե նմանատիպ բովանդակությամբ հայտարարությամբ հանդես եկավ նաև Վրաստանում ՄԱԿ-ի գրասենյակը<sup>12</sup>: Բացի Վրաստանի ընդդիմադիր շրջանակներից՝ օրինագիծը սուր քննադատության արժանացավ Վրաստանի նախագահի, ԱՄՆ պետքարտուղարության<sup>13</sup>, Եվրամիության<sup>14</sup>, Եվրախորհրդի կողմից<sup>15</sup>:

Կտրուկ դեմ արտահայտվելով օրենքին՝ նախագահ Սալոմե Զուրաբիշվիլին, ըստ էության, չի մտել բովանդակային քննարկման դաշտ և դիրքորոշում չի հայտնել այս կամ այն հողվածի առնչությամբ, նա հայտարարել է՝ ամեն դեպքում վետո է դնելու, քանի որ օրենքը, ըստ նրա, Վրաստանին Եվրոպայից օտարելու համար է<sup>16</sup>: Վրաստանի խորհրդարանի ղեկավար Շավա Պապուաշվիլին Վրաստանի նախագահի այդ քայլը համարել է ժողովրդավարական քննարկումների վրա տարու դնելու փորձ և վտանգավոր ազդանշան<sup>17</sup>: Խորհրդարանի խոսնակն իր հակադարձումներում ուշագրավ վիճակագրություն է ներկայացրել: Պարզվում է՝ Վրաստանում բոլոր կուսակցությունների բյուջեները միասին վերցրած ավելի փոքր է, քան միայն չորս ՀԿ-ներինը: Օրինակ՝ 2022 թվականին կուսակցությունները պետբյուջեից ստացել են 12 մլն լարի, և ևս 750 հազար լարի՝ որպես նվիրատվություն<sup>18</sup>:

**Քայլ, որն ամեն ինչ դուրս բերեց ջրի երես**

Վրաստանի նախագահի, ընդդիմադիր շրջանակների, Արևմուտքից սնվող կազմակերպությունների, Արևմտյան կառույցների ու դրանց կողմից Վրաս-



## Տարածաշրջանային

տանում թիրախավորված հասարակական շրջանակների (հատկապես՝ երիտասարդության) կողմից օրինագծի խեղաթյուրման, այն իբրև ռուսական օրենք որակելու և դրա ընդունմանը դեմ դուրս գալու պայմաններում օրինագծի հեղինակները կատարեցին շախմատային հաջողված քայլ՝ հրապարակի վրա դնելով նշված ոլորտը կարգավորող երկրորդ օրինագիծը: Փետրվարի 27-ին Վրաստանի խորհրդարանի կողմից գրանցված «Օտարերկրյա գործակալների գրանցման մասին» նոր և այլընտրանքային օրինագիծն ամերիկյան համաձայնագրի օրենքի պատճենն էր: «Մենք գրանցել ենք սա [*«Օտարերկրյա գործակալների գրանցման ակտ» (Foreign Agent's Registration Act (FARA))*] ամերիկյան օրենքի պատճենը – աղբյուրի խմբ., որպեսզի հանրությունը հնարավորություն ունենա փնտրողականորեն համեմատել այս երկու օրինագծերը հանձնաժողովի լսումների ժամանակ և փնտրել, թե որքան լավ է մեր կողմից ներկայացված սկզբնական փարբերակը», - հայտարարել է պատգամավոր, «Ժողովրդի ուժի» անդամ Էկա Մեպաշվիլին<sup>19</sup>:

Իրապես, օրինագծի սույն՝ ամերիկյան տարբերակն ուներ անհամեմատ խիստ պահանջներ: Օրինակ, այն իրավաբանական անձանց հետ մեկտեղ օտարերկրյա գործակալ է համարում նաև ֆիզիկական անձանց կամ ֆիզիկական անձանց ցանկացած այլ միավորում: «Սպառնալի Վրաստան» լրատվամիջոցի ներկայացրած աղյուսակում երկու օրինագծերի միջև առկա են մի քանի հիմնական տարբերություններ, որոնք ի ցույց են դնում օրինագծի հեղինակների (այդ թվում՝ Վրաստանի իշխանությունների) փաստարկված, արդարացի մոտեցումներն ու ընդդիմախոսների տարածած ողջ կեղծիքը .



Վրաստանի խորհրդարանի նիստը

Իշխող «Վրացական երազանք» կուսակցությունը հայտարարեց, որ կաջակցի օտարերկրյա գործակալների մասին օրենքի նախագծի երկու տարբերակներին էլ<sup>21</sup>: Իսկ քննադատները հետապնդում հայտարարեցին (ավելի ճիշտ կլինի ասել՝ Արևմուտքը որոշեց), որ Վրաստանին նման օրենքներ ընդհանրապես պետք չեն, և այս ամենը միայն կվտանգի երկրի եվրասիտեզմանը: Իսկ թե ինչու՞ կամ ինչպե՞ս կվտանգեր՝ չկար այդ մասին որևէ պատճառ կամ հողաբաշխ հիմնավորում: Այդպիսի հիմնագուրկ տեսակետ-պահանջի ցայտուն օրինակ է Վրաստանում ԱՄՆ դեսպան Քելի Դեգնանի հայտարարությունը, ըստ որի՝ Վրաստանին պետք չէ «Օտարերկրյա գործակալների մասին» օրենքի ոչ մի տարբերակ, որն առաջարկել է «Ժողովրդի ուժը»:  
«Ակնհայտ է, որ Վրաստանին պետք չէ այդ օրենքը, նույնիսկ այս փարբերակը (ամերիկյան FARA-ի նմանօրինակը)», - լրագրողներին ասել է դեսպանը<sup>22</sup>:

Հետաքրքիր է, որ «Ժողովրդի ուժ» շարժման առաջնորդներից և նշված օրինագծերի հեղինակներից է «Ազատություն» ռադիոկայանի նախկին լրագրող, «Վարդերի հեղափոխության» ակտիվ մասնակից, Սահակաշվիլու իշխանության տարիներին որպես Վրաստանի Մարդու իրավունքների պաշտպան պաշտոնավարած Մոզար Մուրարին, որը հենց այդ տարիներից էլ աչքի է ընկել իբրև լուսավոր, առաջադեմ, Վրաստանում ապրող քարթվելական և ոչ քարթվելական ժողովուրդների ազգային, լեզվական ու կրոնական ավանդույթները հարգող անձնավորություն. հենց այդ պատճառով էլ հաճախ հակադրվել է Սահակաշվիլու բռնատիրական ու ծայրահեղ արևմտաթուրքամետ իշխանությանը:

Իրականում՝ Արևմուտքը լավ է հասկացել, որ Վրաստանը, շնորհիվ ներկայիս ղեկավարության հավասարակշռված և պետականամետ քաղաքականության, դանդաղ, բայց հաստատուն կերպով վերականգնում է երկրի ինքնուրույնությունն ու դադարում է լինել արևմտաթուրքական վասալ, ինչ որ էր Սահակաշվիլու օրոք: Հենց այդ հանգամանքն է, որ լրջորեն սկսել է անհանգստացնել արևմտյան ճամբարին:

### Առաջին ընթերցմամբ օրինագծի ընդունում, Արևմուտքի ողջ գիսանցի մոբիլիզացիա

Հրապարակի վրա դրվեց և խորհրդարանում քննարկման ներկայացվեց երկու նախագիծ՝ «Օտարերկրյա ազդեցության թափանցիկության մասին» և «Օտարերկրյա գործակալների գրանցման մասին»: Հեղինակները՝ «Ժողովրդի ուժ» շարժումը, ինչպես նաև իշխող «Վրացական երազանքը», բազմիցս հայտարարել են, որ երկրորդ տարբերակը՝ ամերիկյան օրենքի (FARA) պատճենը, ի տարբերություն մարդու իրավունքների չափանիշներին լիովին համապատասխանող «Օտարերկրյա ազդեցության թափանցիկության մասին» առաջին օրինագծի, չափա-





«Ժողովրդի ուժ» շարժման հիմնադիրները

զանց խիստ է, և Վրաստանում նման օրենքի ընդունումը սխալ կլինի:

Օրենքի քննարկումը խորհրդարանի հանձնաժողովներում ուղեկցվեց ընդդիմադիր խմբակցությունների («Եվրոպական Վրաստան», «Ռեզոլուցիոն» Ազգային խորհուրդ», «Հանրապետական», «Միացյալ ազգային շարժում» և այլ կուսակցություններ ու ուժեր) պատգամավորների հետ բուռն առճակատումներով և բողոքի զանգվածային գործողություններով (դրսում ակտիվ էին Վրաստանում կանեփի օրինականացման համար պայքարող «Գիրչի-Ավելի շատ ազատություն» կուսակցության անդամները՝ ղեկավար Զուրաբ Զափարիձեի գլխավորությամբ և այլք)<sup>23</sup>: Պատկան հանձնաժողովներում դրական եզրակացություն ստանալուց հետո օրինագծերը մարտի 7-ին մտցվեցին խորհրդարանի լիագումար նիստ: Քննարկումն առավել շիկացավ «Ռեզոլուցիոն Ազգային խորհուրդ» ընդդիմադիր կուսակցության պատգամավոր Գեորգի Վաշաձեի ելույթի ժամանակ, որին հաջորդեց քաշքշուկը<sup>24</sup>: Մեկնաբանելով ստեղծված ճգնաժամը, փաստելով, որ օրինագծերից մեկը թարգմանվել է ամերիկյան օրենքից, որը 1930-ական թթ. գործում է ԱՄՆ-ում, Վրաստանի վարչապետ Իրակլի Դարիբաշվիլին նշել է. «Չեմ կարծում, որ որևէ մեկը ցանկություն ունի դատապարտելու, թե ինչու է Ամերիկայում գործում նման օրենք: Համանման օրենք գործում է նաև այլ երկրներում: Մա յուրաքանչյուր երկրի ինքնիշխան որոշումն է... Մենք, մեր իշխանություններն ամեն ինչ անում ենք մեր երկրի ինքնիշխանությունն ամրապնդելու համար: Մեր գլխավոր խնդիրը մեր երկրի անկախությունն է»<sup>25</sup>:

Մարտի 7-ի ուշ երեկոյան, բազմահազար ցուցարարների վանկարկումների ներքո Վրաստանի խորհրդարանը 76 կողմ, 13 դեմ ձայների հարաբերակցությամբ առաջին ընթերցմամբ ընդունեց

նախագծերից վրացական տարբերակը՝ «Օտարերկրյա ազդեցության թափանցիկության մասին» օրինագիծը: Հայտարարվեց, որ մոտ ժամանակներս խորհրդարանը կքննարկի նաև օրենքի ամերիկյան տարբերակը: Իշխող «Վրացական երազանք» խմբակցության նախագահ Մամուկա Մդինարաձեն քվեարկությունից հետո հայտարարեց, որ մոտ ապագայում օրինագծերի քննարկումը կդադարեցվի, քանի որ հեղինակները կսպասեն Վենետիկի հանձնաժողովի եզրակացությանը: Ըստ Մ. Մդինարաձեի՝ խորհրդարանը հավանաբար դրանց քննարկմանը պիտի վերադառնար այս տարվա հունիսին<sup>26</sup>:

Օրինագծի առաջին ընթերցմամբ ընդունմանը հաջորդեցին ինչպես զանգվածային անկարգությունները երկրի մայրաքաղաքում, այնպես էլ արևմտյան ճամբարի երկրների ու կազմակերպությունների ներկայացուցիչների հուժկու քննադատությունները: Վերջիններս այն աստիճան սուր էին և բազմաթիվ, որ, կարելի է ասել, Վրաստանի իշխանություններն ուղիղ կպել էին Արևմուտքի բաց նյարդին:

Մարտի 7-ի երեկոյան և լույս 8-ի գիշերը խորհրդարանի շենքի մոտ տեղի ունեցած զանգվածային ցույցը վերածվեց ոստիկանների հետ առճակատման: Ցուցարարները Մոլոտովի կոկտեյլներ նետեցին հատուկ ջոկատայինների վրա: Ոստիկանությունը պատասխանեց արցունքաբեր գազով և ջրցան մեքենաներով<sup>27</sup>: ԱՄՆ Պետքարտուղարության խոսնակ Նեդ Փրայսն արագորեն իրենց պաշտպանության տակ վերցրեց ցուցարարներին՝ հայտարարելով, որ Վրաստանում բողոքի ցույցերը ճնշելու համար պատասխանատուները կարող են ենթարկվել ԱՄՆ պատժամիջոցների, իսկ Վրաստանում «Օտարերկրյա ազդեցության թափանցիկության մասին» օրենքի ընդունումը կարող է վտանգել Վաշինգտոնի և Թբիլիսիի գործընկերությունը<sup>28</sup>: Կրկին դատապարտելով օրինագծի ընդունումը՝ մարտի 7-ին Նյու Յորքից ցուցարարներին պաշտպանող հայտարարությամբ հանդես եկավ նաև Վրաստանի նախագահ Ս. Զուրաբիշվիլին: Նա կրկին վերահաստատեց, որ օրենքի վրա վետո է դնելու<sup>29</sup>: Օրինագծի ընդունումը դատապարտեց ԵՄ բարձր ներկայացուցիչ Ժոզեպ Բորելը՝ հայտարարելով, որ նախագիծը հակասում է ԵՄ-ին անդամակցելու երկրի նպատակին<sup>30</sup>: Նախագիծը խստորեն անհանգստացրել էր նաև Եվրոպական խորհրդի ղեկավար Շառլ Միշելին, ով հայտարարել էր, որ անհանգստացած է Վրաստանում տեղի ունեցող իրադարձություններով, իսկ օրենքի ընդունումը համահունչ չէ ԵՄ անդամակցության ձգտումներին<sup>31</sup>, իսկ Վրաստանում ԱՄՆ դեսպանատունը մարտի 7-ը հայտարարել է «սև օր»՝ Վրաստանի ժողովրդավարության համար<sup>32</sup>: «Օտարերկրյա ազդեցության թափանցիկության մասին» օրենքի նախագծի վերաբերյալ Եվրամիության դիրքորոշումն էր արտահայտված Վրաստանում Գերմանիայի դեսպան Պիտեր Ֆիշերի հայ-

տարարության մեջ, ըստ որի՝ դրա ընդունումն անհամատեղելի է դեպի Եվրամիություն Վրաստանի ձրգտումների և Եվրամիության նորմերի ու արժեքների հետ<sup>33</sup>: Արևմուտքի համար պահն այնքան էր կարևոր, որ մարտի 7-ին Թբիլիսի է ժամանել ԱՄՆ պետքարտուղարի օգնական Թոդ Ռոբինսոնը՝ հայտարարելով, թե իբր այս օրենքը բխում է ոչ թե Վրաստանի, այլ Ռուսաստանի շահերից<sup>34</sup>: Ի դեպ, դիպուկ է արտահայտվել Վրաստանի իշխող ուժի նախագահ Իրակլի Կոբախիձեն՝ մարտի 8-ի առավոտյան հատուկ հայտարարությամբ անդրադառնալով ստեղծված իրավիճակին. «Այս ամենը ոչ մի ընդհանուր բան չունի Եվրոպայի և եվրոպական արժեքների հետ: Եթե մենք չպաշտպանենք մեր պետությունը լրտեսական ծրագրերից, մենք ոչ միայն չենք անդամակցի ԵՄ-ին, այլև կկորցնենք մեր ինքնիշխանությունը»<sup>35</sup>: Ուշագրավ է, որ Ի. Կոբախիձեն իրերը կոչել է իրենց անուններով, այն է՝ 2003 թ. տեղի է ունեցել ոչ թե «Վարդերի հեղափոխություն», այլ «Լրբեանների հեղափոխություն». «2003 թ. Վրաստանում տեղի ունեցավ լրբեանների հեղափոխություն, որը Վրաստան բերեց 9 հսկանվորպական փարհներ՝ մարդկանց խոշորանգամներ, բիզնեսի ռեկեր, լրարվամիջոցների առնանգում և վրացական փարածքների 20 րոկոսի կորուստ: Հերո լրբեաները կարողացան շահարկել հանրության անկեղծ զգացմունքները և սրիպեցին նրանց սկզբունքորեն սիսավել: Այսօր վրացական հասարակությունը բավականաչափ հասունացել է, որպեսզի թույլ չտա նույն լրբեանների կողմից նոր հեղափոխություն և վերադարձ դեպի անցյալ»<sup>36</sup>:

Մարտի 8-ին, նույն օրը ժամը 15:00-ին վերսկսված և շուրջ 16 ժամ շարունակված հանրահավաքի և Արևմուտքի ուժգին դիմադրության պայմաններում Վրաստանի խորհրդարանի նախագահ Շավա Պապուաշվիլին նամակ հղեց Եվրոպայի խորհրդի Վենետիկի հանձնաժողովի նախագահին՝ խնդրելով կարծիք պատրաստել Վրաստանի խորհրդարան ներկայացված երկու օրինագծերի վերաբերյալ: Դրան ի պատասխան՝ հանրահավաքն առաջնորդող ընդդիմության ներկայացուցիչները («Ռազմավարություն Ադմաշենեբելի» կուսակցության առաջնորդ Գիորգի Վաշաձե և այլք) վերջնագրի տեսքով երկու պահանջ ներկայացրին իշխանություններին՝ հետ վերցնել օրինագիծը խորհրդարանից և ազատ արձակել ձերբակալվածներին<sup>37</sup>: Չստանալով պատասխան՝ ցուցարարներն առավել սրեցին իրադրությունը՝ զանգվածային անկարգություններով, պետական գույքը վնասելով, ոստիկանական ու այլ մեքենաներ շրջելով և շարդուփշուր անելով, կանգառների տաղավարները կտրելով և ոստիկանների հետ ուղիղ առճակատման պայմաններում գրոհելով խորհրդարանի շենքի վրա: Ցուցարարները որոշել էին շրջափակելով շենքը՝ թույլ չտալ, որպեսզի խորհրդարանի նիստը մարտի 9-ին տեղի ունենա<sup>38</sup>: Մարտի 8-ի լույս 9-ի գիշերը տարածվեց նաև Վրաստանի Պատրիարքարանի հայտարարությունը: Հետաքրքրական է, որ պետության

և հասարակության որոշումների վրա խոշոր ազդեցություն ունեցող այդ ինստիտուտն այս անգամ որևէ հստակ դիրքորոշում չէր հայտնել օրինագծերի վերաբերյալ, չէր պաշտպանել կամ դատապարտել կողմերից որևէ մեկին՝ միայն հայտնելով, որ եկեղեցին աղոթում է խաղաղության համար, և որ բնեռացված արմատական հայտարարությունները խաղաղությունը խախտելու փորձեր են<sup>39</sup>:

**Թեժ գործընթացի ավարտական փուլը**

Մարտի 9-ի առավոտյան տարածվեց «Վրացական երագանքի», «Ժողովրդի ուժի» և խորհրդարանական մեծամասնության համատեղ հայտարարությունը, ըստ որի՝ առաջին ընթերցմամբ «Օտարերկրյա ազդեցության թափանցիկության մասին» օրենքի նախագիծը առանց վերապահումների հետ էր կանչվում: «Մենք տեսնում ենք, որ ընդունված օրենքի նախագիծը հասարակության մեջ կարծիքների փարածասխություններ է առաջացրել: Սրի մեքենան կարողացավ օրինագիծը ներկայացնել բացասական լույսի ներքո և մոլորության մեջ գցել հանրության որոշակի հարվածին: Օրենքի նախագիծն փակցվել է «ոռուսական օրենք» կեղծ պիտակը, որի առաջին ընթերցմամբ ընդունումը հանրության մի մասի աչքում ներկայացվել է որպես շեղում եվրոպական կուրսից: Բացի այդ, արմատական ուժերը կարողացել են երիտասարդության մի մասին ներքաշել անօրինական գործողությունների մեջ», - նշված էր հայտարարության մեջ<sup>40</sup>:

Արևմուտքը չնայած ողջունեց<sup>41</sup> այդ քայլը, սակայն Վրաստանի իշխանությունների հաշվարկված գործողությունների և շախմատային վերջին հաջողված քայլի՝ օրինագիծը հանկարծակի հետ կանչելու արդյունքում բոլորի համար այլևս պարզորոշ էր մեկ բան. Արևմուտքի իրական մտահոգությունը ոչ թե այդ օրինագիծն էր, այլ Վրաստանի դանդաղ, բայց հաստատուն կերպով դուրս գալը վասալական կարգավիճակից և պետական ինքնությունության վերականգնումը: Վրաստանի իշխանությունների հետկանչի այս քայլով երկրում լայնածավալ իշխանափոխության պատրաստվող արևմտյան գործակալական ցանցը հանկարծակիի եկավ. ձեռքից բաց թողնվեց այդ «հրաշալի» առիթը, և, չնայած անխնայ փորձերին, դրանից հետո դժվար էր զանգվածային անկարգություններ հրահրելու և երկիրը նոր ցընցումների տանելու պատճառներ գտնել: Իսկ որ այդ շրջանակները հեղաշրջման էին պատրաստվել և դրա համար կանաչ լույս ստացել՝ փաստեցին այդ օրերին «Ռուսթավի 2» հեռուստաընկերության տարածած երկու գաղտնագրերով՝ տեսանյութերը, որոնցում ընդդիմադիր առաջնորդները, այդ թվում՝ Մ. Սահակաշվիլու օրերի բարձր պաշտոնատար անձինք, խոսում են հեղաշրջման և դրա համար «կանաչ լույս» ստանալու մասին<sup>42</sup>: Ավելին՝ դատելով օրինագծի հետկանչման մասին հայտարարության բովանդակության տողատակերից<sup>43</sup> Վրաստանի իշ-

խանութայինների այս նահանջը տակտիկական էր. վերջիններս լավագույնս բացահայտեցին գործակալական ցանցի առավել վտանգավոր օջախները: Ի դեպ, բառացի այդ մասին էր ակնարկում իշխող ուժի ղեկավար Իրակլի Կոբախիձեն, ով մարտի 10-ին խոսեց հետ կանչված օրինագծերի երեք կարևոր ուղերձների ու ձեռքբերումների մասին<sup>44</sup>:

Արևմուտքը և այնտեղից ֆինանսավորվող – ուղղորդվող շրջանակները, բնականաբար, օրինագծի հետկանչումից հետո փնտրեցին բազմաթիվ պատճառներ ու պատրվակներ, որպեսզի հետցնեցումների, նոր հանրահավաքների նախաձեռնման միջոցով վերստին թեժացնեն իրադրությունը երկրում և հասնեն հեղաշրջման<sup>45</sup>: Այդուհանդերձ, իշխող քաղաքական ուժի ղեկավար Իրակլի Կոբախիձեն մարտի 9-ին հայտարարեց, որ քաղաքական որոշումն արդեն կայացված է, մնացել են միայն տեխնիկական խնդիրները<sup>46</sup>, ՆԳ նախարարությունը հայտարարեց, որ ձերբակալված 133 անձինք ազատ են արձակվել<sup>47</sup>, նույն օրը խորհրդարանի նախագահ Շ. Պապուաշվիլին դիմեց Եվրախորհրդի Վենետիկի հանձնաժողովի նախագահին՝ խնդրելով այլևս չքննարկել օրենքների նախագծերի վերաբերյալ իրավական եզրակացություն պատրաստելու դիմումը<sup>48</sup>, իսկ մարտի 10-ին կայացած Վրաստանի խորհրդարանի լիազումար նիստում «Օտարերկրյա ազդեցության թափանցիկության մասին» օրենքի նախագիծը պաշտոնապես և օրենքով սահմանված կարգով հետ կանչվեց<sup>49</sup>:

**Գործընթացի հնարավոր ազդեցությունները տարածաշրջանի, այդ թվում՝ ՀՀ-Արցախի վրա**

Ակնհայտ է՝ Վրաստանի իշխանություններն այլևս

«սառը պատերազմի» մեջ են արևմտյան ճամբարի հետ, և կողմերն այս գործընթացի մեջ փորձարկեցին ուժերը: Արևմուտքը փորձարկեց իր աճեցրած գործակալական ցանցի ներուժը՝ ձգտելով հասկանալ, թե հնարավոր է այս փուլում Վրաստանում ստեղծել նոր ճակատ, հեռացնել իրեն այլևս չենթարկվող ու Վրաստանի պետական շահով առաջնորդվող իշխանություններին՝ վերականգնելով վասալ-սյուզերեն նախկին («սահակաշվիլիական») իրավիճակը: Վրաստանի իշխանություններն էլ փորձեցին հասկանալ՝ ինչպիսի դիմադրություն կառաջանա իրենց բոլոր այն նախաձեռնությունների դեպքում, որոնք միտված են պետական ինքնուրույնության վերականգնմանը, Արևմուտքի և ընդդիմության՝ ՌԴ-ի դեմ երկրորդ ճակատ բացելու ծրագրի չեզոքացմանը և Արևմուտք-ՌԴ բալանսավորված քաղաքական գծի որդեգրմանը:

Իսկ որ Վրաստանի՝ Արևմուտքի խամաճիկ ընդդիմությունն իրականում ոչ թե պայքարել էր օրինագծերի ընդունման դեմ, այլ այդ պայքարի շղարշի տակ ծրագրել էր զավթել իշխանությունն ու ՌԴ-ի դեմ բացել երկրորդ ճակատը՝ գրեթե բացեիբաց խոստովանել է Մ. Սահակաշվիլու աջ ձեռքը՝ Վրաստանի ՆԳ նախկին նախարար ու նախկին վարչապետ՝ ոչ անհայտ Վանո Մերաբիշվիլին: Վերջինս, «Ուկրինֆորմ» մեդիա կենտրոնում, հանդես գալով Մ. Սահակաշվիլին նվիրված «SAVE MISHA» («Փրկեք Միշային») հաղորդաշարում, հայտարարել է, որ իրենց հիմնական նպատակը Վրաստանում իշխանությունը փոխելն է արևմտամետ, ուկրաինամետ կառավարությամբ, որպեսզի Ուկրաինան միայնակ չմնա<sup>50</sup>՝ առանց այլևայության հավելելով:



Հանրահավաք Վրաստանի խորհրդարանի շենքի ստջև




## Տարածաշրջանային

«Ես ամաչում եմ, որ Վրաստանը չի մասնակցում և Ուկրաինայի կողքին չէ այս պայտերազմում»<sup>51</sup>: Բնականաբար՝ այս անկեղծ և ընդդիմության իրական մտադրությունները ջրի երես հանող հայտարարությունն արժանացավ Վրաստանի իշխանությունների բոտն արձագանքին: Բացի այդ, մարտի 10-ին ուշագրավ հայտարարություն արեց նաև Վրաստանի խորհրդարանի փոխխոսնակ, իշխող «Վրացական երազանք» կուսակցության առաջնորդներից Գիա Վոլսկին՝ հայտնելով, որ Մ. Սահակաշվիլու՝ Ուկրաինայում մարտնչած կողմակիցները ժամանել են Վրաստան, որոնց նպատակն է երիտասարդությանը մղել պետական հեղաշրջման: Ըստ նրա, խոսքը վերաբերում է քաղաքական թիմին, որը ներկայումս գլխավորում է Լևան Խաբեիշվիլին (ամենամեծ ընդդիմադիր կուսակցության՝ Մ. Սահակաշվիլու «Միացյալ ազգային շարժում» կուսակցության նախագահը)<sup>52</sup>:

Արձագանքելով ստեղծված իրադրությունում հնչող նման հայտարարություններին և գործընթացներին՝ վարչապետ Ի. Դարիբաշվիլին մեղադրել է Եվրախորհրդարանի պատգամավորներին և «կործանարար ընդդիմությանը» երկրում «երկրորդ ճակատ» բացելու փորձի մեջ և նշել, որ նրանց նպատակը «իշխանությունն ուժով տապալելն» է, իսկ հետո երկիրը ներքաշելը պատերազմի մեջ. «Մեզ հարցնում են, թե ինչու չենք մտնում պատերազմի մեջ: Պատկերացնենք, որ այսօր Վրաստանում պատերազմ է, բոլորս էլ գիտենք, թե այստեղ ինչ է լինելու՝ մեր գեղեցիկ երկիրը վերածվելու է պոլիգոնի»<sup>54</sup>: Իշխանափոխություն իրականացնելու Վ. Մերաբիշվիլու փորձերի և 2-րդ ճակատ բացելու մասին հայտարարությունը դատապարտեցին և այն ամոթալի որակեցին նաև Թբիլիսիի քաղաքապետ Կախա Կալաձեն<sup>55</sup>, խորհրդարանական մեծամասնության պատգամավոր, «Վրացական երազանքի» առաջնորդներից Իրակլի Կադագիշվիլին<sup>56</sup> և այլք:

Պարզորոշ է՝ Վրաստանի զարգացումները ոչ միայն կարևոր, այլև ճակատագրական նշանակություն



Բախումներ Թբիլիսիում

ունեն ՀՀ-ի համար, և, եթե Արևմուտքին հաջողվի շարունակական դարձնել ու խորացնել ճգնաժամը երկրում, ավելին՝ հասնել խամաճիկ իշխանության ձևավորմանը, ապա տարբերակներից ամենահավանականը, որը կարող է տեղի ունենալ, պարփակված է հետևյալ կետերում.

- Վրաստանի միջոցով կրացվի ՌԴ-ի դեմ 2-րդ ճակատը, երկիրը լայնորեն կներքաշվի ռազմական գործողությունների մեջ,

- Ռուսաստանը Վրաստանի և ՀՀ-ի հետ կապող միակ ցամաքային երթուղին՝ Ռազմավիթական ճանապարհը կփակվի, երկիրն ամբողջությամբ կմեկուսացվի ՌԴ-ից՝ 2006-2009 թթ. օրինակով (միջանկյալ նշենք՝ Արևմուտքի քաղվերլուծաբանները վաղուց խորը անհանգստություն են հայտնում առ այն, որ Վրաստան-ՌԴ կարգավորվող տնտեսական հարաբերությունները բերելու են նաև քաղաքական հարաբերությունների կարգավորմանն ու բալանսի վերականգնմանը),

- ՀՀ-ի համար կենսական կարևորություն ունեցող և ռազմավարական դաշնակից ՌԴ-ի հետ միակ ցամաքային կապի խզումը, տնտեսական շրջափակման իմաստով արդեն թերակղզու վերածված (առայժմ կմնա միայն Իրանի հետ ցամաքային կապը) ՀՀ-ն ուղղակի նվեր կլինի ՀՀ-ում գործող նույնատիպ (գործակալական դաշտի վրա ձևավորված և խամաճիկ) իշխանությունների համար, որոնք անմիջապես ձեռնամուխ կլինեն իրենց վաղեմի երազանքի իրագործմանը՝ ցանկացած գոհաբերությամբ (Արցախի լիակատար հանձնում, Մյունիքի՝ միջանցքի, կամ ամբողջական հանձնում, «սովետական անկլավների», միջպետական ճանապարհների, չի բացառվում նաև՝ առանձին շրջանների հանձնում Ադրբեյջանին) բացել Ադրբեյջանի ու Թուրքիայի հետ հաղորդուղիները,

- կսկսվի ՀՀ-ում և Արցախում ռուսական ռազմական ներկայության «ավելորդ լինելու» մասին լայն արշավ,

- Արևմուտքն ամբողջովին իր ձեռքը կվերցնի տարածաշրջանի համակարգումը, որտեղ իր առանցքային դերը կստանանի Թուրքիան՝ ձգտելով ամեն կերպ դուրս գալ «ուղեծրից» և կառուցել Մեծ Թուրանի հիմքերը,

- կսկսվի Իրանի լայնածավալ մեկուսացումն ու կազմաքանդումը,

- զուգահեռ կընթանան Չինաստանին զսպող գործողությունները (հիշենք, որ Վրաստանի ներկայիս իշխանությունները լայն նախագծեր են իրագործում Չինաստանի հետ՝ փորձելով Աջարիայից և այլ վայրերից դուրս մղել արևմտաթուրքական կապիտալը):

Եզրակացություն. Վրաստանի իշխանությունների՝ այս փուլում մղած պայքարն ուղղակիորեն բխում է ՀՀ-Արցախի շահերից և, կարող ենք արդեն առանց վարանելու ասել, որ այդ պայքարի ելքը նաև որոշելու է հայոց անկախ պետականության և Այսրկովկասում հայոց քաղաքակրթական գոյության ապագան: ■







## Թուրքիայի ավերիչ երկրաշարժն ու դրա քաղաքական հետևանքները Ռ. Թ. Էրդոդանի համար

Լիանա Պետրոսյան

ԵՊՀ իրանագիտության ամբիոնի դասախոս, պատմ. գիտ. թեկնածու

Սույն թվականի փետրվար ամսին Թուրքիայի Հանրապետության տարածքում տեղի են ունեցել 1939 թ. ի վեր ամենամեծից և հզոր երկրաշարժերը: Մասնավորապես՝ փետրվարի 5-ի լույս 6-ի գիշերը երկրի հարավը ցնցվել է 7,8 մագնիտոլո ուժգնությամբ երկրաշարժից, իսկ ցերեկը 7,5 մագնիտոլոլ երկրաշարժ է տեղի ունեցել երկրի հարավ-արևելքում:

Հաջորդող օրերին ևս տարբեր ուժգնության հետցնցումներ են գրանցվել երկրի զգալի տարածքներում: Երկրաշարժից տուժել է նաև հարևան Սիրիան, որտեղ նույնպես տներ են փլուզվել, մեծ թվով մարդիկ զոհվել ու վիրավորվել են:

Երկրաշարժերի պատճառով ավերվել են մշակութային ժառանգության օբյեկտները: Թուրքիայի Գազիանթեփի նահանգում հնագույն ամրոց է վնասվել, իսկ Սիրիայում՝ Հալեպի միջնաբերդը: Երկրաշարժից տուժած երկու տեսարժան վայր էլ ներառված է ՅՈՒՆԵՍԿՕ-ի համաշխարհային ժառանգության ցանկում:

Անկասկած է, որ տեղի ունեցածը կարող է անդառնալի հետևանքներ ունենալ ինչպես Թուրքիայի ներքին, այնպես էլ արտաքին քաղաքականության մեջ՝ ընտրություններից առաջ ազդելով երկրի նախագահ Ռեջեփ Թայիփ Էրդոդանի վարկանիշի վրա:

Երկրաշարժից հետո Թուրքիայի ղեկավարն ասել է, որ Թուրքիային օգնություն են առաջարկել 45 երկրներ, ՆԱՏՕ-ն և Եվրամիությունը: Ֆրանսիայի նախագահ Է. Մակրոնը, Իսրայելի նախագահ Ի. Հերցոգը, Հնդկաստանի վարչապետ Ն. Մոդիին և Մեքսիկայի կառավարության ներկայացուցիչը իրենց սոցցանցերում աջակցությունն են հայտնել Թուրքիային: Իսկ Ռուսաստանի նախագահ Վ. Պուտինը առաջիններից էր, որ արձագանքեց տեղի ունեցածին: Նա ցավակցություն է հայտնել Թուրքիայի և Սիրիայի ղեկավարներին և օգնություն առաջարկել փետրվար 6-ին տեղի ունեցած երկրաշարժի հետևանքները վերացնելու համար<sup>1</sup>:

Երկրաշարժը նման ավերածություններ է առաջացրել նախևառաջ իր ուժգնությամբ: 84 տարի առաջ Արևմտյան Հայաստանի Երզնկա (ներկայում՝ Թուրքիայի Էրզինջան) քաղաքում տեղի ունեցած նույն ուժգնությամբ երկրաշարժը (7.8 բալ) հանգեցրեց ավելի քան 30 հազար մարդու մահվան, շուրջ 100 հազարը վիրավորվեց: Այն համարվում է Թուրքիայի ամենամեծ երկրաշարժերից մեկը: Մեծ կորուստների հանգեցրած մյուս գործոնը հանկարծակիությունն է: Երկրաշարժը տեղի է ունեցել առավոտյան ժամը 4-ի սահմաններում: Տները փլուզվել են անմիջապես քնած կամ քնաթաթախ մարդկանց վրա, որոնք չեն



հասցրել դիմակայել վտանգին կամ պաշտպանվել:

Հատկանշական է նաև, որ դեռևս 2022 թ. մարտին Անկարայի Մերձավոր Արևելքի տեխնիկական համալսարանի գիտնականները հրապարակեցին մի հետազոտություն, որը ենթադրում էր, որ Գազիանթեփի շրջանի կենտրոնը կարող է լրջորեն վնասվել 6.5 մագնիտոլոլ ուժգնությամբ երկրաշարժից:<sup>2</sup> Դա պայմանավորված էր նրանով, որ հարավային Թուրքիայի շենքերի մեծ մասն ամենևին սեյսմակայուն չէ: Դրանք իրար մոտ կառուցված, չամրացված աղյուսով և ցածր բետոնե շրջանակներով շինություններ են:

Երկրաշարժից գրեթե անմիջապես հետո Թուրքիայի նախագահը երկրի՝ երկրաշարժից տուժած 10 նահանգներում, որտեղ ապրում է մոտ 15 միլիոն մարդ, երեք ամսով արտակարգ դրություն է հայտարարել և նշել, որ իշխանությունները ավելի քան 53 մլն դոլար են հատկացրել դրա հետևանքները վերացնելու համար:

ԱՄՆ երկրաբանական ծառայության տվյալների համաձայն՝ Թուրքիայի ներկայիս երկրաշարժի տրնտեսական արժեքը կարող է կազմել ՀՆԱ-ի մոտ 2%-ը (ըստ պաշտոնական տվյալների՝ 2021 թ. այն 819.04 մլրդ դոլար էր, 2022 թ. թվերը չեն հրապարակվել)<sup>3</sup>: Ամենաշատը տուժել է Գազիանթեփի նահանգը, որը նաև հարավային Թուրքիայի տնտեսական կենտրոնն է համարվում: Ըստ 2021 թ. տվյալների՝ այնտեղ ապրում է ավելի քան 2.13 մլն մարդ, արտադրվում է Թուրքիայի արդյունաբերական արտադրանքի մոտավորապես 4%-ը և թեթև արդյունաբերության սպարանքների 6%-ը:



Երկրաշարժը խաթարել է նաև նյութատեխնիկական ապահովումը: Չոր բեռներ, կոնտեյներային նավեր և տանկերներ ընդունող Իսկենդերուն նավահանգստում (Հաթայ նահանգ) մեծ հրդեհ է բռնկվել. հրդեհվել են կոնտեյներներ, և աշխատանքները դադարեցվել են: Նաև դադարեցվել է Բաքու-Թբիլիսի-Ջեյհան նավթամուղի աշխատանքը՝ չնայած այն հանգամանքին, որ օբյեկտը չի վնասվել: Խողովակաշարի շահագործող «Botas International Anonim Şirketi»-ն կասեցրել է նավթի տեղափոխումը նավթատարից դեպի լցանավեր: Հաթայի օդանավակայանում ավերվել է միակ թռիչքուղին, այն նույնպես դադարել է գործել: Բացի դրանից՝ փակվել են Քահրամանմարաշի և Գազիանթեփի օդանավակայանները, ինչը դրժվարացնում է փրկարարների աշխատանքն ու օգնություն ցուցաբերելը: Թուրքիայի տնտեսության համար կարևոր զբոսաշրջության ոլորտը գրեթե չի տուժել, քանի որ աղետի գոտում հայտնի հանգստավայրեր չկան: Արդեն փետրվարի 6-ին նավթի համաշխարհային գները սկսեցին աճել, ինչի հիմնական պատճառներից էին Թուրքիայում տեղի ունեցած երկրաշարժը և Իսկենդերուն նավահանգստում նավթի մատակարարումների դադարեցումը: Երկրաշարժի անմիջական ազդեցությունն արտահայտվեց թուրքական լիբայի կտրուկ անկմամբ (ի սկզբանե լիբան 1 դոլարի նկատմամբ արժեզրկվեց մինչև 18.85-ի, բայց հետո վերադարձրեց կորուստների մեծ մասը): Իսկ երկրի հիմնական ֆոնդային ինդեքսը տարերային աղետի օրը նվազել է 1,35%-ով:

2023 թ. Թուրքիայում գլխավոր քաղաքական իրադարձությունը պետք է լինեն նախագահական և խորհրդարանական ընտրությունները, որոնք անցկացվում են նույն օրը: Համաձայն ազգային օրենսդրության՝ ընտրությունների օրը սահմանում է խորհրդարանը, սակայն եթե պատգամավորները համաձայն չեն, ապա այն հնարավոր է սահմանել նախագահի հրամանագրով: Սկզբունքորեն ընտրություններն ավելի վաղ ժամկետ առաջաձգելը ձեռնտու էր իշխող «Արդարություն և զարգացում» կուսակցությանը, քանի որ ընդդիմությանը քիչ ժա-

մանակ էր թողնում՝ ընտրազանգվածին մոբիլիզացնելու համար: Եթե Էրդողանը հաղթի, նա չորրորդ անգամ կգրադեցնի երկրի ղեկավարի պաշտոնը: Ընտրությունների անցկացման ամսաթիվը կախված կլինի ավերված նահանգներում ընտրությունների անցկացման համար պատշաճ պայմանների ապահովումից և ժամկետների հստակեցման՝ Ռ. Թ. Էրդողանի համաձայնությունից:

Ինչ վերաբերում է խորհրդարանական ընտրությունների արդյունքների վերաբերյալ կանխատեսումներին, ապա տուժած տարածքները՝ հազվադեպ բացառություններով, աջակցում են նախագահի կուսակցությանը կամ նրա հետ դաշնակից «Ազգայնական շարժում» կուսակցությանը: 600 տեղանոց ազգային խորհրդարանում ամենամեծ թվով պատգամավորներ ընտրվում են Ադանա (15) և Գազիանթեփ նահանգներում գտնվող ընտրատարածքներից (14): 2018 թ. վերջին խորհրդարանական ընտրություններում Ադանայում հինգ պատգամավոր ընտրվել է ԱԶԿ-ից, չորսը՝ «Ժողովրդահանրապետական կուսակցությունից», Գազիանթեփում՝ ութ պատգամավոր ԱԶԿ-ից, մնացածը՝ տարբեր, այդ թվում՝ ընդդիմադիր կուսակցություններից:

Այժմ ԱԶԿ-ն խորհրդարանում ունի 290 պատգամավորական մանդատ, «Ազգայնական շարժում» կուսակցությունը՝ 49, իսկ ամենամեծ ընդդիմադիր «Ժողովրդահանրապետական կուսակցությունը»՝ 144:

Դեռևս ընթացիկ տարվա հունվարին անցկացված հարցումները ցույց են տվել, որ հարցվածների 40-42%-ը պատրաստ է քվեարկել Էրդողանի և իշխող կուսակցության օգտին: Այժմ նրանց վարկանիշը կարող է նվազել: Նախ՝ հարց է առաջանում ոչ միայն շինարարական ընկերությունների, այլև իշխանությունների պատասխանատվության հետ կապված առ այն, որ սեյսմավտանգ տարածաշրջանում կառուցված բնակելի շենքերը ցնցումների նկատմամբ անկայուն են եղել: Ի վերջո, երբ 1999 թ. երկրաշարժի հետևանքով հազարավոր մարդիկ զոհվեցին, Թուրքիան օրենքով խստացրեց քաղաքաշինության չափանիշները: Սակայն երկրաշարժի հետևանքով ավերված տների թվում են նաև վերջին տասնամյակում կառուցվածները: Արդեն կան կոռուպցիային վերաբերող մեղադրանքներ, և ընդդիմությունը պահանջում է, որ փլատակների մաքրման աշխատանքներն ավարտելուց հետո հետաքննություն սկսվի՝ պարզելու, թե ինչպես են կառուցվել տները, և ով է թույլտվություն տվել: Ամենայն հավանականությամբ կարելի էր խուսափել նման թվով զոհերից, եթե պահպանվեին շինարարական կանոնները:

Երկրորդ՝ իշխանությունների և մասնավորապես Էրդողանի վարկանիշի վրա ազդելու է այն, թե ճգնաժամային կառավարումը որքան արդյունավետ կհաղթահարի երկրաշարժի հետևանքները: Փրկվածներին ժամանակավոր կացարաններում պետք է տեղավորել և նրանց անհրաժեշտ օգնություն



տրամադրել, ինչպես նաև նոր տներ կառուցել և վերականգնել ենթակառուցվածքները: Դրա համար անհրաժեշտ են հսկայական միջոցներ, որոնք Թուրքիան այս պահին չունի:


Փաստորեն, երկրաշարժը ոչ միայն խառնեց Էրդոդանի ներքաղաքական խաղաթղթերը, այլև բարդացրեց նրա աշխարհաքաղաքական հավակնոտ նախագծերի իրականացումը: Խոսքը ոչ թե Ուկրաինայի և Ռուսաստանի միջև միջնորդի դեր ստանձնելու նրա ջանքերի մասին է, այլ՝ համաշխարհային էներգետիկ նախագծերի: Մասնավորապես՝ Էրդոդանը ցանկանում է Թուրքիայում միջազգային գազային հանգույց ստեղծել՝ Եվրոպա ռուսական վառելիքի մատակարարման համար: Սակայն Թուրքիայի երկրաշարժը չազդեց Եվրոպայի էներգետիկ անվտանգության վրա, քանի որ Եվրոպական երկրները հրաժարվեցին ռուսական գազից՝ հոգուտ հեղուկ գազի:

Այսօր առանցքային հարցերից մեկն էլ այն է, թե ինչպես կազդի երկրաշարժը ԱՄՆ-ի, ԵՄ-ի, ՆԱՏՕ-ի հետ Թուրքիայի հարաբերությունների վրա: Էրդոդանը բավարար միջոցներ չունի երկիրը վերականգնելու համար, իսկ Ռուսաստանն էլ չի կարող համապատասխան ֆինանսական աջակցություն տրամադրել: Չինաստանը տրամադրում է գերթանկ վարկեր և պնդում, որ նախագծերն իրականացնեն չինական ընկերությունները:

Ստեղծված պայմաններում Թուրքիայի համար հիմնական ներդրողը, կարծես, արաբական աշխարհն է: Սակայն պետք է նշել, որ Արևմուտքը զգալի ֆինանսական ռեսուրսներ ունի ՆԱՏՕ-ի իր դաշնակցին օգնելու համար, պարզապես Էր-



դոդանի խնդիրն այն է, որ վերջին տարիներին նա առճակատման քաղաքականություն է վարել՝ բախվելով ԱՄՆ-ի և ԵՄ-ի հետ, հակաարևմտյան տրամադրություններ բորբոքել թուրքական հասարակության մեջ, սիրախաղ արել Ռուսաստանի և Վ. Պուտինի հետ: Ստացվում է, որ Թուրքիայում բնական աղետը կարող է Էրդոդանին դուրս շարտել քաղաքական Օլիմպոսից: ■



Հղումներ

1. Путин выразил соболезнования президентам Сирии и Турции после землетрясения, <https://www.kommersant.ru/doc/5810873>, 06.02.2023, (01.03.2023):
2. Почему землетрясение в Турции оказалось настолько разрушительным?, <https://www.bbc.com/russian/features-64557702>, 07.02.2023, (01.03.2023):
3. Turkey earthquake: how are the true costs calculated?, <https://www.preventionweb.net/news/turkey-earthquake-how-are-true-costs-calculated>, 23.02.2023, (01.03.2023):



# Թուրքիայի երկրաշարժի ֆիզիկական և քաղաքական հետևանքները

Տիգրան Չանդոյան  
Քաղաքագետ, ՀՅԴ «Նիկոլ Աղբալյան» ուսանողական միության անդամ

Թուրքիայում փետրվարի 6-ին տեղի ունեցած ավերիչ երկրաշարժը բազմաթիվ հարցեր առաջացրեց, սակայն էլ ավելի շատ հարցեր ստացան իրենց պատասխանները, ինչպես՝ Թուրքիայի արտակարգ իրավիճակների արձագանքման կարողությունների իրական պատկերի բացահայտումը, երկրում առկա կոռուպցիայի մակարդակը և այլն: Էրդողանի կառավարման շրջանում տեղի ունեցած տնտեսական բումի ժամանակ կառուցված բնակելի շենքերը, ինչպես պարզվեց, կառուցվել էին շինկանոնների խախտմամբ և տվյալ սեյսմիկ գոտու անվտանգության սպառնալիքներին չկարողացան դիմակայել: Շինարարների մեծ մասին մեղադրանք է առաջադրվել, մի մասն էլ մնացել է փլատակների տակ: Սակայն ակնհայտ է, որ առանց կոռուպցիոն ծախսերի այս ծավալով թերացումներ չէին կարող տեղի ունենալ: Ինչպես արդեն ասվեց, ԱԶԿ-ի օրոք Թուրքիայում սկսվել է բազմաբնակարան շենքերի շինարարության բում, այնինչ պարզվեց, որ դրանց մեծ մասը անորակ էր: 2018 թվականին ընտրողներին գրավելու համար Էրդողանի կառավարությունը նույնիսկ համաներում էր հայտարարել չգրանցված շինարարական աշխատանքների համար, ինչի առիթով ինժեներների ազգային պալատի այն ժամանակվա ղեկավար Ջեմալ Գյոքչեն մարգարեաբար զգուշացրել էր, որ այդ որոշման պատճառով թուրքական քաղաքները «կարող են վերածվել գերեզմանոցների»:

Ակնհայտ է նաև, որ տեղի ունեցած երկրաշարժը փոփոխություններ կնտոցնի Թուրքիայի թե՛ ներքին, թե՛ արտաքին քաղաքականության մեջ, ինչն արդեն իսկ նկատելի է: Այս պայմաններում կարող է առաջանալ գերտերությունների շահերի բախում տարածաշրջանային քաղաքականության առնչությամբ, քանի որ Թուրքիայի ստանձնած դերակատարությունը հնարավոր է մարտավարական հետանկարում փոփոխություն կրի՝ պայմանավորված երկրաշարժի հետևանքների վերացման նպատակով երկրի ողջ ռեսուրսները դեպի ներս ուղղելով: Սպասվող ընտրությունները, ավելի քան երբևէ, վերածվելու են կատաղի մրցավազքի, որի ընթացքում ըստ երկրաշարժի հետևանքների վերացման ուղղությամբ կատարված աշխատանքների՝ պարզ կդառնա գործող իշխանությունների վերընտրվելու հնարավորությունը: Աճող դժգոհությունները ևս գլխավոր ռեսուրս են լինելու ընդդիմության ձեռքում, և եթե վերջինս գործի միասնական ու հաշվենկատ, գալիք ընտրություններում հաջողություններ գրանցելու հնարավորությունները շեշտակիորեն կաճեն: Ընդդիմության օգտին է նաև Արևմուտքի ակնհայտ դժգոհությունը Էրդողանից, ինչը պայմանավորված է Պուտին-Էրդողան սիրախաղով:

Ուժեղանում է իշխանություններից դժգոհությունը՝ ոչ բավարար տեմպով փլատակները մաքրելու, օգնական



ուժերը կողմնակալ ձևով բաշխելու և այլ պատճառներով: Իշխանությանը հասցեագրած քննադատությունները երկրաշարժից փրկվածների և ընդդիմադիր կուսակցությունների ներկայացուցիչների կողմից են հնչում, և եթե վերջիններս ցանկանում են օգտվել գալիք ընտրություններում Էրդողանին քարկոծելու միջոցով միավորներ հավաքելու հնարավորությունից, ապա առաջինները ունեն բողոքելու հիմնավոր պատճառներ: Նրանք պնդում են, որ ամբարձիչների և այլ ծանր տեխնիկայի ուղարկումը հետաձգելու պատճառով բաց է թողնվել մարդկանց փրկելու կարևորագույն պահը: Մասնավորապես հիմնականում ոչ թուրքերով բնակեցված Հաթայ նահանգում մարդիկ անօգնական են մնացել: Անթաքիա քաղաքում փլված շենքերում որոնողական աշխատանքները կատարվել են առավելապես տեղական իշխանությունների ջանքերով, որոնք, անշուշտ, բավարար չէին:

Հաթայը կամ սիրիական Ալեքսանդրեթի սանջաքը Թուրքիային է բռնակցվել 1939 թվականին, և այնտեղի հիմնական բնակչությունը ազգությամբ ալեխներ, քրդեր, արաբներ, հայեր, ասորիներ են: Իշխանություններին ուղղված բողոքի ձայնը խլացնելու համար մի շարք հեռուստաընկերություններ ուղիղ եթերների ժամանակ երկրաշարժից տուժածների բողոքելու ընթացքում մարդկանց ձայներն անջատել են կամ դադարեցրել եթերը:

Այն, որ Թուրքիան երկրաշարժերին դիմագրավելու մեծ փորձ ունի հաստատում են պարբերաբար վերանայվող ու փոփոխվող շինարարական կանոնակարգերն ու ոլորտի օրենսդրությունը: Թուրքիայում գոյություն ունի քաղաքացիական աղետների դեմ պայքարի վարչություն՝ մոտ 15.000 հաստիքակազմով,

որին օգնում են ոչ կառավարական խմբերը, օրինակ՝ «Akut» հիմնադրամը՝ շուրջ 3000 կամավորներով: Նախկինում այս գործառույթը ստանձնել էր բանակը, սակայն Էրդոդանի որդեգրած բանակի թուլացման քաղաքականության հետևանքով այն այժմ բանակի լիազորություններից դուրս է բերվել: 1999 թվականի երկրաշարժից հետո թուրքական կառավարությունը նոր հարկատեսակ էր սահմանել, այսպես կոչված, «երկրաշարժի ժամանակ համերաշխության հարկ», որի գանձումից պետական գանձարան մտած միջոցների ճակատագիրը անհայտ է: Այդ միջոցները նախատեսված էին շենքերը երկրաշարժերի նկատմամբ դիմացկուն դարձնելու համար: Անհայտ է նաև բջջային կապի օպերատորների, ռադիոյի և հեռուստատեսության կողմից մինչ օրս վճարվող մեկ տեսակի հարկից կուտակված շուրջ 88 մլրդ լիրայի (4,6 մլրդ դոլար) ճակատագիրը: Երկու տարի առաջ այդ հարկը նույնիսկ բարձրացվել է մինչև 10 տոկոս: Էրդոդանի կառավարությունն այդպես էլ ամբողջությամբ չի բացատրել, թե որտեղ են ծախսվել այդ գումարները:

Երկրաշարժին հաջորդած առաջին իսկ ժամերին Էրդոդանը կոչ է արել քաղաքականացնել տարերային աղետի թեման, այլ համախմբվել. «Հուսով եմ, որ այս սարսափելի օրերը ետևում կթողնենք՝ դրսևորելով համերաշխություն և միասնականություն՝ որպես երկիր և ազգ: Այսօր այն օրն է, երբ 85 միլիոնը պետք է միասին լինի՝ մեկ սրտի պես», — ասել է նա փետրվարի 6-ին:

«Ազգայնական շարժում» կուսակցության առաջնորդ Դևլեթ Բահչելին նույնպես ընդգծել է. «Այժմ անտեղի վեճերի մեջ ժամանակ կորցնելու պահը չէ»: Քենալական «Ժողովրդահանրապետական կուսակցության» նախագահ Քենալ Քըլբչյաթոլուն հայտարարել է. «Ես հրաժարվում եմ տեղի ունեցածը դիտարկել քաղաքականությունից զատված և հավասարվել երկրի ղեկավարությանը: Ես առանց պատճառի չեմ խոսի Էրդոդանի, նրա պալատի և նրա հետ կապված շահառու ավագակախմբերի հետ: Ես պայքարելու եմ իմ ժողովրդի կողքին»: Էրդոդանը գիտակցելով իր և «Արդարություն և զարգացում» կուսակցության դիրքերի երերում լինելը աղետալի գնաճի և դոլարի նկատմամբ թուրքական լիրայի անկման խորապատկերին՝ կարող է տեսականորեն երկարեցնել հայտարարած 90-օրյա արտակարգ դրությունը և նույնիսկ փորձել ընտրությունները մայիսի 14-ից տեղափոխել ավելի ուշ ժամկետ, մինչդեռ ավելի վաղ նա, ընդհակառակը, որոշել էր քվեարկության ժամկետը տեղափոխել հունիսի 18-ից մայիսի 14՝ հենց տնտեսական կտրուկ վատթարացող իրավիճակով պայմանավորված, քանի որ աստիճանաբար վատացող տնտեսական վիճակին զուգահեռ անկում է ապրում Էրդոդանի վարկանիշը:

Չնայած Արևմուտքի հետ հարաբերությունների սիստեմատիկ սրմանը՝ երկրաշարժից հետո արևմտյան երկրներն առաջիններից են օգնության ձեռք մեկնել Թուրքիային: Մասնավորապես՝ ԱՄՆ իշխանությունները 150 փրկարար է ուղարկել եր-

կրաշարժի հետևանքները վերացնելու համար, իսկ նախագահ Ջո Բայդենը հայտնել է, որ հանձնարարել է անհրաժեշտ օգնություն ցուցաբերել Թուրքիային. «Խորապես վշտացած եմ Թուրքիայում և Միլիտարում տեղի ունեցած երկրաշարժի հետևանքով մարդկային կորուստների և ավերածությունների համար: Ես հանձնարարել եմ իմ թիմին շարունակել ուշադիր հետևել իրավիճակին՝ համակարգելով Թուրքիայի հետ ցանկացած անհրաժեշտ օգնություն տրամադրել», — «Twitter»-ում գրել է Բայդենը: Ուշադրության են արժանի Շվեդիան և Ֆինլանդիան, որոնց մուտքը ՆԱՏՕ վերջին ամիսներին կանխվել է Էրդոդանի անընդհատ փոփոխվող դիրքորոշման և Ստոկհոլմին ու Հելսինկիին առաջադրվող նոր պահանջների պատճառով: Շվեդիան և Ֆինլանդիան ոչ միայն փրկարարներ են ուղարկել, այլև միջոցներ են հատկացրել Թուրքիայում և Միլիտարում երկրաշարժի հետևանքները հաղթահարելու համար, Շվեդիան՝ մոտ 2.82 մլն դոլար, իսկ Ֆինլանդիան՝ մեկ միլիոն: Ենթադրելի է, որ ՆԱՏՕ-ին միանալով՝ Շվեդիայի և Ֆինլանդիայի թեկնածությունների հաստատման գործընթացը կարագանա:

Թուրքիային օգնելու Արևմուտքի պատրաստակամությունը հավանաբար կփոխի Անկարայի դիրքորոշումը: Իր նախընտրական ծրագիրը հակաարևմտյան քարոզչամեթոդի միջոցով կառուցած Էրդոդանը հարկադրված է լինելու գոնե հրապարակային ելույթներում փոխել իր խոսույթը Արևմուտքի, հատկապես ՆԱՏՕ-ի անդամ երկրների, մասնավորապես՝ Հունաստանի հանդեպ: Երկրաշարժից հետո Հունաստանի վարչապետ Կիրիակոս Միցոտակիսը հեռախոսով զրուցել է Էրդոդանի հետ: Սա Հունաստանի կառավարության ղեկավարի և Թուրքիայի ղեկավարի առաջին հեռախոսազրույցն է 2022 թվականի մայիսին երկու երկրների հարաբերությունների վատթարացումից հետո: Միցոտակիսը հաստատել է երկրաշարժի հետևանքները հաղթահարելու գործում Թուրքիային օգնություն ցուցաբերելու Հունաստանի պատրաստակամությունը: Բացի դրանից՝ Ադանա քաղաք է ժամանել Հունաստանի արտաքին գործերի նախարար Նիկոս Դենդիասը, որտեղ նրան դիմավորել է թուրք գործընկեր Մսկյոթ Չավուշօղլուն: Նախարարները օդանավակայանում մամուլի համար փակ հանդիպում են անցկացրել: Հարկ է հիշեցնել, որ Էրդոդանը 2022 թվականի մայիսին հրաժարվել էր շփվել Միցոտակիսի հետ: Թուրքիայի նախագահն ասել էր, որ Հունաստանի վարչապետը խախտել է մարտին իրենց հանդիպման ժամանակ ձեռք բերած պայմանավորվածությունները, և այսուհետ իր համար Միցոտակիս քաղաքական գործիչ չկա:

Թե ինչպիսի վերաձևումներ կստանան Թուրքիա-Արևմուտք հարաբերությունները երկրաշարժից հետո, պարզ կլինի համեմատաբար մոտ ապագայում, սակայն դա չի ազդելու ռուս-թուրքական հարաբերությունների վրա, և ռուս-թուրքական մտերմությունը տեսանելի ապագայում փոփոխություն չի կրելու առնվազն մինչև զալիք մեծ ընտրությունների արդյունքների պարզ դառնալը: ■

# Իսրայելական վերջին հարձակումը Սիրիայում և իրանական արձագանքները

Նարե Գևորգյան

ԵՊՀ արևելագիտության ֆակուլտետի իրանագիտության ամբիոնի ավագ լաբորանտ, դասախոս

2023 թ. փետրվարի 19-ի երեկոյան՝ Սիրիայի դեմ Իսրայելին վերագրվող հերթական ավիահարվածից ժամեր անց, մարդու իրավունքների սիրիական դիտորդական խումբը հայտարարեց, որ վերջին տարիներին Դամասկոսի կենտրոնում 15 մարդու սպանությամբ այս հարձակումն իր տեսակի մեջ «ամենամահաբեր» հարձակումն էր Սիրիայի մայրաքաղաքի դեմ:

Ըստ ոչ պաշտոնական տվյալների՝ ումբակծված թիրախների թվում է եղել նաև Դամասկոսում Իրանի Իսլամական Հանրապետության դեսպանատանը կից մշակութային կենտրոնին պատկանող շենքը: Մարդու իրավունքների սիրիական դիտորդական կենտրոնի տնօրեն Ռամի Աբդել Ռահմանը հայտնել է, որ զոհվածների թվում կան նաև երկու կանայք:

Ըստ այս հաղորդագրության՝ «իսրայելական հարձակումներից» հետո զանգվածային պայթյուններ և հրդեհներ են տեղի ունեցել հարակից շենքերում: Սիրիայի սոցիալական ցանցերում որոշ քաղաքացիներ հայտնել են, որ Դամասկոսում պայթյունների ձայներ են լսվել:

Հաջորդ օրը Իսրայելի բանակի ռադիոն, վկայակոչելով Մարդու իրավունքների սիրիական դիտորդական կենտրոնի զեկույցը, հայտարարեց, որ օդային գործողությունից հետո անցանկալի «բարդություն» է տեղի ունեցել, և զոհերի թիվն ավելացել է: Ըստ այս հաղորդագրության՝ սիրիական հակաօդային պաշտպանությունը ակտիվացել է՝ ինքնաթիռների արձակած հրթիռները խոցելու համար, սակայն սիրիական պաշտպանական համակարգի հրթիռներից մեկը խոցել է նշանակված թիրախներից բացի մեկ այլ շենք ևս:

Այնուամենայնիվ Սիրիան չի հաստատել իր հակաօդային պաշտպանության համակարգի հրթիռի խոցման հետևանքով զոհերի թվի աճը:

Այս հարձակումը Իսրայելին վերագրվող երկրորդ գործողությունն էր այդ օրերի ընթացքում Բենիամին Նաթանյահուի իշխանության վերադարձից հետո: Դեկտեմբերի 12-ին տեղի ունեցած հարձակումից անմասն չէր մնացել նաև Դամասկոսի օդանավակայանը:

Իրանի Իսլամական Հանրապետության արտաքին գործերի նախարարության խոսնակ Նասեր Քանանին հայտարարել է, որ Թեհրանը «խստորեն դատապարտում է» Դամասկոսի վրա իսրայելական հարձակումը: Բայց նա չի նշել Իրանին պատկանող շենքը թիրախավորելու հնարավորության մասին:

Իսրայելը սովորաբար լռում է այս տեսակի գործողությունների մասին, սակայն նրա բարձրագույն ռազմական և քաղաքական պաշտոնյաները երբեմն լռելյայն հավանություն են տալիս դրանց իրագործմանը<sup>1</sup>:

Հինգշաբթի օրը իսրայելցի զինվորականներից մեկը զգուշացրել է Իրանին, որ եթե մարդասիրական



օգնության քողի տակ զենք ուղարկվի Սիրիա, Իսրայելն առանց վարանելու թիրախավորելու է զենքի առաքումը:

Որոշ աղբյուրներ նաև նշում են, որ Իրանը մտադիր է օգտագործել Սիրիայում վերջին երկրաշարժի ճրգնաժամը Դամասկոսի կառավարությանը և «Հեզբոլլահին» զենք և տեխնիկա ուղարկելու համար:

Սիրիայում տեղի ունեցած մահացու երկրաշարժից հետո Իրանը մի քանի անգամ մարդասիրական օգնություն է ուղարկել այս երկիր: Սիրիայում օգնություն ցուցաբերելու գործողություններին միացել են նաև «Հեզբոլլահը» և Իրաքում Իրանի կողմից աջակցվող աշխարհագրայինները:

Իրանի ԱԳՆ-ն ընդգծել է, որ այն օրերին, երբ երկրաշարժից ավերված Սիրիան գտնվում էր խիստ խոցելի վիճակում և ամենից շատ օգնության կարիք ուներ, սիրիացի ժողովրդի ցավը սաստկացրին հետևյալ երկու ուժերը՝ ԻԳԻԼ-ի ահաբեկիչները, որոնք վերջերս արյունալի ահաբեկչություն են իրականացրել Հոմն Լահանգում, և Իսրայելը, որը գիշերը հարձակվեց Դամասկոսի քնած բնակիչների վրա<sup>2</sup>:

Իսրայելին վերագրվող վերջին ավիահարվածը Սիրիայում հասցվել էր հունվարի վերջին, որի ժամանակ թիրախ էր դարձել Իրաքից երկիր ներխուժած բեռնատարների շարայումը:

Սիրիայում մարդու իրավունքների մոնիտորինգ իրականացնող ընդդիմադիր խմբավորումը նշում է, որ այդ բեռնատարները իրանական զենք էին տեղավորված: Իրանի պետական լրատվամիջոցները հայտնել են, որ այդ բեռնատարները պարենային օգնություն էին տեղավորված<sup>3</sup>:

Պատահական չէ, որ վերջին շրջանում Իրանը բացահայտորեն խոսում է սիրիական հակաօդային պաշտպանության համակարգի արդիականացման մասին, որպեսզի օգնի Դամասկոսին զերծ մնալու իսրայելական օդային հարձակումներից: Այնուամենայնիվ Իսրայելն, անկասկած, այսպես կոչված, կանխարգելիչ ռազմական գործողությունների կոդիսի, եթե



Թեհրանը որևէ լուրջ քայլ չձեռնարկի հայտարարված նպատակի իրականացման համար:

Սրան հաջորդեց փետրվարի 24-ին Իրանի պետական հեռուստատեսության հայտարարությունն այն մասին, որ Թեհրանը մտադիր է Դամասկոսին մատակարարել իր առաջադեմ և հեռահար հակաօդային պաշտպանության հրթիռային համակարգերը:

Շատ հավանական է, որ շուտով Սիրիայի հակաօդային պաշտպանությունն ուժեղացնելու համար մենք ականատես կլինենք Իրանի կողմից ռադարների և պաշտպանական այլ հրթիռների մատակարարմանը, ինչպիսին է «Խորդադ 15» համակարգը: 2013-ին, նույն տարում, երբ Իսրայելը սկսեց իր շարունակական օդային արշավը Իրանի և նրա դաշնակիցների դեմ Սիրիայում, Ռուսաստանը քննարկեց Դամասկոսին հակաօդային պաշտպանության S-300-համակարգեր մատակարարելու հնարավորության հարցը, բայց ի վերջո, դա չարեց ամերիկյան և իսրայելական խիստ առարկությունների պատճառով: 2018 թ. աշնանը Մոսկվան իսկապես մատակարարեց S-300 համակարգը այն բանից հետո, երբ շատ ավելի հին սիրիական S-200 հրթիռը պատահաբար խոցեց ռուսական ռազմական տրանսպորտը՝ փորձելով խոցել գրոհող իսրայելական ռազմական ինքնաթիռները:

Այդ «սիրիական» S-300-ը միայն մեկ անգամ 2022 թ. մայիսին է գործել Իսրայելի օդային հարձակման դեմ, սակայն այդ հարձակումը, ըստ երևույթին, իսրայելական որևէ ինքնաթիռ խոցելու լուրջ փորձ չէր<sup>4</sup>:

Մյուս կողմից՝ Իրանը Իսրայելի երդվյալ թըշնամին է, և քիչ հիմքեր կան ենթադրելու, որ նա ի տարբերություն Ռուսաստանի, չի փորձի օգտագործել Սիրիայում իր տեղակայած հակաօդային պաշտպանության համակարգը իսրայելական ռազմական ինքնաթիռների դեմ: Այս պատճառով ևս Իսրայելն, անկասկած, թիրախավորելու է ցանկացած համակարգ, որը Իրանը կփորձի տեղակայել այստեղ:

Սրա նախադեպն արդեն եղել է, երբ 2018 թ. ապրիլին իսրայելական ավիահարվածը թիրախավորել է ոչնչացրել էր Սիրիայում գտնվող իրանական T-4 ավիաբազան՝ սպանելով յոթ իրանցի զինվորների<sup>10</sup>:

Իսրայելի պաշտպանության նախարար Յոավ Գալանտը տեղի ունեցող իրադարձությունների ֆոնին հայտարարություն է տարածել, որում ասվում է. «Իրանը բանակցություններ է վարում ավելի քան 50 երկրների հետ՝ իր մահաբեր զենքն արտահանելու համար»: Ըստ Գալանտի՝ «Իրանն այլևս տեղական մատակարար չէ»՝ զենք մատակարարելով միայն

Մերձավոր Արևելքի իր դաշնակիցներին: Իրանի ռեժիմը վերածվում է ժամանակակից զենքի համաշխարհային արտահանողի<sup>6</sup>:

«Արևելյան Եվրոպայում՝ Բելառուսից մինչև Հարավային Ամերիկայի Վենեսուելա, մենք տեսել ենք, որ Իրանը մինչև 1000 կիլոմետր հեռահարությամբ անօդայու թռչող սարքեր է մատակարարել», - նշում է Յոավ Գալանտը:

«Բացահայտ և քողարկված Իրանը մշտապես ձգտում է ոչնչացնել Իսրայել պետությունը: Նա դա անում է ինչպես անմիջականորեն, այնպես էլ իր դաշնակիցների՝ Իսրայելի սահմանների մոտ գործող ահաբեկչական ուժերի միջոցով: Իրանը սպառնում է ոչ միայն Իսրայելին, այլև Եվրոպայի և ամբողջ աշխարհի անվտանգությանն ու կայունությանը», - ասել է Յոավ Գալանտը<sup>7</sup>:

Իսրայելի վարչապետ Բենիամին Նաթանյահուն էլ վերը նշվածի վերաբերյալ հայտարարել է, որ Թեյ Ավիվը թույլ չի տա Թեհրանին միջուկային զենք ձեռք բերել և ամեն ինչ կանի իր երկիրը պաշտպանելու համար: Նա նաև ընդգծել է, որ ինքն Իրանին հնարավորություն չի տա հաստատվելու Սիրիայի հարավային հատվածներում, որոնք սահմանակից են Իսրայելին: Բ. Նաթանյահուն հավելել է, որ Իսրայելը վճռականորեն կպատասխանի ցանկացած հարձակման և կպաշտպանի իր ժողովրդին<sup>8</sup>:

Սիրիացի պաշտոնյաները խնդրել են, որ Թեհրանը և նրա տարբեր զինյալների վստահված անձինք խուսափեն իր տարածքն օգտագործել Իսրայելի վրա հարձակվելու համար, քանի որ նա ցանկանում է խուսափել մեծ պատերազմի բռնկումից: Դամասկոսը հիմքեր ունի վախենալու իսրայելական ցանկացած լայնածավալ պատասխան գործողությունից: 2018-ի փետրվարին Իսրայելը գնահատեց, որ ոչնչացրել է Սիրիայի հակաօդային պաշտպանության գրեթե կեսը իրանական ուժերի հետ բախումների սրումից հետո: Քանի որ Ռուսաստանը կենտրոնացած է Ուկրաինայի ուղղության վրա, Սիրիան, հարկավ, ցանկանում է խուսափել Իրան-Իսրայել լայնածավալ և կործանարար առնակատումից իր հողի վրա:

Թեև փետրվարի 24-ի զեկույցը ուշագրավ էր և ցուցադրում էր Սիրիայում Իրանի վերջնական նպատակն ու մտադրությունը, այնուամենայնիվ, քիչ հավանական է, որ Թեհրանն ի վիճակի կլինի պատերազմից քայքայված արաբական այդ երկրում ձևավորել հակաօդային պաշտպանության հզոր ներուժ: ■



Իսրայելական ավիահարվածից հետո

**Հղումներ**

1. [https://www.radiofarda.com/amp/32278093.html?fbclid=IwAR3udGM7c23GXYrDKGCbQw3VxsjCni67R22w5yebN5g2Y9q86\\_w7WQaGafIs](https://www.radiofarda.com/amp/32278093.html?fbclid=IwAR3udGM7c23GXYrDKGCbQw3VxsjCni67R22w5yebN5g2Y9q86_w7WQaGafIs):
2. <https://t.me/IRANist1/2473?fbclid=IwAR0nolqhdVFWQ6M8lJfmxQen4K8GPWnN2Oy6M6r6-cs9bGKgYXmEJQ5o>:
3. <https://www.radiofarda.com/a/32264313.html>:
4. <https://www.forbes.com/sites/pauliddon/2023/02/26/iran-is-once-again-talking-about-upgrading-syrias-air-defenses/?sh=117725e0c11e>:
5. <https://www.forbes.com/sites/pauliddon/2023/02/26/iran-is-once-again-talking-about-upgrading-syrias-air-defenses/?sh=117725e0c11e>:
6. [https://t.me/IRANist1/2477?fbclid=IwAR1Q3wEaBon4mtONNfvQ9oajk\\_6CA6s5XSpOY33Dd0hNoH5q9e8b8sj2Hpw](https://t.me/IRANist1/2477?fbclid=IwAR1Q3wEaBon4mtONNfvQ9oajk_6CA6s5XSpOY33Dd0hNoH5q9e8b8sj2Hpw):
7. [https://t.me/IRANist1/2477?fbclid=IwAR1Q3wEaBon4mtONNfvQ9oajk\\_6CA6s5XSpOY33Dd0hNoH5q9e8b8sj2Hpw](https://t.me/IRANist1/2477?fbclid=IwAR1Q3wEaBon4mtONNfvQ9oajk_6CA6s5XSpOY33Dd0hNoH5q9e8b8sj2Hpw):
8. <https://t.me/IRANist1/2480?fbclid=IwAR27GcOfdPCjFgDoz-6swD0284l-v3AR-Pi5129K0wiOyqyRxn56ZUjpytko>:

## «Նեմեսիսից» Հայաստանի իշխանության ունեցած վախերի շուրջ

Անի Մելքոնյան  
Պատմաբան

«Ժողովուրդը քո մատն ավելի շատ համբուրեց, քան իմ աչքը: Եվ դա է ճշմարիտը: Պետք է, որ մենք այդպես հարգենք մեր հերոսին, ինչն ամեն բանից վեր է: Ազգը, որ հերոս չունի, պատմություն չունի»<sup>1</sup>: Սրանք Ամենայն Հայոց կաթողիկոս Վազգեն Ա-ի խոսքերն են՝ ուղղած Սողոմոն Թեհլիրյանին: Վազգեն Վեհափառի այս խոսքերը հավուր պատշաճի ասված բառեր չէին՝ Թեհլիրյանի անձի նկատմամբ հարգանքից դրոշված, այլ խարսխված էին ճշմարտության վրա, քանզի վերջին հարյուրամյակի ընթացքում հայության պատմական ճակատագրի բերումով հազարամյակների հերոսների անունների կողքին դրվեցին հայ վրիժառուների անունները, նրանց, ովքեր հայ ազգի մեծագույն ողբերգության՝ հայոց ցեղասպանության, հեղինակներին պատժողներն էին: Այդ վրիժառուները դարձան հայոց պատժիչ ձեռքի, արդարության ու կորսված արժանապատվությունը վերագտնելու համար պայքարի մարմնացումը և պատահական չէր, որ անգամ խորհրդային սպազգայնացման տարիներին, երբ ցեղասպանության մասին գրեթե չէր խոսվում, իսկ ազգային հերոսների մասին խոսելն արգելված էր, հայ մարդը շուկով կամ կիսաձայն խոսում էր Թեհլիրյանի մասին՝ որպես հայոց պատվի ու արժանապատվության մարտիկի: Հայաստանի անկախության վերականգնումից հետո, երբ գաղափարախոսական կապանքները սկսեցին քանդվել, բարձրաձայն խոսվեց ոչ միայն Թեհլիրյանի ու հայ վրիժառուների, այլև հայոց «Նեմեսիսի» մասին:

Թե ինչ էր հայոց «Նեմեսիսը», կարծում ենք՝ յուրաքանչյուր հայ գիտի, բայց հարկ ենք համարում մի փոքր խոսել «Նեմեսիսին» ծնունդ տված իրադարձությունների մասին, որոնց սկզբնակետը 1915 թվականն էր: Այսպես՝ 1915 թ. ապրիլի 24-ին սկիզբ առած ձերբակալություններով և դրանց հետևած հարյուրավոր հայ մտավորականների սպանություններով սկսվեց հայ բնակչության բնաջնջումը: Ապրիլի 24-29-ը թուրքական իշխանությունները ձերբակալեցին 800-ից ավելի հայ մտավորականների, որոնց մեծ մասը առանձնակի դաժանությամբ սպանվեց: Արևմտահայությանը գրկելով կազմակերպող ու պաշտպանող ուժերից՝ թուրքական կառավարությունը ձեռնամուխ եղավ անգեն ու անօգնական բնակչության զանգվածային կոտորածներին ու բռնազաղթին: Սա մարդկության պատմությանը հայտնի առաջին ցեղասպանությունն էր, որին գոհ գնաց 1.5 միլիոն խաղաղ ու անգեն հայ:

Դեռ շարունակվում էր հայոց ցեղասպանությունը, երբ 1915 թ. օգոստոսի 31-ին Թալեաթը Հենրի Մորգենթաուին հեզնում էր՝ ասելով. «Հայկական հարցը լուծելու առումով ես երեք ամսում ավելի շատ գործ կատարեցի, քան Աբդուլ Համիդը՝ երեսուն տարում»<sup>2</sup>:

Հայոց ցեղասպանությունն իրագործած և փաստա-



ցի անպատիժ մնացած դահիճները պետք է պատժվեն հենց հայերի ձեռքով:

1919 թ. սեպտեմբեր-նոյեմբերին Երևանում տեղի ունեցած ՀՅԴ 9-րդ ընդհանուր ժողովը որոշում կայացրեց «հատուկ գործ»-ի վերաբերյալ, որը կատարվելու էր «Նեմեսիս» ծածկանունով և նպատակ ուներ վրեժխնդիր լինել հայոց ցեղասպանության կազմակերպիչ ոճրագործներից: Գործողության մասին արդեն խոսել ենք, հետևաբար չմանրամասնելով՝ նշենք միայն, որ հայ վրիժառուների ձեռքով արդար պատիժ ստացան ինչպես հայոց ցեղասպանության, այնպես էլ Ադրբեյջանի ու Արցախի հայության ջարդերի պատասխանատու ոճրագործները: Այդ օրերին հարենազրկված ու ցեղասպանության դեռևս բաց վերքերն իր սրտում կրող աշխարհացրիվ հայության համար «Նեմեսիսը» ապրելու, անգործության զգացումը հաղթահարելու, իրեն գործոն զգալու և իր իրավունքների համար պայքարելու ոգեշնչում էր, հատկապես, երբ գերմանական դատարանը անպարտ ճանաչեց ու դատարանի դահիճից ազատ արձակեց Սողոմոն Թեհլիրյանին:

Տասնամյակներ անց, երբ Հայաստանը վերագտավ կորցրած անկախությունը, և աստիճանաբար հայ ազգին վերադարձվեցին նրա հերոսները, հայոց պատմության դասագրքերում սկսեցին գրել «Նեմեսիսի» ու նրա մարտիկների մասին, և թվում էր, թե հայկական անկախ պետության տարածքում «Նեմեսիսի» արժևորման գործում որևէ խնդիր չպետք է լինի, բայց 2018-ի, այսպես կոչված, «թավշյա հեղափոխություն-

նից» հետո ամեն բան գլխավայր շրջվեց, և հերոսների արժեքը կուրծք, վարկաբեկումն ու պիտակավորումը առնչվեցին նաև «Նեմեսիսին» և նրա հերոսներին: Ներկա կառավարության՝ «Նեմեսիսից» ունեցած տարօրինակ և անբնական վախերի մասին են վկայում իշխող կուսակցության պատգամավորի՝ այդ թեմային վերաբերող թրքահաճո արտահայտությունները, որոնցից պարզ է դառնում, որ սույն պատգամավորը կան լավատեղյակ չէ հայոց պատմության այդ շրջանից, կան ծառայություն է մատուցում Թուրքիային, կան էլ՝ թե՛ մեկը, թե՛ մյուսը: Ահա՛ «Նեմեսիսի» մասին ՔՊ-ական պատգամավորի վախվորած խոսքը. «Գիտե՞ք՝ «Նեմեսիսը» ինչ է: Դա գործողություն է, որը վերաբերում է ինչ-որ մարդկանց վերացնելուն՝ առանց դատ ու դատաստանի... Ճիշտ կլինի, որ մանրամասն ուսումնասիրվի «Նեմեսիսի» ողջ բնույթը, հարյուրամյա գործողությունների ամբողջ ծավալը և ի հայտ բերվեն դրա վտանգները մեր այսօրվա կյանքում, նաև՝ մեր պետականության համար: Երբ ասում են՝ բա մարդկանց..., ասում են. «Մենք թուրքերի հետ... թուրք սրիկաներին»: Հասկացանք, իսկ հայեր եղել են այդ ցանկի մեջ: Եվ արդյոք ինչ-որ մարդիկ իրավասուն են առանց դատ ու դատաստանի կայացնել մարդկանց կյանքեր տնօրինելու որոշում»<sup>3</sup>:

Դաշնակցական պատգամավորը փորձեց սույնին բացատրել, թե ինչ է «Նեմեսիսը»՝ պարզաբանելով. ««Նեմեսիս» գործողությամբ մարդ չի սպանվել, «Նեմեսիս» գործողությամբ գնդակահարվել են Հայոց ցեղասպանության համար պատասխանատուները»<sup>4</sup>:

Մենք ևս հարկ ենք համարում փոքր-ինչ մանրամասնել, թե ովքեր են սպանվել «Նեմեսիսի» ժամանակ, որոնց սպանությունը այդքան խոր ողբերգություն է ՀՀ ԱԺ ՔՊ-ական պատգամավորի համար:

Հայոց ցեղասպանության գլխավոր կազմակերպիչ, Թուրքիայի ներքին գործերի նախարար Թալեաթ փաշա, Թուրքիայի նախկին վարչապետ Մայիդ Հալիմ, 15.000 հայ երեխաներին ծովում խեղդելու հրաման տված Ջեմալ Ազմի, Բեհաեդդին Շաքիր, Թուրքիայի ռազմածովային ուժերի նախկին նախարար Ջեմալ փաշա, Բաքվի հայերի ջարդերի կազմակերպիչներից Նասիր Յուսիֆբեյլի, Ադրբեջանի նախկին վարչապետ Ֆաթալի Խան Խոյսկի, Շուշիի և Բաքվի ջարդերի հիմնական կազմակերպիչներից Հասան Բեկ Ազան, Ադրբեջանի ներքին գործերի նախկին նախարար Բեհրուջ Խան Ջիվանշիր:

«Նեմեսիսից» դուրս շուշեցի Հակոբ Մելքումովի հրամանատարությամբ իր արժանի պատիժը ստացավ Էսվեր փաշան (գուցե նաև դա էր պատճառը, որ Նիկոլ Փաշինյանին Շուշին դժգույն ու դժբախտ է թվացել):

Սույն ոճրագործները, որոնց մահապատիժը ավելի քան 100-ամյա հեռավորությունից այդքան հուզել է Հայաստանում իշխող կուսակցության անդամներին, արդյոք առանց դատ ու դատաստանի են պատժվել, ինչպես լացակուրմած բողոքում էր ՔՊ-ական պատգամավորը: Պետք է ասել, որ ո՛չ, ավելին՝ երիտթուրք ցեղասպանները մահապատժի

են դատապարտվել հենց թուրքական դատարանի կողմից, սակայն հեռակա կարգով, քանի որ փախել էին Օսմանյան կայսրությունից: «Դատավճից փախած հանցագործների պատիժն իրագործելու նպատակով էլ Հայ Յեղափոխական Դաշնակցությունը կազմակերպեց «Նեմեսիս» գործողությունը:

1919 թ. Երևանում Դաշնակցության 9-րդ ընդհանուր ժողովում 650 հանցագործներից առանձնացվեցին 41-ը: «Նեմեսիս» գործողությունը կատարելու համար ստեղծվեց պատասխանատու մարմին՝ ԱՄՆ-ում ՀՀ ներկայացուցիչ Արմեն Գարոյի գլխավորությամբ և հատուկ ֆոնդ՝ Շահան Մաթնակյանի ղեկավարությամբ: Գործողության օպերատիվ ղեկավարման և նյութական ապահովման համար պատասխանատու էին Շահան Նաթալին և Գրիգոր Մերջանովը»<sup>5</sup>:

Առաջին համաշխարհային պատերազմի ավարտական փուլում, երբ ակնհայտ էր Թուրքիայի անխուսափելի պարտությունը, 1918 թ. հոկտեմբերի 7-ին Թալեաթի կառավարությունը հրաժարական տվեց: «Նոյեմբերի 1-ի լույս 2-ի գիշերը երիտթուրքական 7 պարագլուխները՝ ի դեմս վարչապետ Թալեաթի, նախարարներ Էսվերի, Ջեմալի, Նազրմի, Հատուկ կազմակերպության ղեկավարներից մեկի՝ Շաքիրի, ինչպես նաև ռուսական պետ Բեդրիի ու Ազմիի, գերմանական հաճանավով ճողոպրել էին Օդեսա, այնտեղից էլ՝ Գերմանիա»<sup>6</sup>: Թուրքիայում ստեղծված ծանր իրադրության պայմաններում, տեղի տալով համաշխարհային հանրության ճնշումներին, օսմանյան սուլթան Մեհմեդ VI-ը և իրարահաջորդ կառավարությունները քայլեր ձեռնարկեցին՝ պատժելու Առաջին աշխարհամարտի ժամանակ կայսրության տարածքում կատարված ոճրագործությունների, «մասնավորապես հայերի տեղահանության ու կոտորածների հեղինակներին»<sup>7</sup>: Թուրքական հերթական կառավարության 1918 թ. դեկտեմբերի 5-ի որոշմամբ ստեղծվեց խառը հանձնաժողով՝ կազմված արդարադատության և ներքին գործերի նախարարությունների անդամներից:

«Հանձնաժողովը, երկիրը պատերազմի մեջ ներքաշելու և Հատուկ կազմակերպությանն առնչվող խնդիրներն ընդգրկող 10 տպագիր հարց ուղղելով, գրավոր ու բանավոր ցուցմունքներ վերցրեց բազմաթիվ անձանցից... Թղթապանակներ նախապատրաստվեցին 130 հոգու վերաբերյալ, և պահանջվեց, որ տվյալ անձինք դատաքնության ենթարկվեն»<sup>8</sup>:

1919 թ. մարտի 5-ին թուրքական իշխանությանը փոխանցվեց Մեծ Բրիտանիայի կառավարության պահանջը՝ ձերբակալել մեղադրյալներին. մարտի 9-ին ձերբակալվեցին պատերազմի տարիներին թուրքական կառավարության անդամ եղածները: «Մարտի 10-ին կալանավորվեցին վարչապետ Մայիդ Հալիմը, շեյխուլիսլամ Մուսա Քյազիմը... և այլ բարձրաստիճան պաշտոնյաներ»<sup>9</sup>, իսկ գլխավոր մեղավորները՝ Թալեաթի ղեկավարությամբ, ինչպես ասվեց, ճողոպրել էին:

Երկարատև ձգձգումից հետո ի վերջո կազմվեց մեղադրական ակտ, որում նշվում էր, որ. «Իթի-





Սողոմոն Թեփլիրյան

հատականներն օգտվել են Առաջին համաշխարհային պատերազմի ընձեռած հնարավորությունից՝ իրենց զաղտնի ծրագիրը (խոսքը հայոց ցեղասպանության մասին է - Ա.Մ.) իրականացնելու համար»<sup>10</sup>: Նշվում էր նաև, որ հայերի ջարդերը եղել են ուղղորդված և վերահսկվել են ներքին գործերի նախարարության և անձամբ նախարար Թալեաթի կողմից:

«Ըստ մեղադրական եզրակացության՝ գլխավոր հանցագործներ էին համարվում Թալեաթը, Էնվերը, Ջեմալը, Բեհաեդդին Շաքիրը, դոկտոր Նազըմը... և Սայիդ Հալիմը»<sup>11</sup>:

Չմանրամասնելով և անհարկի չծանրաբեռնելով նյութը՝ նշենք միայն, որ երիտթուրքական (իթթիհադ) կուսակցության և կառավարության անդամների դատավճիռը կայացվում է 1919 թ. հուլիսի 5-ին: Հետակա կարգով դատավճիռ է կայացվում Թալեաթի, Էնվերի, Ջեմալի, դոկտոր Նազըմի և ուրիշների նկատմամբ. այդ դատավճռով վերջիններս դատապարտվում են մահվան: Սակայն դատավճիռը մնաց թղթի վրա, քանզի երիտթուրքերի հետ համագործակցող քեմալական կառավարությունը ոչինչ չարեց նրանց ձերբակալելու և երկիր վերադարձնելու ու պատժելու համար: Ուստի ՀՀ-ում իշխող Դաշնակցությունը իր 9-րդ ընդհանուր ժողովում որոշեց հետամուտ լինել արդարադատության իրականացմանը և իրագործել երիտթուրք ցեղասպանների մահապատիժը «Նեմեսիսի» միջոցով:

Հարկ ենք համարում նշել նաև, որ 1919 թ. հունվարին Փարիզում ստեղծված «Տասնհինգի հանձնաժողովը» քննեց պատերազմական հանցագործությունները, այդ թվում՝ Օսմանյան կայսրության տարածքում

տեղի ունեցածները, և մարտի 29-ին ընթերցվեց նշյալ հանձնաժողովի վերջնական զեկույցը, որի համաձայն՝ «Թշնամի երկրների այն բոլոր քաղաքացիները, որոնք խախտել էին մարդկային օրենքները կամ պատերազմական ավանդույթները, ենթակա են դատական հետապնդման»<sup>12</sup>: Այս հանձնաժողովի աշխատանքների շնորհիվ «Սևրի պայմանագրի մեջ ներառվել են հայերի կոտորածների մեղավորներին դատական պատասխանատվության ենթարկելու դրույթները՝ 226-րդ, 228-րդ և 230-րդ հոդվածները»<sup>13</sup>:

Այսպիսով, ինչպես տեսնում ենք, «Նեմեսիս» գործողությամբ գնդակահարված երիտթուրք պարագլուխները մեղավոր են ճանաչվել թե՛ Օսմանյան կայսրության դատարանի, թե՛ միջազգային այլ ատյանների կողմից, որը վերահաստատվել է նաև Սողոմոն Թեփլիրյանի (1921 թ. հունիսի 2) և Միսաք Թողաքյանի (1921 թ. հոկտեմբերի 6) դատավարությունների ժամանակ, երբ համապատասխանաբար գերմանական և անգլիական դատարանները նրանց անպարտ են ճանաչել և ազատ արձակել դատարանի դափնից, ինչը նշանակում է, որ դեռևս ավելի քան մեկ դար առաջ առաջադեմ մարդկությունը ճանաչել է արդարություն հաստատելու հայ ազգի իրավունքը, և Սողոմոն Թեփլիրյանը գերմանական դատարանում հենց այնպես չէր հայտարարում. «Ես մարդ եմ սպանել, բայց մարդասպան չեմ»<sup>14</sup>: Այո, Թեփլիրյանը մարդասպան չէր, որովհետև նա իրագործել էր մի դատավճիռ, որը կայացրել էին օսմանյան դատարանը, միջազգային հանրությունը, հայ ազգը... Եվ գերմանական դատարանն իր վճռով հաստատել էր վերոնշյալ դատավճիռի արդարությունն ու օրինականությունը՝ «Արդե՞տք Թեփլիրեանը մարդ է սպանել» հարցին տալով «ոչ» պատասխանը<sup>15</sup>: Հաշվի առնելով այս փաստերը՝ հարց է առաջանում, թե ինչու՞ է Հայաստանի ներկայիս իշխանությունն այդքան սարսափում «Նեմեսիսից»: Թուրքիայի դեպքում պարզ է. թուրքական կառավարությունը վախենում է «Նեմեսիսից», որովհետև Թուրքիան ցեղասպան պետություն է, «Նեմեսիսն» էլ՝ ցեղասպաններին պատժելու միանգամայն օրինական գործողություն: «Նեմեսիսի» մեջ ինչն է անհանգստացնում ու վախեցնում Նիկոլ Փաշինյանի իշխանությանը, արդյոք Հայաստանի ներկա իշխանությունը մտածում է, թե արել է մի բան, որն արժանի է պատժի, թե՛ նրանց խնդիրը Թուրքիային հաճոյանալն է՝ քննադատելով Դաշնակցությանը Թալեաթին, Ջեմալին, Սայիդ Հալիմին պատժելու համար: Իսկ միգուցե փաշինյանական կառավարության անդամները «Նեմեսիսից» դուրս նույն վրիժառուների ձեռքով պատժված հայ դավաճաններ Վահե Բհասնի, Հարություն Մկրտչյանի ու Արուր Յալաչյանի մեջ իրենց են տեսնում:

«Նեմեսիս» գործողությունն ավելի քան 100 տարի առաջ կատարել է իր դերն ու ավարտվել, մինչդեռ ԹԳ-ական իշխանությունը խոսում է գոյություն չունեցող «Նեմեսիսի» իբրև վտանգներ պարունակող կազմակերպության մասին: Հետաքրքիր է, թե ում համար է վտանգավոր գոյություն չունեցող «Նե-

մեսիս» կազմակերպությունը, Թուրքիայի, թե՛ ԲԳԿ-ական իշխանության համար, այդ վտանգների պատճառով է, որ գործողությունից 100 տարի անց ԲԳԿ-ական պատգամավորը ոչ պաշտոնապես «ստանձնում է «Նեմեսիսի» կողմից դատաստանի ենթարկված Թալեթի և մյուս ցեղասպանների փաստաբանի դերը... և կասկածի տակ է դնում նրանց նկատմամբ հաշվեհարդարների իրավական և բարոյական հարցը»<sup>16</sup>, թե՛ ԲԳԿ-ական իշխանությունը նման դիրքորոշմամբ հող է նախապատրաստում հայոց ցեղասպանության պահանջատիրությունից հրաժարվելու համար:

Օտար դատարաններն անգամ արդարացրել են հայոց «Նեմեսիսի» մարտիկներին, իսկ «թուրքի հետ բարեկամության» այս մունետիկը հայտարարում է թե. «Մարդկանց սպանել են առանց դատ ու դատաստանի», մինչդեռ ««Նեմեսիսը» մեր ազգային արժանապատվության, մեր այրյան վրեժի դատաստանն է, որի արժեքը քննարկման ենթակա չէ, վիճարկման ենթակա չէ, կասկածի տակ դնելու ենթակա չէ: Եթե այս գործողությունը դնում են կասկածի տակ, ուրեմն 1915-ին տեղի ունեցածը ցեղասպանական ոճրագործություն լինելն են դնում կասկածի տակ<sup>17</sup>»:

Մեր ազգային «Նյուրնբերգը» տարակուսելի համարող սույն պատգամավորը քաղաքական իշխանության ձեռքին խաղալիք դարձած իրավապահներին հրամաններ է տալիս, թե. «Քննեք ազգի վրիժառուների հարյուրամյա գործողությունը»: «Այսինքն՝ փաշինյանական իշխանության իրավապահները պետք է քննեն Թեհլիրյանի, Երկանյանի, Շիրակյանի գործողությունները, դրանց իրավական հիմքերը»<sup>18</sup>: Ինչո՞ւ, ի՞նչ նպատակով իրավապահները պետք է 100 տարվա հետավորությունից քննեն մեր ազգային արդարադատությունը, որի օրինակնությունն անգամ օտարերկրյա դատարաններն են ճանաչել, միգուցե արդարացնելու համար դավաճանությունը, իսկ գուցե հանուն «թուրքի հետ բարեկամության» փաշինյանական իշխանությունը ներողություն խնդրի Թուրքիայից՝ հայ վրիժառուների կողմից երիտթուրք ցեղասպանների մահապատիժն իրագործելու համար:

Հայ վրիժառության խտացված մարմնացում Թեհլիրյանի խոսքերն են. «Կան դատեր, որոնց դատավճիռը չպետք է վստահել դատարաններին»<sup>19</sup>: Ինչո՞ւ է «Նեմեսիսի» անունն այսպես փոթորկում իշխանականների անդորրը<sup>20</sup>, գուցե այն պատճառով, որ «Նեմեսիսը» հայոց ամենագորեղ, անքննելի ու անժխտելի արդարադատությունն է, որից հայ ազգի և ո՞չ մի դահիճ չի կարող խուսափել, որովհետև այդ արդարադատությունը «կտակն էր նահատակներուն», իսկ «Նեմեսիսի» մարտիկները հայոց պատվի ու արժանապատվության հերոսներն են և կմնան այդպիսին հայոց բոլոր սերունդների հիշողության մեջ: Որքան էլ Հայաստանի ներկայիս թրքահան իշխանությունները փորձեն խամրեցնել հայ վրիժառուների կերպարն ու նսեմացնել «Նեմեսիսի» նշանակությունը, մինևսույն է. «Լեռներու հովին ու բարձրությունն չեն հասնիր ճահճուտի ցեխը, անախորժ բոյրը, շատերը եղան, որոնք ցանկացան ցեխ

շարտել այդ բարձրության, բայց ցեխը չէր հասներ բարձրության և կ'իյնար իրեն նետողներուն վրայ»<sup>21</sup>:

### Հղումներ

1. <http://www.hayzinvor.am/34862.html>:
2. Henry Morgenthau., American Ambassador of Constantinople from 1913 to 1916., Garden City New York doubledeady, page & company 1918., p 342:
3. <https://hraparak.am/post/b840a857cef6ebbfde7fae62f49d7032>:
4. <https://yerkir.am/hy/article/2022/12/23/5035>:
5. <https://mediamax.am/am/news/parzabanum/13970>:
6. Անույան Մ., Երիտթուրքերի 1919-1921թթ. դատավարությունների վավերագրերը ըստ օսմանյան մամուլի., Եր., 2011 էջ 22:
7. Տեն նույն տեղում, էջ 46:
8. Տեն նույն տեղում, էջ 51:
9. Տեն նույն տեղում, էջ 55-56:
10. Անույան Մ., նշվ.աշխ., էջ 72:
11. Տեն նույն տեղում, էջ 72-73:
12. Անույան Մ., նշվ.աշխ., էջ 54:
13. Նույն տեղում, էջ 54:
14. <https://alikonline.ir/news/ideological/item/45905-%C2%AB%D5%A1%D5%B5%D5%B8%D5%9B,-%D5%A5%D5%BD-%D5%B4%D5%A1%D6%80%D5%A4-%D5%A5%D5%B4-%D5%BD%D5%BA%D5%A1%D5%B6%D5%A5%D5%AC,-%D5%A2%D5%A1%D5%B5%D6%81-%D5%B4%D5%A1%D6%80%D5%A4%D5%A1%D5%BD%D5%BA%D5%A1%D5%B6-%D5%B9%D5%A5%D5%B4%C2%BB>:
15. Նույն տեղում:
16. <https://hraparak.am/post/b840a857cef6ebbfde7fae62f49d7032>:
17. Տեն նույն տեղում:
18. Նույն տեղում:
19. Նույն տեղում:
20. Նույն տեղում:
21. «Աշխատանք» օրաթերթ, 12 փետրվարի 1919, N 4:

Օգտագործված գրականության և աղբյուրների ցանկ  
ա) Գրականություն

1. Անույան Մ., Երիտթուրքերի 1919-1921թթ. դատավարությունների վավերագրերը ըստ օսմանյան մամուլի., Եր., 2011:
2. Henry Morgenthau., American Ambassador of Constantinople from 1913 to 1916., Garden City New York doubledeady, page & company 1918:

բ) Համացանցային նյութեր

1. <http://www.hayzinvor.am/34862.html>:
2. <https://hraparak.am/post/b840a857cef6ebbfde7fae62f49d7032>:
3. <https://yerkir.am/hy/article/2022/12/23/5035>:
4. <https://mediamax.am/am/news/parzabanum/13970>:
5. <https://alikonline.ir/news/ideological/item/45905-%C2%AB%D5%A1%D5%B5%D5%B8%D5%9B,-%D5%A5%D5%BD-%D5%B4%D5%A1%D6%80%D5%A4-%D5%A5%D5%B4-%D5%BD%D5%BA%D5%A1%D5%B6%D5%A5%D5%AC,-%D5%A2%D5%A1%D5%B5%D6%81-%D5%B4%D5%A1%D6%80%D5%A4%D5%A1%D5%BD%D5%BA%D5%A1%D5%B6-%D5%B9%D5%A5%D5%B4%C2%BB>:

գ) Մամուլի նյութեր

1. «Աշխատանք» օրաթերթ, 12 փետրվարի, 1919, N 4:

## «Նեմեսիս» գործողության ձեռնարկների արձագանքը պոլսահայ պարբերականների էջերում (1920-1922 թթ.)

Մարիամ Հովսեփյան

Բանասիրական գիտությունների թեկնածու

Գիտությունների ազգային ակադեմիայի ավագ գիտաշխատող

Հայկական հարցի և հայոց պետականության պատմության մեջ ուրույն տեղ են գրավում 1920-1922 թվականների ընթացքում տեղի ունեցած իրադարձությունները, որոնք ճակատագրական դեր են ունեցել հայ ժողովրդի հետագա պատմական ողջ ընթացքի վրա: Սկսած Սևրի պայմանագրից, թուրք-հայկական պատերազմից, Հայաստանի բռնի խորհրդայնացումից մինչև Փետրվարյան ապստամբություն՝ այս ամենի համատեքստում էր նաև 1919 թվականի սեպտեմբերի 27-ից հոկտեմբերի 30-ը Երևանում տեղի ունեցած ՀՅԴ 9-րդ Ընդհանուր ժողովում՝ «Նեմեսիս» պատժիչ գործողության<sup>2</sup> մասին որոշման ընդունումն ու դրա իրականացմանը ձեռնամուխ լինելը: Մեր այս հոդվածով փորձելու ենք ամփոփ ներկայացնել, թե ինչպիսին էր այդ գործողությունների արձագանքը պոլսահայ պարբերականների էջերում, և հատկապես ինչպիսին է եղել ձեռնարկների հասարակական հնչեղությունը: Մեր ուսումնասիրության շրջանակից դուրս կմնան այդ ծրագրի մանրամասները, քանի որ «Նեմեսիս» գործողության մասին մեզանում և սփյուռքում զբրվել են բազմաթիվ վերլուծական հոդվածներ, աշխատություններ, հուշագրություններ:

Պետք է փաստել, որ Հայաստանի Առաջին Հանրապետության անկումը, դաշնակցական հայտնի և այդ գործողության մեջ ընդգրկված գործիչների նկատմամբ սկսված հալածանքները, նրանց մի մասի պարտադրված արտագաղթն օտար երկրներ և քաղաքական իրողությունների փոփոխությունը մեծապես խանգարում են «Նեմեսիսի» իրագործմանը: Այն մնում է անավարտ:

Անհրաժեշտ է նշել, որ խնդրո առարկա ժամանակահատվածում պոլսահայ բարձր վարկանիշ ունեցած կոնկրետ երեք օրաթերթերի (ՀՅԴ ոչ պաշտոնական օրգան «Ճակատամարտը»<sup>3</sup>, ռամկավարների ոչ պաշտոնական խոսափող «Ժողովուրդի ձայնը-Ժամանակը», չեզոք պարբերական «Վերջին լուրը») նյութերի քննական վերլուծությունը մեզ թույլ է տալիս հանգելու այն եզրակացությանը, որ այդ պարբերականների աշխատակիցներն ու ընթերցողների լսարանը գրեթե անտարբերությամբ է կարդացել մեկ այլ դավաճանի՝ Վահե Իհսանի<sup>4</sup> սպանության լուրը: Չկա որևէ արձագանք կամ վերլուծական հոդված դրա կապակցությամբ: Միայն «Ճակատամարտի» համարներից երկուսում «Ընթացիկ կյանք» խորագրի ներքո փոքրիկ լուրեր են տպագրվել այդ ձեռնարկի մասին, որոնցում այն չի դիտարկվել իբրև վրեժխնդրության արտահայտություն, այլ ներկայացվել է որպես ընթացիկ տեղեկատվություն, թեև այս ձեռնարկը<sup>5</sup> հատուցման գործողությունների առաջին դրվագների շարքում էր<sup>6</sup>:



Այդ անձնավորության սպանության հաջորդ օրը «Ճակատամարտը» գրում է. «Երևի առում ժամը ութի ատենները Բերա, Թարլա Պաչի պողոտային անցած ժամանակ, անձանօթի մը կողմէ սպաննուած է Վահէ Իհսան անուն անձ մը: Սպաննիչը չէ ձերբակալուած»<sup>7</sup>: Թերթի հաջորդ համարում նույն թեմայի վերաբերյալ ծաղկաքաղ էր արված մայրաքաղաքի թուրքական թերթերից<sup>8</sup>: Թուրք լրագրողներն առաջ էին քաշում այդ սպանությունը կատարելու հարցում վրեժխնդրության վարկածը, ինչը «Ճակատամարտը» ոչ հաստատում էր, ոչ՝ հերքում<sup>9</sup>: Հիշյալ թուրքական թերթերից մեկը նշում էր, որ Վահե Եսայանի կամ Իհսանի սպանության՝ «վրեժխնդրական արարք մը ըլլալը կը հաստատուի անով, որ սպաննուածը գէշ համբաւ կը վայելէր պատերազմի շրջանին և իր պաշտօնն ու ազդեցութիւնը չարաչար գործածած էր՝ մեծ վնաս հասցնելով իր հայ հայրենակիցներուն»<sup>10</sup>: Թուրքական մեկ այլ թերթ կառավարության լրտես էր համարում Իհսանին, որն իբրև այդպիսին «նուազ համակրութիւն կը վայելէր»<sup>11</sup>:

Վերոնշյալ պոլսահայ պարբերականների էջերում Վահե Իհսանի սպանության լուրի հպանցիկ անդրադարձը և միևնույն ժամանակ հայոց ցեղասպանության պատճառահետևանքային կապերի վերհանմանը նվիրված բազմաթիվ հրապարակումները կարծես ցույց էին տալիս, որ տվյալ պարագայում Մեծ եղեռնը հայ հասարակությունը դավաճանների գործելակերպով չէր պայմանավորում, այլ հասկանում էր, որ արևմտահայերի տեղահանությունն ու ջարդերը նախապես ծրագրված էին եղել թուրքական իշխանությունների կողմից:

Այս առումով բոլորովին այլ էր այդ օրաթերթերի վերաբերմունքը Սայիդ Հալիմի<sup>12</sup> և Մեհմեդ Թա-





շեշտվում էր նրանց սպանողների հայ ինքնու հանգամանքը:

1921 թվականի մարտի 15-ին Բեռլինում Թալեաթ փաշայի գնդակահարությունն արդեն բացում է գրեթե բոլոր խաղաքարտերը, քանի որ նրան սպանող Սողոմոն Թեփլիբյանը ձեռքբերակալվում և դատարանի կողմից արդարացվում է: «Ժողովուրդի ձայնը-Ժամանակ» օրաթերթի հոդվածի վերնագիրն է շատ խոստուն՝ «Վրիժառուն»<sup>16</sup>: Այս սեփական թղթակցության մեջ նշվում էր, որ աշխարհը սահունկեցնող սարսափազդու ոճիրը՝ հայոց Մեծ եղեռնը, անպատիժ չէր մնացել. «Թալեաթ ոչ ևս է: Ան, որ հազարաւոր անմեղներու արհնը թափելով չէր յափարացած և իր թաքստոցին մէջ նորաստր դժոխային ծրագիրներ յղանալու ետևէ էր, ինկաւ վրիժառու հայ գնդակին տակ»<sup>17</sup>: Լրագրողը պնդում էր, որ Թեփլիբյանը լուծել էր հազարավոր անթաղ մնացած իր հայրենակիցների անտեղի սպանության վրեժը, մեջբերում էր հարցաքննության ժամանակ նրա սասձ խոսքերն՝ ուղղած հարցաքննող ոստիկաններին. «Ես կատարեցի իմ պարտականութիւնը, ինձի համար միևնոյնն է, եթէ նոյնիսկ ասել յետոյ գոլիաս ալ կտրելու ըլլաք»<sup>18</sup>:

լեաթի<sup>13</sup> ու հայոց ցեղասպանության մնացած կազմակերպիչների<sup>14</sup> սպանությունների նկատմամբ: Այս կապակցությամբ կարևոր մի քանի հանգամանքի վրա պետք է ուշադրություն դարձնել:

• Թե՛ Վահե Իհսանի, թե՛ Սայիդ Հալիմի, թե՛ Մեհմեդ Թալեաթի սպանությունների մասին գրելիս կամ թուրքական ու արտասահմանյան մամուլի օրգաններից թարգմանաբար կոլորտ տպագրելիս «Ճակատամարտը», «Ժողովուրդի ձայնը-Ժամանակը», «Վերջին յուրը» թեև արտահայտում էին զուտ իրենց խմբագրությունների կամ համակիրների կարծիքն ու մոտեցումները, բայց դրանք ներկայացնում էին որպես ողջ հայության տեսակետներ, քանի որ այդ մարդասպան ձեռնարկներն անմիջականորեն կապված էին Հայոց ցեղասպանության կազմակերպման, ծրագրման և իրագործման հետ:

• Պարբերականների հեղինակների մտքով հավանաբար չէր անցնում (բացառությամբ «Ճակատամարտի»), որ այդ սպանությունները կատարվում էին «Սեմեախ» գործողության շրջանակում, և ամենին պատահական չէին ընտրված գոհերը:

• Երեք օրաթերթն էլ միակարծիք էին այն հարցում, որ Սայիդ Հալիմի և Մեհմեդ Թալեաթի սպանությունները իրականացնող անձինք անմեղ էին, որ նրանք, ըստ էության, ի կատար էին ածել 1918 թվականի հոկտեմբերի 30-ին կնքված Մոդրուսի զինադադարից հետո օսմանյան ռազմական դատարանի կողմից երիտթուրքական պարագլուխների համար կայացված մահվան դատավճիռները<sup>15</sup>:

Ուշադրություն է գրավում այն հանգամանքը, որ Վահե Իհսանի սպանության մասին յուրերում վերոհիշյալ պարբերականները չէին անդրադառնում նրան գնդակահարողի ազգային պատկանելության հարցին, այնինչ Սայիդ Հալիմի և Մեհմեդ Թալեաթի սպանությունների դեպքում արդեն պարբերաբար

«Վերջին յուր» պարբերականում Հովհաննես Ասատը գրում էր. «Երբ իմացա վայրագ տիքթաթորին սպանութիւնը, անմիջապէս խորհեցայ, որ շանթահարիչ ձեռքը միմիայն վշտահար հայու մը վրէժխնդիր ձեռքը կրնար ըլլայ»<sup>19</sup>: Նա վստահեցնում էր ընթերցողներին, որ Թալեաթի ոճրակից ընկերները շարունակ պետք է շրջվեին՝ «տեսնելու համար մօտենալը վերահաս Արդարութեան ստրին, որ մութին մէջ կը շողողայ»<sup>20</sup>: Հեղինակը չէր անդրադարձել Սողոմոն Թեփլիբյանի կյանքին, քանի որ գտնում էր, թե այդ արդար պատժիչ ձեռնարկը ուրիշ հայեր նույնպես երագում էին ի կատար ածել: Նա վկայակցում էր ընկերոջ հետևյալ խոսքերը. «Գաատացի բարեկամ մը ունիմ, որուն բոլոր ազգականները տարագրուած ու մեռած են, միտքը դրած է Թալեաթ սպաննել, և կ'ընէ, որովհետև վիշտն գրեթէ խենդի պէս եղած է»<sup>21</sup>:

«Ճակատամարտ» օրաթերթը 1921 թվականի մարտի 18-ի համարում տպագրել էր Բեռլինից ստացած երկու հեռագիր, որոնցում մանրամասներ էին հարդրվում Թալեաթի սպանության մասին<sup>22</sup>: «Իր սպաննիչը հայ ուսանող մըն է՝ Սողոմոն Թեփլիբյան անունով, 24 տարեկան... Սպաննիչը չարաչար կերպով խոշտանգուեցաւ ամբոխին կողմ: Համառօտակի հարցաքննուելով՝ յայտարարեց. «Թալեաթ փաշան սպաննեցի՝ վրէժը առնելու համար իմ ծնողքիս, որ սպաննուեցան իր հրամանովը... Պերլին եկած էի զայն սպաննելու վճռական դիտարկութեամբ»<sup>23</sup>, կարդում ենք դրանցից մեկում: Նույն համարում «Օրը օրին» խորագրի ներքո Երվանդ Օտյանը գրում էր, որ Թալեաթի կամ Էսվերի սպանությունները «վրէժխնդրական որևէ յագեցում չեն տար մեզի, գիտնալով հանդերձ, որ այդ երկու չարագործները պատասխանատուութեան մեծ բաժին մը ունեցած են հայաջինջ սարսափներուն մէջ... Մէկ միլիոնէ աւելի կիներու, մանուկներու և ծերերու բռնաբարումը, բնաջնջումը և սպանութիւնը, ամբողջ ժողովուրդի



մը թախան ու կողոպուտը վերագրել մեկ քանի տասնեակ արհեստագործ դիտարկներու և զանոնք պատժելով՝ արդարութիւնը գործադրուած նկատելը անտուագն ծիծաղելի պիտի ըլլար և բնա պիտի չհամապատասխանէր գործուած ահաուր ոճիրին մեծութեան»<sup>24</sup>:

«Ճակատամարտը» համամիտ էր ֆրանսիացի լրագրող Օգյուստ Կովէի արտահայտած մտքերի հետ, որոնք նա ներկայացրել էր ֆրանսիական թերթերի մեկում: Նյութը թարգմանաբար տպագրվել էր «Ճակատամարտում»: Հեղինակը գեղեցիկ մահ էր համարում Թալէաթի վախճանը, թէն կարծում էր, որ դա քիչ էր նրա համար: Նա դա հիմնավորում էր հետևյալ կերպ. «Թալէաթը մեկուկէ միլիոն հայերու բնացնչման հրաման տուողն է: Անտարակոյս, իբրև հաւանող և մեղսակից ունեցած է Իթթիհատի կառավարութեան և քովի թէլիս միւս անդամները և գերման դեսպանատունը: Առանձին չէր գործեր... Որոշած էր ճնշել հայկական խնդիրը կայսրութեան մէջէն՝ հայերը բնացնելով... Ան անձնատուր եղաւ համիսլամական և թուրանական քաղաքականութեան»<sup>25</sup>:


Պոլսահայ վերոհիշյալ պարբերականները իրենց հրապարակումների մեջ տեղ էին հատկացրել նաև Սողոմոն Թեհլիրյանի դատավարությանը<sup>26</sup>: Դրանցում, բնականաբար, հավատ կար եվրոպական արդարադատության նկատմամբ: Պարզ է, որ Թեհլիրյանի արդարացումը դատարանի կողմից և 1921 թվականի հունիսի 4-ին նրա ազատ արձակումը ցնծության առիթ էր ոչ միայն այս թերթերի խմբագրությունների աշխատակիցների, այլև աշխարհասփյուռ հայության համար: Տեղին է մեջբերել հետևյալ հատվածը «Վերջին լուր» օրաթերթից. «Մենք կը սպասէինք այս վճիռին, քանի որ... Թուրքիա գտնուող բազմաթիւ գերման սպաներ

ու քաղաքացիներ այցովին տեսած էին անլուր խժոժութիւնները, և երբ զոհերէն մին, հրազէնը բարձրացնելով, իր կորսուած ընտանիքին վրէժը լուծեց ամբողջ ազգի մը ջարդարարէն, Պերլինի դատատուրները չէին կրնար արդարութեան շեղիլ՝ դատապարտելով Աստուծոյ կողմէ գինուած այդ մարդը, որ կուգար միջոցն ըլլալ թէ՛ մարդկութեան և թէ՛ իր կառավարութեան կողմէ վճռուած մահապարտի մը պատիժին գործադրութեան»<sup>27</sup> Ընդ որում, հատկապէս նշվում էր, որ Թալէաթը, թէն «մարդկութեան առջև արդէն դատապարտեալ մըն էր իբր հայոց մեծագոյն ոճրագործներէն մին»<sup>28</sup>, բայց նա նաև մահվան էր դատապարտվել Օսմանյան կայսրության դատարանի կողմից:

«Ճակատամարտ» օրաթերթում Սողոմոն Թեհլիրյանի դատավարության մասին առաջին թղթակցություններից մեկում նույնպէս մեջբերել էին ընդհանուր դատախազի այն խոսքերը, թէ «սոր թուրք կառավարութեան կողմէ Թալէաթ մահուան դատապարտուած էր»<sup>29</sup>: Տպագրել էին նաև դատավարության սղագրությունից կարևոր հատվածներ: Դրանց մեջ կարևոր էր մասնավորապէս Թեհլիրյանի պատասխանն այն հարցին, թէ չգիտե՞իր, որ գերմանական օրենքով արգելված է մարդասպանությունը: Նա իրեն մեղավոր չէր համարել. «Ես մարդասպան մը չեմ»<sup>30</sup>: Իսկ հայկական մամուլն ու հայ ժողովուրդը նրան առ այսօր հերոս է համարում, հերոս, ում նմանների շնորհիվ հայությունը գլխահակ չի կանգնում իրեն հայրենիքի մեծ մասից ժամանակավորապէս զրկած, իր բազմահազար ազգակիցներին կոտորած թուրք հանրային առաջ:

Նման հայորդիների շարքում է նաև «Նեմեսիս» գործողության մեջ ընդգրկված անվտեղ վրիժառու Արշավիր Շիրակյանը: 1920 թվականի մարտի 27-ին Կ.Պոլսում Վահե Իսահանյան մահապատժի ենթարկելուց հետո նա 1921 թվականի դեկտեմբերի 5-ին գնդակահարում է Հռոմում թաքնվող Սայիդ Հալիմ փաշային: «Վերջին լուր» համառոտ ներկայացնելով թուրքական թերթերի տեսակետներն այս դեպքի առիթով՝ նաև իր կարծիքն էր հայտնում թուրքական իշխանությունների հակահայ քաղաքականության մասին<sup>31</sup>: Այդ թերթերից մեկը գրում էր. «Հալիմ փաշայի սպանութեամբ մեկ տարուան մեջ երկու եպարքոս վրէժխնդրութեան գոհ կ'երթան: Նախկին եպարքոս Թալէաթ փաշայ ալ Պերլինի մեջ Թեհլիրեանի կողմէ նահատակուեցաւ, և գերման երդուեալները անպարտ արձակեցին զայն... Հայ մըն է սպաննիչը»<sup>32</sup>: Մեկ այլ թուրքական պարբերականից թարգմանված թղթակցության մեջ հայ վրիժառուներին մեղադրում էին արևմտահայերի տարագրությանը և ջարդերին իբրև թէ անմասն մնացած Սայիդ Հալիմի սպանության համար<sup>33</sup>: Սպանված նախկին վարչապետի տղան՝ Հալիմ Սայիդը, թուրքական մամուլին հայտնել էր. «Անկասկած ոճրագործը հայ քովի թէլիսներուն մեկ գործիքն է: Ոճիրէն անմիջապէս յետոյ հայերէն թերթերը կը պնդէին, որ Սայիտ Հալիմ տեղահանութեան և ջարդի մեղսակից է: Իսկ յետոյ ելան գրեցին, թէ ասպարէզէլ քաշուած եգիպտացի իշխան մը սպաննելու չափ անխելք հայ մը չի կրնար գտնուիլ: Այս





վիճակը ուշագրավ է: Հայ թերթերը մինչև առաջ հայրս կ'ամբաստանեին, որպէսզի ճորագործը արդարացնեն, ետքը, երբ ան չի ձերբակալուեցաւ, սկսան գրել, թէ հայ չէ»<sup>34</sup>:

«Վերջին լուրն» այս ամենին այսպես էր արձագանքում. «Մենք ձանձրացանք պատասխանել թուրք թերթերու հակահայ հրատարակութեանց, որոնք կը թողատրուին զարմանալի մտայնութեամբ մը: Ուրախ ենք մատնանշելով, թէ ի՛նչպէս այսքան աղէտներէ ետք թուրք թերթերը կը համարձակին տակաւին պաշտպանել և արդարացնել տեղահանութեան և հետևաբար ջարդի քաղաքականութիւնը»<sup>35</sup>: Համարներից մեկում թարգմանաբար տպագրել էր իտալական մամուլի անդրադարձը Մայիկ Հալիմի սպանութեանը<sup>36</sup>: Դրանում վերլուծելով տեղի ունեցածը՝ եզրակացվում էր, թէ սպանությունը «մանրամասնօրէն կազմակերպուած էր և չէր կրնար սեպիլ անհատական արարք մը»<sup>37</sup>: Իտալացի լրագրողները կարծում էին, որ «իսկապէս ճարտարօրէն կատարուած մահապորձ մըն է ասիկա»<sup>38</sup>:

Իր հերթին «Ժողովուրդի ձայնը-Ժամանակ» օրաթերթը, թարգմանաբար տպագրելով մայրաքաղաքի թուրքական թերթերի արձագանքը Մայիկ Հալիմի սպանությանը՝ առանց մեկնաբանության ներկայացնում էր դրանց տեսակետն առ այն, որ այդ ձեռնարկը «հայ գաղտնի ընկերութեան մը անդամներուն գործն է»<sup>39</sup>: Թուրքական թերթերը մտածում էին, որ «Էնվէր և Ճէմալ փաշաներն ալ այդ կերպով պիտի սպաննուին, ինչ-որ այդպիսի ընկերութեան մը գոյությունը իրապէս կ'սպացուցանէ»<sup>40</sup>:

«Ճակատամարտ» օրաթերթը բավական հանգամանորեն էր լուսարձակել Մայիկ Հալիմի սպանության հանգամանքները՝ ասես փորձելով խճճել պատժիչ գործողությունը կատարած անձի փնտրտութները: Մեջբերում էր իտալական թերթերից մեկի հրապարակումից մեկ հատված, որում արվել էր

«ենթադրություն մը, որ բաական հիմնատը կը թուի, այն է, թէ Սաիտ Հալիմ փաշայի սպանությունը կազմակերպուած է Ժընէվի Հայ հայրենասէլներու կոմիտէին կողմէ»<sup>41</sup>: Հանդես էր գալիս նաև «մադթանքով». «Մենք կը մադթենք, որ գտնուի վերջապէս առաջնորդող թելը, որովհետև ոճրագործությունը, մանաւանդ իր քաղաքական հանգամանքով, պէտք չէ, որ անպատիժ մնայ»<sup>42</sup>:

«Ճակատամարտը» ներկայացրել էր թուրքական շրջանակներում շրջանառվող «սև ցանկի» ոչ պաշտոնական վարկածը, որն արտահայտված էր թուրքական մամուլում մասնավորապէս՝ 1922 թվականի ապրիլի 17-ին Բեռլինում Արշավիր Շիրակյանի և Արամ Երկանյանի կողմից Ջեմալ Ազմիի և Բեհաեդդին Շաքիրի սպանություններից հետո: Թարգմանաբար տպագրված այդ թղթակցության մեջ թուրք լրագրողը, անդրադառնալով Թալեթ և Մայիկ Հալիմ փաշաների, Բեհրուջ խան Ջիվանշիրի սպանություններին, նշում էր. «Այս ոճիրներուն շարունակությունը և յաջորդականությունը այլևս ոչ մէկ կասկած կը թողուն, թէ կազմակերպուած և կանոնաւոր ծրագրով մարմին մը գոյություն ունի: Սաիտ փաշայի սպանութենէն ետք «Պոսթօր» խօսած էր սև ցանկի մը մասին, որուն մէջ յիշուած էին նաև Պէհաէտտին Շաքիր և Ճէմալ Ազմի պէլերու անունները»<sup>43</sup>: Առաջարկում էր նաև ամեն կերպ նպաստել թուրքական պետության անկախությանը և անձեռնմխելիությանը, որպէսզի կարողանային դէմն անել նախկին «անմեղ»<sup>44</sup> բարձրաստիճան պաշտոնյաների նկատմամբ իրականացված «հանցագործությունների»<sup>45</sup>:

«Ժողովուրդի ձայնը-Ժամանակ» օրաթերթը նույն սպանությունների առիթով նույնպէս ներկայացնում էր թուրքական մամուլի օրգանների արձագանքը, որոնք Ջեմալ Ազմիին և մյուս սպանվածներին համարում էին նահատակներ, հայրենիքին ծառայած նվիրյալներ ու անմեղ զոհեր<sup>46</sup>: Սպանությունը կատարած երկու անձանց, որոնք խոյս էին տվել ոստիկանների հետապնդումից, հայ էին համարում թէ՛ թուրքական թերթերը, թէ՛ Բեռլինի ոստիկանությունը: Հետաքրքիրն այն էր, որ ականա ընդունում էին սպանվածների մեղավոր լինելը հայության առջև, գրելով, թէ նրանք իբրև թէ խաղաղության վերջնական պայմանագրի կնքվելուց հետո պէտք է վերադառնային Կ.Պոլիս՝ «թուրք արդար դատարանի մը առջև տալու համար պատերազմի ընթացքին իրենց գործունէութեան հաշիւը»<sup>47</sup>:

«Վերջին լուր» օրաթերթի սեփական թղթակիցը Բեռլինից մանրամասներ էր հաղորդում կատարվածի մասին՝ պատկերացում տալով հասարակական կարծիքի մասին, որի համաձայն՝ այս սպանության ձեռնարկները հայերի վրեժի արտահայտություն էին: Մասնավորապէս այդ թղթակցության մեջ կարդում ենք հետևյալը. «Ոստիկանությունը և Պերլինի ամբողջ մամուլը միաձայնութեամբ կը յայտարարեն, որ ինչպէս ասկէ առաջ Թալեթ, այս անգամ ալ անկասկած այս երկու թուրքերը վրիժառուութեան զոհեր են, որովհետև ասոնք ալ հայկական տարագրութեանց և ջարդերու մէջ առաջնակարգ դեր մը կատարած են»<sup>48</sup>:

1922 թվականի կեսին պոլսահայ պարբերական-



ներն ավելի զգուշավոր էին դարձել երիտթուրքական պարագլուխների սպանությունների թեմային անդրադառնալիս: Պատճառներն առավել քան հասկանալի էին: Աշխարհաքաղաքական նոր հազամանքներն էին ստիպում աշխարհասփյուռ հայությանը, այդ թվում՝ Թուրքիայում դեռևս մնացած հայերին, ավելի չափավոր լինել իրենց քաղաքական պահանջների մեջ: Թվարկենք այդ պատճառներից հիմնականները. քեմալականների վերջնական հաղթանակ, Հայաստանի խորհրդայնացում և խորհրդային կայսրապետության կայացում, Հայկական հարցի լուծման հետ կապվող հույսերի նվազում:

Բնական էր այն ինքնապաշտպանական մղումը, որով պոլսահայ վերոնշյալ պարբերականները գրում էին 1922 թվականի հուլիսի 21-ին Թիֆլիսում Մտեփան Ծաղիկյանի, Պետրոս Տեր-Պողոսյանի և Արտաշես Գևորգյանի կողմից<sup>49</sup> «Նեմեսիս» գոհերից Ահմեդ Ջեմալի<sup>50</sup> սպանության մասին: Երեք օրաթերթն էլ դա վերագրում էին ոչ թե հայ վրիժառուներին, այլ խորհրդային իշխանությունների կողմից ուղարկված մարդասպաններին: Այդ ժամանակահատվածում, ինչպես վկայում էին պարբերականների հրապարակումները, խորհրդային իշխանությունները պայքարում էին իրենց համախառնական ընդհանուր ընդվզման դեմ, և այդ ծիրում նաև Էնվեր ու Ջեմալ փաշաների գործունեությունն էր նրանց անհանգստացնում: Ահա թե ինչ էր թարգմանաբար արտատպել Կ.Պոլսում հրատարակվող թուրքական թերթերից «Վերջին լուրը». «Շատ կարելի է, որ Ճեմալ սպանումը ըլլայ Իսլամական միության թշնամի քոմիտեի անդամի մը կողմէ: Կը թուի, թէ այդ քոմիտեն շատ կը վախճար, որ Ճեմալ Աֆղանիսթանի մէջ կը խաղայ այն դերը, զոր կը խաղայ Էնվեր Պոլսարայի մէջ: Եթէ այս լուրը ճիշդ է, սպաննիչին անձը բնաւ կարևորութիւն չունի: Այս պարագային անհկա Սովիեթներու մէկ գործիքն է միայն»<sup>51</sup>: Գրեթէ նման եզրակացությամբ նյութ կար «Ժողովուրդի ձայնը-Ժամանակ» օրաթերթում<sup>52</sup>: «Ճակատամարտը» ևս համակարծիք էր. «Կ'ըսուի, թէ Սովիեթներու կողմէ մասնատր մարմին մը խիստ կերպով կը հետապնդէ համաթուրանականութեան առաջնորդները»<sup>53</sup>: Տպագրել էր նաև թուրքական թերթերի տեսակետներն այդ սպանության վերաբերյալ: Ըստ թուրք լրագրողների կարծիքի՝ հայերն էին վրեժ լուծել Ահմեդ Ջեմալից. «Գալով հայերէն թերթերուն՝ անոնք անելի շատ կը զբաղին ոճրագործով և սպանութիւնը կը վերագրեն պոլշեիկներուն: Բացայայտ է, թէ ասիկա որքան անիմաստ է...Նկատելով, որ Իթթիհատի ղեկավարները մէկիկ-մէկիկ սպաննուած են հայերու կողմէ՝ կարելի է վճռել, որ Ճեմալ փաշա ևս զոհ եղած է հայերու յիսակալութեան և վրեժին»<sup>54</sup>:

«Ժողովուրդի Ձայնը-Ժամանակ» օրաթերթում թարգմանաբար թուրքական մամուլից մեջբերված հատվածներում բացահայտ սպառնալիք կար՝ ուղղված այդ սև շարքի շարունակվող ձեռնարկների հեղինակ հայ գաղափարական խմբակի անդամների և հանձինս նրանց՝ հայ ժողովրդի հասցեին: Դրանցից մեկում կարդում ենք. «Այս մահափորձերը նոր խնորումներ, նոր ջղաձգություններ, նոր պայքարներ պի-

տի հրաւիրեն...Այսպիսի քաղաքական ու ցեղային դէպքերու ուրիշ մէկ երևոյթն այ պէտք է նկատողութենէ չհեռացնել. տրամաբանական է, որ ամէն գործ իր հակազդեցութիւնը կ'ունենայ: Հետևաբար վախ կայ, որ Պաքուի կամ Պերլինի մէջ մարդ սպանողներուն պատիժը ուրիշ անմեղներ կրեն»<sup>55</sup>: Թուրք լրագրողները պահանջում էին, որ օրենքի առաջ պատասխան տային թուրք պետական ու կուսակցական գործիչներին սպանող հայերը՝ մոռանալով, որ միլիոնից ավել հայ էր դաժանաբար սպանվել, հազարավորներն էլ բռնի տեղահանվել էին հայրենի երկրից, հայրենագրվել էին ու անվերադարձ վտարվել հարազատ եզերքից՝ հայոց հայրենիքի տարածքներում թուրքական պետության պահպանման մոլուցքին և մարդկության դեմ ուղղված ցեղասպանության հանցագործությանը զոհ գնալով:

Ամփոփելով մեր ուսումնասիրության արդյունքները՝ կարող ենք փաստել հետևյալը:

- «Նեմեսիս» գործողությունը մնաց կիսատ, բայց Մեծ եղեռնի գլխավոր պատասխանատուների ոչնչացումը կարծես վերահաստատեց հայ ժողովրդի հանդեպ իրականացված ոճրագործության կազմակերպիչների նկատմամբ արդար դատի անհրաժեշտությունը: Դրանք, ինչպես Հրաչ Տասնապետյանն է իրավացիորեն բնորոշել, հայության երեսից սրբել են «ոչխարային համակերպութեամբ դէպի սպանդանոց քալած ըլլալու ամոթանքը»<sup>56</sup>:

- Օսմանյան Թուրքիայի մայրաքաղաքում հրատարակված պոլսահայ բարձր վարկանիշ ունեցող ռամկավարների ոչ պաշտոնական գաղափարախոս «Ժողովուրդի ձայնը-Ժամանակ», չեզոք «Վերջին լուր» և ՀՅԴ ոչ պաշտոնական օրգան «Ճակատամարտ» օրաթերթերն անդրադարձել էին «Նեմեսիս» գործողության գրեթե բոլոր առանցքային ձեռնարկներին հիմնականում լուրի և թղթակցության միջոցով: Չէին նշել, թե ինչ կառույցի նախաձեռնությամբ էին դրանք կյանքի կոչվել, քանի որ բացի վերջին պարբերականից՝ մյուսները հնարավոր է, որ չէին իմանում բուն կազմակերպիչ կառույցի անունը:

- Վերոհիշյալ թերթերն այդ ձեռնարկները համարել էին ոչ թե մարդասպանություն, այլ հայոց Մեծ եղեռնի կազմակերպիչների արդար պատիժ, որի համար հայ վրիժառուները չպետք է ենթարկվեին պատասխանատվության օրենքի առաջ, քանզի նրանք վրեժից բացի՝ իրագործել էին օսմանյան ռազմական դատարանի կողմից այդ մարդասպանների նկատմամբ կայացված մահապատժի դատավճիռները: Պարբերականների հրապարակումները նաև վկայում էին, որ հենց նման կերպ էր հայ հանրությունն ընկալել Թալեաթի ու նրա գործընկերների սպանությունը:

- Պարբերականների նյութերում որպես հերոս էին ներկայացվել Թալեաթի և մյուսների մահվան դատավճիռներն իրականացրած հայորդիները, որոնք ոչ միայն անձնական վրեժ էին լուծել, այլև կարծես դարձել էին հայրենագրված ու ցեղասպանված մի ողջ ժողովրդի օրհնությամբ նրանց վերջին պատգամն իրականացրած անձինք: ■

Հղումներ

1. Հակոբյան Ա., «Հայկական «Նեմեսիս» գործողության մեջ» (տե՛ս՝ «Հայոց պատմություն», հ.4, գ.1, Ե., 2010, «Զանգակ-97», էջ 233):
2. Նշվ. աշխ., էջ 233-234:
3. «Ճակատամարտ» համարվում է 1909-1915 թվականներին Կ.Պոլսում լույս տեսած ՀՅԴ Արևմտյան բյուրոյի «Ազատամարտ» պաշտոնաթերթի իրավահաջորդը, թեև հրատարակվել է արդեն որպես ՀՅԴ ոչ պաշտոնական մամուլի օրգան:
4. Դավաճան Վահե Բհասնին (Եսայանին) 1920 թվականի մարտի 27-ին Կ.Պոլսում սպանել է Արշավիր Շիրակյանը:
5. Stn՝ uhttps://hy.wikipedia.org/wiki/%D5%86%D5%A5%D5%B4%D5%A5%D5%BD%D5%AB%D5%BD\_%D5%A3%D5%B8%D6%80%D5%AE%D5%B8%D5%B2%D5%B8%D6%82%D5%A9%D5%B5%D5%B8%D6%82%D5%B6 (Մուտք՝ 05.02.2023): Մելքոնյան Անի, «Դավաճանները հայոց պատմության մեջ» Stn՝ uhttps://horizonweekly.ca/en/%D5%A4%D5%A1%D6%82%D5%A1%D5%B3%D5%A1%D5%B6%D5%B6%D5%A5%D6%80%D5%A8-%D5%B0%D5%A1%D5%B5%D5%B8%D6%81-%D5%BA%D5%A1%D5%BF%D5%B4%D5%B8%D6%82%D5%A9%D5%A5%D5%A1%D5%B6-%D5%B4%D5%A7%D5%BB/ (Մուտք՝ 05.02.2023):
6. «Ճակատամարտ», Կ.Պոլիս, 1920, թիվ 415, թիվ 416:
7. Նույն տեղում, 1920, թիվ 415 («Վահե Բհասն սպանված»):
8. Նույն տեղում, 1920, թիվ 416:
9. «Ճակատամարտ» այս կեցվածքը հասկանալի է այսօր, քանի որ վերջին տարիներին վերհանված արխիվային փաստաթղթերից և արված ուսումնասիրություններից պարզվել է, որ այս օրաթերթի խմբագրատունը «Նեմեսիսի» կազմակերպչական ընդհատակյա կենտրոնատեղիներից մեկն է եղել՝ Բոստոնում հրատարակվող «Հայրենիք» պարբերականի խմբագրության հետ (տե՛ս՝ Խանտույան Գ., «Մոռումն թեմեղիցանը և «Նեմեսիս» գործողությունը» («Վեմ», Ե., 2019, թիվ 4 (68), էջ 67): Բնական է, որ Օսմանյան կայսրության մայրաքաղաքում տպագրվող «Ճակատամարտ» պետք է չափազանց զգույշ լիներ «Նեմեսիս» գործողության ձեռնարկներին անդրադառնալիս, որպեսզի թուրքական հատուկ ծառայությունների թիրախում չհայտվեր և հանկարծ չբացահայտվեր բուն ծրագիրը:
10. Նույն տեղում:
11. Նույն տեղում:
12. Սայիդ Հալիմը 1913-1918 թթ. Օսմանյան կայսրության վարչապետն էր, եղել է նաև «Միություն և առաջադիմություն» կուսակցության գլխավոր քարտուղարը: Տե՛ս՝ u http://www.armeniansgenocide-am.armin.am/am/Encyclopedia\_Of\_armenian\_genocide\_said\_halim (Մուտք՝ 04.02.2023): Տե՛ս՝ u «Հայկական հարց» հանրագիտարան, Ե., 1996, «Հակոբ Մելքայարտ» տպագրատուն, էջ 397:
13. Մեհմեդ Թալեթը 1918 թվականին եղել է Օսմանյան կայսրության վարչապետն ու «Միություն և առաջադիմություն» կուսակցության Կենտրոնական կոմիտեի նախագահը, մինչ այդ ներքին գործերի, փոստի և հեռագրության նախարարն էր, ինչպես նաև Հայոց ցեղասպանության կազմակերպիչների եռյակում էր Իսմայիլ Էնվերի ու Մեհմեդ Ջեմալի հետ (տե՛ս՝ u «Հայկական հարց» հանրագիտարան, նշվ. աշխ., էջ 137):
14. Արամ Երկանյանը Թիֆլիսում 1920 թվականի հունիսի 19-ին գնդակահարում է Ֆաթալի խան Խոյսկուն, իսկ 1921 թվականի հուլիսի 19-ին Միսաք Թողաքյանը Կ.Պոլսում սպանում է Բեյբուդ խան Ջիվանջիբին: Նրանցից առաջինը 1918 թվականի սեպտեմբերին Բաքվում և 1920 թվականի մարտին Շուշիում հայերի կոտորածների կազմակերպիչն էր, իսկ երկրորդը Բաքվի հիշյալ ջարդերի ծրագրողներից էր (տե՛ս՝ u Հակոբյան Ա., նշվ. աշխ., էջ 234, 235): Վրեժխնդրության այս ձեռնարկների մասին պոլսահայ պարբերականների էջերում հանգամանակից անդրադարձի չհանդիպեցինք մեր ուսումնասիրության ընթացքում:
15. «Ժողովրդային Հանրապետության պատմություն», Ե., 2018, «ՎՄԱ-պրինտ», էջ 16:
16. «Ժողովուրդի ձայնը-Ժամանակ», Կ.Պոլիս, 1921, թիվ 4051 («Վրեժխնդ»):
17. Նույն տեղում:
18. Նույն տեղում:
19. «Վերջին լույս», Կ.Պոլիս, 1921, թիվ 2132 («Թալեթ»):
20. Նույն տեղում:
21. Նույն տեղում:
22. «Ճակատամարտ», Կ.Պոլիս, 1921, թիվ 708 («Թալեթ փառայի սպանությունը հայ ուսանողի մը կողմն»):
23. Նույն տեղում:
24. Նույն տեղում («Թալեթի սպանությունը»):
25. Նույն տեղում, թիվ 712 («Գեղեցիկ մահ մըն է դարձյալ իրեն համար»):
26. Պետք է նկատի ունենալ, որ «Ժողովուրդի ձայնը-Ժամանակ» օրաթերթը, թեև հերոս էր համարել Սողոմոն Թեմիլիյանին (տե՛ս՝ u «Ճակատամարտ», Կ.Պոլիս, 1921, թիվ 4120), բայց թողցիկ էր անդրադարձել նրա դատավարությանը:
27. «Վերջին լույս», Կ.Պոլիս, 1921, թիվ 2195 («Թեմիլիյան ազատ արձակվեցավ»):
28. Նույն տեղում:
29. «Ճակատամարտ», Կ.Պոլիս, 1921, թիվ 774 («Դատավարությունը սկսած»):
30. Նույն տեղում:
31. «Վերջին լույս», Կ.Պոլիս, 1921, թիվ 2357 («Ժողովուրդը հայոց կվերագրեն մահափորձը»):
32. Նույն տեղում:
33. Նույն տեղում:
34. Նույն տեղում, 1921, թիվ 2371 («Սայիդ Հալիմի դիակը Պոլիս պիտի բերվի»):
35. Նույն տեղում, 1921, թիվ 2357 («Ժողովուրդը հայոց կվերագրեն մահափորձը»):
36. Նույն տեղում, 1921, թիվ 2362 («Սպանությունը կազմակերպված էր լայն սահմանի մեջ»):
37. Նույն տեղում:
38. Նույն տեղում:
39. «Ժողովուրդի ձայնը-Ժամանակ», 1921, թիվ 4260 («Սայիդ Հալիմ փառայի սպանության շուրջ»):
40. Նույն տեղում:
41. «Ճակատամարտ», Կ.Պոլիս, 1921, թիվ 946 («Ինչ կ'ընեն իտալական թերթերը Սայիդ Հալիմի սպանության և սպանիչի մասին»):
42. Նույն տեղում:
43. Նույն տեղում, 1922, թիվ 2864 (Սպանությունը և թուրք մամուլը):
44. Նույն տեղում:
45. Նույն տեղում:
46. «Ժողովուրդի ձայնը-Ժամանակ», Կ.Պոլիս, 1922, թիվ 4367 («Ժողովուրդն ողբուկոծը»):
47. Նույն տեղում:
48. «Վերջին լույս», Կ.Պոլիս, 1922, թիվ 2474 («Ձերբակալված հայերուն շուրջ»):
49. Հակոբյան Ա., նշվ. աշխ., էջ 236:
50. Ահմեդ Ջեմալը եղել է Օսմանյան կայսրության ծովային նախարար և երիտթուրքական իշխող եռյակի անդամ՝ Թալեթ և Էնվեր փառաների հետ (տե՛ս՝ u «Հայկական հարց» հանրագիտարան, նշվ. աշխ., էջ 382):
51. «Վերջին լույս», Կ.Պոլիս, 1922, թիվ 2551 («Ջեմալ փառայ կանսատե Մոսկվայի հրամանին պոլշիկները սպանել տվեր են գայն»):
52. «Ժողովուրդի ձայնը-Ժամանակ», Կ.Պոլիս, 1922, թիվ 4444 («Ջեմալ փառայի սպանության շուրջ»):
53. «Ճակատամարտ», Կ.Պոլիս, 1922, թիվ 2947 («Ջեմալ փառայ սպանված է բոլշևիկներու ձեռքով»):
54. Նույն տեղում, 1922, թիվ 2949 («Ջեմալ փառայի սպանության շուրջ»):
55. «Ժողովուրդի ձայնը-Ժամանակ», Կ.Պոլիս, 1922, թիվ 4443 («Ջեմալ փառայի սպանությունը»):
56. Տասնապետեան Հրաչ, «Հ Յ Դ հաշնակցությունը իր կազմութենն մինչև Բ Շ Նրի. ժողով (1890-1924)», Աթենք, 1988, «Դրոշակի» տպարան, էջ 163:

# Դարձ դէպի հայրենիք

(հեղինակ՝ Մարգար Շարապխանյան, Երևան, 2003)

Մարգարիտա Խաչատրյան  
Բանասիրական գիտությունների դոկտոր

*Եթե անասունն փրփրի երազը կարողացանք պահել,  
փնանենք՝ հիմա իրականությունը պիտի կարողանանք  
պահել:*  
Մովսէս Պապանյան

*Լաւ կատախարած երկրի մը մէջ տըրպարութիւնը բան մըն է,  
որմէ պէտք է ամէնանք: Գէշ կատախարած երկրի մը մէջ  
հարստութիւնը բան մըն է, որմէ պէտք է ամօք զգանք:  
Կոնֆուցիոս*

Այս հատորը Մարգար Շարապխանյանի 1977-2003 թթ. Հայաստան ինը այցելությունների, նրա հանդիպումների, ապրումների, խոհերի, ձեռքբերումների, կորուստների պատմությունն է:

Այդ ուղևորությունների ընթացքում հեղինակից անբաժան են եղել տիկին Էլիզը և համաշխարհային, հայ մշակույթի մեծերը...

Խորհրդային Հայաստանն ու Հայաստանի Հանրապետությունը պատմական իրողություններ են, որոնք հայ ժողովրդի համար եղել են դարերով երազած ԱՊԱԳԱ ու հիմա սփյուռքահայի ճակատագրի մատյանում դարձել են ՏՈՒՆ: Հեղինակը հեռու է ինքնախաբեությունից, տեսածը, կարդացածը, լսածը դիտարկում է «Հայաստան ամեն բանէ վեր» (Շավարշ Նարդունի, էջ 5) անխախտ սկզբունքով:

«Ազգովին ո՞ր կ'երթանք: Ո՞ր պիտի հասնիք այսպէս, քիչերուն հոգն է կարծես» (էջ 6),— սա Մարգար Շարապխանյան մարդու, հայի ամենամեծ մտահոգությունն է: Հեղինակի միտքն ու հոգին տագնապեցնող այս հարցը, դժբախտաբար, արդիական է նաև մեր օրերում՝ գրքի հրատարակությունից երեսուն տարի անց...

Մարգար Շարապխանյան հայը այս երեսուն տարիների՝ 1977-2003 թթ., եզրագծերում տեսնում է սաղմերն այն ապագային երևույթների, որոնք այսօր դրսևորվում են որպես քաղաքական ծրագիր... Հեղինակը պնդում է, որ իր գրքի էջերը պիտի դառնան «գալիք պայծառ օրերուն» առաջաբանը (էջ 10):

Տս՛ ԱՍՏՎԱԾ...

Բայց եկեք հեղինակի հետ անցնենք աշխարհի մի ծայրից մյուս ծայրը՝ ձգվող ճանապարհները, տեսնենք ծանոթ ու անծանոթ մարդկանց, լսենք գրողի մտորումները և փորձենք այս ամենից դուրս գալ նույնքան հուսավատ ու խանդավատ, որքան պարոն Մարգարը...

Երևան հասած ամեն սփյուռքահայ կամա թե ակամա ամենուրեք Արարատ է փնտրում, ու նրա գոյությունը մի քանի շաբաթով դառնում է մտովի կամ բարձրաձայն գրույց Լեռան հետ: Չեմ մոռանա լուսանկարների ամուսինների զարմանքը, երբ Մովսիսից վերադառնալիս ցույց տվեցի Արարատը... Օրեր շարունակ մայրաքաղաքում փնտրել ու չէին գտել, ու հիմա չգիտեին՝ հավատալի՞ն երջանկությանը,



թե՛ն չէ...

Ծանր խոհեր և լքվածության զգացումն են համակում սփյուռքահային, որը չի ուզում անհաղորդ մալ Հայրենիքի ու հայաստանաբնակների հոգսերին, երազում է ճակատը մաքրել «հինէն մնացած հընգատառ ու անպատկառ» բառից, «յուսալի հոգիներ» ու «տաք սրտեր» է փնտրում, չի գտնում, բայց չի կորցնում ապրելու և «մանաւանդ ապրեցնելու» հույսը: «Ակնարկդ կը սևեռես ձիւնափառ Արարատին: Կարծես վերջին յոյսդ ըլլար ան» (էջ 310):

Պարոն Մարգարի կենսագրության մեջ արձանագրված բացառիկ երջանիկ պահերից մեկն էլ սա է. «Արարատը կը պսպղայ իր ձիւնածածկ տեսքով: Պանդոկի մեր պատշգամբէն շատ յստակ կը տեսնուի ան: Երկուքով ուրախ տրամադրութիւններու մէջ ենք: Արարատը երբէք այսքան տիրապետող, այսքան մօտ ու այսքան հեռու չենք զգացած: Ապրումներու ժայռակոյտ մըն է արդարև այս լեռը» (էջ 159): Տարիներ անց Երևանում քնակարան գնելու նախապայմանը մեկն է՝ պատուհանից պիտի երևա Արարատը: «Միփոքրահայի անբուժելի հիւանդութիւն» (էջ 287):

Հայրենիքում նորությունն ազգային գաղափարախոսության տարածումն ու խորացումը չէ. «Նորութիւնը անձնասիրութիւնն է և ոչ թե՛ ազգակերտումը» (էջ 311): Հանրահայտ ճշմարտություն է՝ ժողովուրդները «չեն մահանար, այլ անձնասպան կ'ըլլան» (էջ 203): «Հայաստանի Հանրապետությունում նորան ալլանդակութիւններու ակնատեսը կ'ըլլաս» (էջ 309),— կարդում ես ու մի պահ տեղափոխվում մեր օրեր, բայց, դժբախտաբար, պատկերը կրկնվող է, այնինչ Գարեգին Նժդեհը (Գարեգին Տէր-Հարությունյան, 1886-1955) «Որդիների պայքարը հայրերի դէմ» (Մելանիկ, 1927) «լրջախոհ գործին մէջ» հայ երիտասարդներին




հորդորում է զգույշ լինել, քանի որ «Դավարների տակ հաճախ մահաթոյն օձ է թաքնուած լինում» (էջ 307):

Մարգար Շարապխանյան մարդը, հայը, գործիչը գիտի մի ճշմարտություն. «Երկիր կառավարելը բնատուր կոչում մըն է: Ժողովուրդիդ ու Հայրենիքիդ համար անսակարկ նուիրում մը» (էջ 312), — առանց որի երկիրն ու ժողովուրդը քայում են դեպի անդունդ: Սրան գումարվում է «օտարին կապկելու» (էջ 315) հին հիվանդությունը, և եզրակացություն. «Ամէն տեղ իշխողը դրամն է» (էջ 323):

Մարգար Շարապխանյանի «...Ազգովին մենք պատրաստ չէինք այս յեղաշրջման» (էջ 326) կասկած-եզրահանգումը դատն է, բայց երբ հետադարձ հայացք են նետում անկախության տասնամյակներին, հասկանում են՝ միակ ասպարեզը, որտեղ «հրաշագործել ենք», թալանն է՝ պարզ գողությունը դարձնելով իշխանության նշանաբան ու գործունեության ծրագիր: Դժբախտաբար հայոց հողի վրա շատ չեն ծնվում նվիրյալներ, բայց նվիրյալ ձևանալու արվեստը կատարելագործել ենք ու պարբերաբար իշխանություն ենք փոխում: Իրականում փոխում ենք թալանի ձևերն ու միջոցները՝ իշխանական լծակները փոխանցելով մի կեղտոտ ձեռքից մյուս անմաքուր թաթին...

Պատմության քառուղիներով «գնում է հայը՝ բողոքը ճակատին» (Էդուարդ Ակնունի՝ Խաչատուր Մալումյան, 1863-1915, «Դէպի Երկիր», 1911, Պոպոթն): Մարգար Շարապխանյանը Է. Ակնունու այս աշխատությունը երկրորդ անգամ հիշատակելիս (էջ 318-320) մեծ հատված է մեջբերում՝ փորձելով մեծ հայրենասերի՝ ժողովուրդ և Հայրենիք պաշտպանելու դասերը փոխանցել նոր սերունդներին: Մանավանդ դեռևս 1986-ին աշակերտների հետ Խորհրդային Հայաստան էր եկել այն խոր համոզումով, որ իր սաները՝ «դաշնակցականների ճուտիկները», կարող են իրենց հայրերի երկիրը գալ և «Իրենց նպաստը կը բերեն մեր ազգի բազմացման ու զարգացման... չեն գիտեր՝ ապագան ինչ ցոյց կու տայ» (էջ 60):

Անմոռանալի է այս պատկերը. 1977-ին Մարգար Շարապխանյանն առաջին անգամ Երևանում տեսավ հայ մուրացկանին (էջ 55): Համաստեղի (Համբարձում Կելենյան, 1895-1966) և Արամ Հայկազի (Չեքեմյան, 1900-1986) գրական ժառանգությունից գիտեմ՝ Խարբերդում, նաև Բարջանճ գյուղում և Շապին Գարահիսարում հայ մուրացկաններ չկային... Գրքի 141-րդ, 151-154-րդ, 244-րդ էջերում նկարագրված են մուրացող մեծահասակներ ու երեխաների մուրացիկության մի քանի դեպքեր... Մենք՝ հայաստանաբնակներս, անցել ենք այդ դժոխքով, հիմա էլ ապահովագրված չենք նման տեսարաններից: Շատ լավ են հասկանում գրքի հեղինակի զայրույթը և ցավը. օտարները հայի երկարած ձեռքի մեջ դրամ են դնում ու անցնում... Չուկ բռնել սովորելու փոխարեն վարժվեցինք ուրիշի բռնած ձուկն ուտելուն ու ազգովին հայտնվեցինք հոգեբանական, բարոյական, նաև շատ հմտորեն սարքած հոգևոր թակարդի մեջ՝ քիչ-քիչ կորցնելով մարդկային ու ազգային արժանապատվությունը, ձեռք բերեցինք աղանդավորի ԱՆՀԱՅՐԵՆԻՔ կեցվածք հենց մեր ՀՈՂԻ վրա...



Տիկին Էլիզը և Մարգար Շարապխանյանը

Մարգար Շարապխանյանի համար անցյալի հիշատակները թանկ են, բայց նա դժվարանում է հասկանալ «բոլշևիզմի կարօտախտով տառապողներին», որոնց անվանում է «յախտենական դժգոհները» (էջ 102): Շարապխանյանին դժվար է մեղադրել մեր խայտաբղետ իրականության կուսակցական և միակողմանի ընկալման մեջ, բայց դժվար, անգամ անհնար է կարծել, թե մեր երկրում կատարված փոփոխությունները միշտ տրամաբանական են եղել և ծառայել են առաջադիմությանը: Շատ լավ է այս հեռանկարը. «...Անպայման պիտի գայ օրը, երբ խղճմիտ ու հեռատես մարդիկ պիտի հայտնուին նաև Մեր Երկրին մեջ...» (էջ 223), բայց պայծառ ապագան դեռ շատ հեռու է մեր դատն իրականությունից: «Կ'ապրինք այս օրերուն ազատ կոչուած երկրին մեջ՝ առանց ազատութեան իմաստին ծանօթացած ըլլալու: Ու այս մէկը հայաստանաբնակ հայուն յատուկ չէ միայն» (էջ 145):

«Երևանցին կը սիրէ խօսիլ» (էջ 80), — արձանագրում է Մարգար Շարապխանյանը, — ում աչքից չեն վրիպում «ընկերային ու քաղաքական կեանքը հայացնելու մեծ ճիգը» և «ոգևորիչ երևույթները» (էջ 88): Թվարկեմ՝ Եռագույնը, «Մեր Հայրենիք»-ը, հեղափոխության առաջնորդի արձանները քանդելը, պայթեցնելը, մայրաքաղաքի ակնառու զարդերից մեկի՝ այդ արձանի պատվանդանի պայթեցումը և նման «ձեռքբերումներ...»: Այնինչ անցյալ չունեցող ժողովուրդները զրկվում են ներկայից ու ապագայից, պատմական հիշողությունն անցյալին վերադառնալու պարտադրանք չէ, այլ ինքնաճանաչման միջոց...

Կանադաբնակ ուսուցիչը «երջանիկ սերունդի»՝ սաների հետ տեսնում է մայր երկրի անկախացումը, բայց թարմ է «Առաջին հանրապետութիւնը կերտած ու տեսած» մարդկանց հուսախաբությունը:

Պատմությունը կրկնվում է:

ԱՅՈ՛՛:

Ու հիմա Մարգար Շարապխանյանը գուր է փորձում մտքում համատեղել «Հայաստանի հող, Հայաստանի զինանշան ու այս մեծ մայրիկը՝ հայերէն չխտտող իր թոռներուն» հետ (էջ 171), չէ՞ որ «Հայերէնով Ամերիկայի մեջ դրամ չես կրնար վաստկիլ» (էջ 170) չմեղանքը կա ու գործում է, ավելին՝ արդեն տարածվում է Մայր Հայրենիք ներկայացող Հայաստանի Հանրապետությունում:

Ճիշտ է, «Մեր սարերի նման տղերքը» (էջ 224), փառք ԱՍՏԾՈՆ, կան, կովում են, բայց «Տա-



բորինակությունների երկիր մըն է մեր երկիրը» (էջ 224)՝ հիասթափություններով ու խանդավառ ոգևորությամբ... Սարսափելի է այն երկրի ապագան, որտեղ «Սովորելը համարում են երկրորդական, անտեղի ու անիմաստ: Եթէ փող ունենան, բարձրագոյնն էլ կ'աւարտեն, լաւ գործ էլ կ'ունենան, լաւ կ'ապրեն և ամենակարևորը՝ դիրք ու «ճիւղ» կ'ունենան: «Ճիւղը» դարձել է անձի ուժի, խելքի և հարստութեան չափման միաւոր: Ահա՛ մեր ապագան...» (էջ 240):

Այսքանից հետո մնում է պարզապէս ասել՝ փանք ԱՍՏՕՌ, որ դեռ կան այս հողատարածքը իրենց երկիրը համարող մարդիկ, որոնք երկրի ՏԵՐ ու ԾԱՌԱ են. մեկն առանց մյուսի չի կարող գոյություն ունենալ: Ահա թե ինչու այսքան ծանր պատմական շրջան ապրելուց հետո ՀՈՂԱ (թելուզ վիրավոր ու մասնատված) կա: Ուրիշ հարց, որ հայի այս ՀԱՅ տեսակը, որպէս օրենք, անտեսված է: Սա՛ է հազար երանգ ունեցող ու այդպէս էլ անճանաչելի մնացած ՃՇՄԱՐՏՈՒԹՅՈՒՆԸ:

Բայց կա ազգային ողբերգության ևս մեկ ու չբացահայտված դրսևորում. Թարգմանչաց տոնը «Սփիւռքի մէջ է, որ իմաստ ունի: Մենք Սփիւռքի մէջ այսօր կ'ապրինք 4-րդ դարու ճգնաժամը: Կը կորսնցնենք գիր ու լեզու» (էջ 131):

Չեմ ուզում միջամտել, բայց նաև անգոր եմ լռել, տասնամյակներ շարունակ չափազանցքինք մեր մշակույթի դերը՝ այն համոզումով, որ մեր հզոր մշակույթը մեզ հայ կպահի աշխարհի չորս ծագերում: Չպահեց: Ավելին, մաս-մաս կորցրինք մշակույթը և հասանք մեր օրերին, երբ ՀՈՂԻ կորուստն ու հազարավոր պատանիների նահատակությունը դիտարկեցինք սովորական երևութ, չզայրացանք, չզարմացանք, չըմբոստացանք...

Ընթերցեք ու վերընթերցեք Համաստեղի «Այծետոմար» երգիծական պոեմը ու այսօր մեր ՀՈՂԻ ճակատագիրը տնօրինող բոլոր «հերոսներին» կտեսնեք իրական դեմքերով, կհասկանաք մեր երկրում պարբերաբար կրկնվող ողբերգության արմատը. ապրեցինք ու ապրում ենք վայրագ ցեղատեսակի կողքին, չճանաչեցինք նրա իսկական էությունը: Համաստեղի պոեմում էլ խաղաղության կոչ արեցին հարևաններին,

ու Չոր գյուղից մնացին միայն ավերակներ...

Միթե մենք ի վիճակի չենք մեր անցյալից դասեր քաղել...

Պատասխան չունեն:

Տաթևի վանքի սրբազան կամարների տակ ապրում են անցյալի հիշատակները, և սփյուռքահայն զգում է «հողի քաշողական անուրանալի ուժը» (էջ 95): Ընդգծում են անուրանալի բառը. ինչպէս եղավ, որ մենք՝ Տաթև պարբերաբար ուխտի գնացող հայաստանաբնակներս, կորցրինք այդ ուժի կենդանի զգացողությունը...

Չգիտեմ:

Առաջին հայացքից թվում է՝ Զանգեզուրը «տարբեր Հայաստան» է (էջ 93)՝ Գարեգին Նժդեհի ու Անդրանիկ Զորավարի (Օզանյան, 1865-1927) փառքով ճանաչված, բայց տեսե՛ք՝ ինչ է մտածում Խնձորեսկի անհույս աղքատությունը տեսած հայ մարդը: «Իմ տեսած ժողովուրդին կենսամակարդակը սակայն ինձի համար այդ գիշեր (և շատ մը ուրիշ գիշերներ) հակառակ ամէն օր հոգեպէս ուրախ զգացած ըլլալուս՝ ենթագիտակցութեանս մէջ երբէք չդադրեցաւ մտատանջ ընելէ: Զիս անհանդարտեցնող բան մը կար մթնոլորտին մէջ, որ կը կրծէր հոգիս:

Արդեօք ժողովուրդիս մէջ օտարական մը զգալու անպատուաբեր զգացումն էր: Վստահ չէի» (էջ 99-100):

1990-ի աշնանը Հայաստանի Հանրապետությունում, որտեղ «ազատ խօսքը, ազգային ոգին» (էջ 105) էին իշխում, գոնե Երևանի սահմաններում փոխվում են «օտարաբոյր անունները»: Դժվար է հավատալ, որ այդ տարիներին իբր թե կրթություն ստացած «հայերի» ոհմակն այսօր կարող է սահմանամերձ ու ոչ սահմանամերձ բազմաթիվ տարածքներ անվանել թուրքական վաղուց մոռացված անվանումներով, նվիրել թուրքին. 1990-ականների «հայամետ» իշխանության այս ժառանգները չեն էլ ամաչում թուրք անունը կրելուց:

Համոզված եմ՝ Մարգար Շարափասյանը, թելուզ և ոչ հստակ ձևակերպումով, Հայաստանի Հանրապետություն իր այցելությունների ընթացքում ավելի ու ավելի խորն է զգացել այն անդունդը, որի մէջ ենք հիմա ազգովին՝ անկախ բնակության վայրից: Ի պատիվ Մարգար Շարափասյանի՝ հավաստեմ՝ նա դեռևս 2003-ին արձանագրում էր, որ օտարամոլությունը, հատկապէս վարակի արագությամբ տարածվող «ճաշակէ գուրկ ամերիկեան բաները» վկայում են՝ ազատությունն ընկալել ենք որպէս «դոնբաց արտօնագիր մը», և «որ ամէն մարդ իր ուզածը ընէ՝ իր ուզած ու հասկցած ձևով» (էջ 117): Սա անբուժելի հիվանդություն է, ու ծերունի հայի ձևակերպումը ցավոտ է ու ցավի պես կենդանի. «Վստահ, Հայրենիքին համար մեռնողները աւելի երկար պիտի ապրեն մեզի նման մեղկ ապրողներից» (էջ 260): «Անցեալով հպարտացող ժողովուրդ մըն ենք մենք, կը սիրենք մեռելներով ոգևորուիլ, տուն կանչել, իսկ ողջերը հապա» (էջ 220): Հարցի պատասխանը մեկն է՝ Հայրենիք կառուցելու համար պետք է հրաժարվել «քաղաքական ապիկարությունից», «ազգային անմիաբանությունից» (էջ 222):

Հնարավոր է:

Համատ հայրենասեր Մարգար Շարապխանյանը համոզված է. «Անտեսանելի կապեր կան հոգի է հոգի, որոնք միայն հայերուս յատուկ են: Անշոշափելի ու անքակտելի կապեր: Տարբեր է հայը ու այդպես ալ պիտի մնայ, որքան ստեն որ Սփիոթք և Հայրենիք գոյություն ունենան» (էջ 97-98):

Ծանր է Մարգար Շարապխանյանի հիասթափությունը հայաստանաբնակ մի քանի մտավորականներից (մեկին նկարագրում է տխրահոչակ «ջիփով», մյուսին՝ հմտորեն ստելու պահին...): «Արդեօք նոյն ժողովուրդի գաւակներն ենք մենք» (էջ 215) կասկածը կրծում է ՀԱՅ մարդու սիրտը: «Ճիշդ է նաև, որ մտաւորականությունը դեռ չէ ստանձնած առաջնորդի իր դերը և չէ դրսևորած իր հասարական ուժականությունը» (էջ 329): Հույսով շնչող տողերը պարզապես լավատեսություն են... Ճշմարտությունն այն է, որ մեր երկրում հերթական ապիկար իշխանությունը միշտ իր կողքին ունի, այսպես կոչված, մտավորականներ: Պատճառն այն է, որ մենք ազգովին չենք տարբերակում դիպլոմավորին (վերջին տարիներին՝ նաև դիպլոմ չունեցողներին) և իսկական մտավորականին՝ անկախ զբաղմունքից: Փաստորեն «սրտբաց ու համարձակախօս» (214) թվացող այս մարդիկ էլ են վարակված Հայաստան աշխարհում տարածված շահամոլության բացիներով...

Հավելեմ՝ նաև տարածում են այդ վարակը հենց միայն իրենց գոյության փաստով...

Մարգար Շարապխանյանն անդրադառնում է նաև 1940-ական թվականների ներգաղթի թեմային: «Ոմանք կեղծ հայրենասիրութեամբ վարակուած էին և մեծ ակնկալություններով ճամբայ ելան, իսկ ուրիշներ անբիծ հայրենասիրութեամբ տոչորուած էին: Այս վերջինները դժբախտությունը ունեցան զրրկանքներու և տառապանքներու ենթարկուելու» (էջ 26),— սա է առաջին մեկնությունը: Ինչպես Հայրենիքում, այնպես էլ Սփյուռքում իրար չհասկանալու պատճառը Մարգար Շարապխանյանն անվանում է ոմանց «կարմրախտ» վարակված լինելը: Հայկական օդանավի վրա նկարած եռագույն Արարատը ոգևորում է սփյուռքահայերին. «Էհ, Մարգար, ժողովուրդ էինք, ազգ դարձանք» (էջ 115): Հանդուրժողականության ոգին չկա հայության մեջ, և դա շատ վաղ դրսևորվում է մեր կյանքի բոլոր ոլորտներում, իսկ կորուստների համար գոջալու օրը հեռու չէ... «Ժամանակը մեր դէմ կ'աշխատի» (էջ 284),— նախազգուշացնում է Մարգար Շարապխանյանը, որին պարզապես հունից հանում են «Ասիկա մեր երագած Հայրենիքը չէ» (էջ 314) արտահայտությունը, «մակերեսային հայրենասիրությունը, աժան տգիտությունը» (էջ 314),— ինչպես բնորոշում է հեղինակը:

Առաջին սիրո հետ հանդիպման ջերմություն ուներ առաջին այցը Արցախ: Անկողնուն գամված ազատամարտիկ Մխիթարի անմխիթար վիճակը հունից հանել է պարոն Մարգարին... Այստեղ էլ նույն անհույս իրավիճակն է, աղաղակող անտարբերությունը, սոցիալական անհավասարությունը... Մարգար Շարապխանյանը ստեղծված վիճակից ելք է փնտրում

ու մտորում, թե. «Հիմա ժողովուրդը աւելի մեծ թափով Հայաստան կ'երթար ու այս արտագաղթի խայտառակությունը տեղի չէր ունենայ» (էջ 232), եթե 1940-ականների ներգաղթը կազմակերպված չլիներ. «Ստալինի այս փտախտը կը փորձէին մեզի ներկայացնել որպէս փայլուն և հզօր վարչակարգ» (էջ 253): Համաձայն են:

Բայց ինչպէս հասկանալ խորհրդային երկրի քննդատության մեջ չափ ու սահման չճանաչող գաղափարամոլությունը. սա հիմա էլ է խանգարում հայության միասնությանը:

«Ջրկանքի օրեր են» (էջ 31) ապրել հայության զանգվածները 1990-ականներին, երբ հերթ էին կանգնում հացի ու ամեն ինչի համար: Մեկ անգամ հացի փոռ գնացի ու հազիվ փրկվեցի փոփ կրակների մեջ այրվելուց: Տանը լուսահոգի մայրս նայեց խանձված դեմքիս ու մազերիս, անգամ չնկատեց ձեռքիս երկու փոքրիկ հացերը և գոռաց վրաս, որ հաց հայթայթելը իմ գործը չէ: Դրանից հետո ինչ դժվարությամբ ու ինչ գնով (բառացիորեն՝ ոսկու) ձեռք բերած մի պարկ այլուրից ամեն օր հաց էր թխում՝ կտրված դաստակների ցափս արհամարհելով, որպեսզի թոռների հետ հաց հասցնի մենակ ապրող հարևաններին ու հայրերի լքած փոքրիկներին կողքի շենքի տասնչորսերորդ հարկում՝ նաև ցերեկը անույս աստիճանները բռնած բարձրանալով (հավելեմ՝ երկու անգամ սրտի շատ լուրջ խնդիրներ ունենալուց հետո)...

Սա մեր կյանքն էր, մենք սա՛ ստացանք «նվեր», երբ անխնա քանդեցինք մեր պապերի ու հայրերի կառուցած երկիրը՝ բարեկարգելու փոխարեն... Հետո մեզ հաջորդող սերունդները քանդեցին մեր իբր թե սալքածը, ինչի հետևանքով ունենք այն, ինչ ունենք:

Խոստովանեմ՝ լավ չէի հասկանում Արամ Հայկազին, երբ ոչ միայն ինքը չէր ուզում տեսնել ծննդավայր Շապին Գարահիսարը, այլև մյուսներին էլ խորհուրդ էր տալիս չայցելել կորցրած Բսօրրանի ավերակներ: Մարգար Շարապխանյանը գրում է, որ ինքնաքստրի մեջ ապրող հույն բանաստեղծներից մեկը (անունը չի հիշատակվում) «Յաճախ կը թելադրէր իր շուրջիններուն, որ չայցելեն այն վայրերը, զորս սիրած են ժա-մանակին, և որոնք որպէս աղբիւր ծառայած են իրենց երևակայութեան՝ այն վախով, որ անոնց իրականությունը կրնայ յուսախաբ ընել զիրենք» (էջ 154):

Հայ և հույն գրողները հավանաբար ճիշտ են վարվում, բայց Մարգար Շարապխանյանը ոչ միայն շարունակաբար այցելում էր, այլև արդեն քանի տարի ապրում է Հայրենիքում: Ճիշտ է, ինչ-որ չափով վիրավորական է, որ հունարենի՝ Շ գիրը չունենալու պատճառով ազգանունն աղավաղվում է... Ոչինչ, ակա՛ Մետրոպ Մաշտոցի հիշատակին անդրադառնալու ևս մի առիթ. «Հոգիդ սիրեմ, Մետրոպ Մաշտոց, գիր ստեղծելը այդպէս կ'ըլլայ...գոյգ-գոյգ...հապա ինչ կը կարծէք» (էջ 246):

Բայց Մաշտոցին հասցեագրված գոհաբանությունը նաև լրացուցիչ ազդակ է՝ արևելահայերենի ուղղագրությանն անդրադառնալու. դեռ 1900-ականներին քանի անգամ են փորձել գրուցել, բացատրել ուղղագրության դաշտում «պատերազմողներին», որ ՀԱՅ



մարդը պարտավոր է երկու ուղղագրություններին էլ տիրապետել: Ամենակարևորը՝ ուղղագրության համար մղվող աննահանջ մարտերում կամաց-կամաց թուլացրինք արևելահայերենի դիրքերը:

Առանց տիկին Էլիզի անավարտ կլինեին ոչ միայն Մարգար Շարապխանյանի գիրքը, այլ նաև իմ խոսքը: Գրքում տասնյակ անգամ հանդիպում ենք այս ՀԱՅ տիկնոջը, և ուզում եմ կրկնել պարոն Մարգարի խոսքից մի հատված, այն էլ ինչ հատված. «Էնչ լա է,— կը մտածեմ՝ մեղմ ժպիտ մը դրոշմելով շրթներուս,— այսքան տարի ետք տակալին նոյն ալիքին վրայ կը գտնուինք», ու մտածածս ինքնասիրաբար կը պահեմ մէջս:

— Նորէն բաներ մը անցան մտքէդ,— կը յարէ ան՝ դէմքիս նայելով:

Չեմ պատասխաներ: Բայց դուն, ընթերցող, այլևս կը ճանչնաս զիս. երբ մեղմ ժպիտ մը դրոշմեմ շրթունքներուս, կը նշանակէ, որ ... բաներ մը կ'անցնին մտքէս ...» (էջ 229):

«Ազգիդ ու քո գերեզմանը Սփիւռքն է: Լսւն իմացիր» (էջ 329) և «Հայրենիքն է մեր օրրանը, մեր օճախը, մեր յանդիմանքը: Իրմէ դուրս ելք չկայ, հանգիստ չկայ, փախուստ չկայ» (էջ 320) հորդորխնդրանքներով է ավարտվում այս գիրքը:

Կարդում եմ ու մտածում՝ այս ամենը շատ լավ գիտեն նաև նրանք, ովքեր տասնամյակներ շարունակ բռնել են ու հիմա էլ բռնում են պանդխտության անհույս ճամփաները...

Միմոն Վրացյանի (Գոռուզյան, 1882-1969)՝ «Հին թղթեր նոր պատմութեան համար» (1962, Պէյրուօ) գրքում ձևակերպած «...Այն ժամանակ հաւանական է, որ շատ բաներ չանէինք այնպէս, ինչպէս արինք» (էջ 9) արժանապատիվ ու ցավոտ ակնարկները Հայաստանի Հանրապետության այսօրվա վայրենակարների համար մտքի ու խղճի անհասանելի բարձունք է. չէ՞ որ նրանց կառավարող միջազգային կառույցները չեն կարող վրիպել, ուրեմն ամեն ինչ ճիշտ է, և անսխալ են խաղաղություն մուրալու անգիղջ ջանքերը, ամեն օր եղած-չեղածը քանդելու մոլուցքը ու դարավոր թշնամուն պարզապէս նվիրվող ՀՈՂԻ նկատմամբ դրսևորած անհոգ անտարբերությունը ...

\*\*\*

Տասնամյակներ անց Շարապխանյան ամուսինների հետ փորձում ենք ճշտել՝ երբ ենք առաջին անգամ հանդիպել: Պահպանված լուսանկարներն անգամ չեն օգնում...

Հավանաբար կարևոր էլ չէ, պարզապէս հետաքրքիր է:

Արդեն քանի տարի հայաստանաբնակ ամուսինների հետ վիճաբանում ենք, քննարկում մեր իրականության ամենատարբեր հարցերը: Պատահում է՝ իրար չենք հասկանում, բայց երբեք չենք նեղանում, որովհետև մեզ համար չգրված օրենք է բաժանվելուց հետո էլ քննարկած հարցի մասին մտածելը, արտահայտած կարծիքները փորձել հասկանալը, որպեսզի հաջորդ հանդիպման ժամանակ էլ ավելի խորքից քննենք ու գտնենք խնդրի լուծման ընդունելի տարբերակը:

Բարեբախտաբար, Շարապխանյան ամուսիններին

ինձ միավորող արժեքների շարքում առաջնայինը դպրոցն է՝ անունով Մուղնու կամ Ուշիի, բայց իրականության մեջ՝ ՀԱՅ ԴՊՐՈՑԸ:

Ռուսերեն սովորելու հարկադրանքը հիմա դարձել է հետաքրքիր զբաղմունք և հայաստանաբնակների հետ զրուցելու ընթացքում մեկ-երկու ռուսերեն բառերով զարմանքի ու հիացմունքի խոսքեր լսելու հաճելի առիթ:

Խորհրդային դպրոցի շրջանավարտիս համար նույնքան բնական է ռուսերենի լավ իմացությունը և դրա շնորհիվ ռուս գրականության մեծերին բնագրով կարդալու հաճույքը, որքան տիկին Էլիզի կամ պարոն Մարգարի համար եվրոպական լեզուներով գիրք կարդալը: Հետաքրքիր է տեսնել, թե Ուշիի երեխաներն ինչպէս են դասերից հետո այցելում Շարապխանյաններին, փորձում նրանց օգնությամբ լուծել մեր ազգային կոչվող դպրոցի հայոց լեզվի դասագրքերում առաջադրված հանելուկները... Տիկին Էլիզը վրդովվում է, երբ խոսում է այդ «առաջադրանքների» մասին...

Լավ գիտեմ, թե ազգային դպրոցի անկումը սկզբնավորող դպրոցական «նոր» ծրագրերն ինչպէս են հաստատվել, այն օրերի նախարարն ու փոխնախարարուհին ինչպէս էին խուճապի մատնվել, երբ լսել էին, որ հայ գրականության ներկայացված ծրագրերը և դասագրքերը մերժելու ենք: Մերժումից հետո գտան «եղբր», և կրթական գործը գործվեց ու գործվում է դեպի անդունդ... Ապագային այս գործով քանդեցին և՛ ազգային հոչակված դպրոցը, և՛ ՀԱՅ ընտանիքը. պապիկ-տատիկները սարսափեցին դասագրքերից, հայրիկ-մայրիկները սկսեցին փող աշխատել՝ որպէս իրենց սիրասուն բալիկների լրացուցիչ պարապմունքների վճար... Դպրոցներում բազմացավ ու իշխող դարձավ «դաս+ա+տու+ներ»-ի տեսակը. սրանք են տնօրինում երկրիս ճակատագիրը՝ հերթական անգամ փոխելով կուսակցական պատկանելությունը ու ապահովելով նոր տերերի հաղթանակը...

Ազգովին հայտնվեցինք բացառիկ, իսկապէս աննախադեպ իրավիճակում, երբ վճարում ենք չսովորելու համար:

Պատկերացրեք Շարապխանյան ուսուցչի վիճակը, երբ հայտնվեց այս իրավիճակում: Ի պատիվ նրա ասեմ՝ խուճապի չմատնվեց, և Շարապխանյան ամուսիններն սկսեցին աշխատել Ուշիի դպրոցում՝ իրավիճակը շտկելով, հարուստ փորձն օգտագործելով: Այսօր Շարապխանյան ամուսինները հետևորդներ ունեն, ուրեմն արդյունքներ կլինեն:

ԳՅՈՒՂԸ մարդկության, ժողովուրդների հարատևման ակունքներից է:

Ժամանակները փոխվում են, փոխվում է նաև գյուղի դիմագիծը, բայց ԱՐԱՐՄԱՆ ոգին կենդանի է պահում ավանդույթները, որոնց միջավայրում պիտի մեծանան այսօրվա ու վաղվա հայության սերունդները, որոնց համար թուրք կոչվելը վիրավորանք է ...

## Կուսակցական, անկուսակցական եւ նման եզրեր. փորձ՝ լաւ հասկնալու համար

ՎՐԷԺ-ԱՐՄԷՆ

Մեր հասարակական կեանքին մէջ կան շարք մը բառեր, որոնց իմաստը ժամանակի ընթացքին կը ստանան այնպիսի դարձուածքներ, կը մեկնաբանուին այնպիսի զարտուղի ձևերով, որ անհրաժեշտ է պարբերաբար վերադառնալ անոնց ու փորձել հասկնալ զանոնք ու ըմբռնել իրենց սկզբնական, հարազատ առումով:

Այդ եզրերէն մէկն է «կուսակցական» բառը՝ իր առնչակից քանի մը բառերով, որոնք կը կարօտին ճշգրտումի:

Բառին արմատը «կոյս»-ն է, ոչ մեր գործածած սովորական իմաստով, այլ իր միւս՝ «կողմ» նշանակութեամբ, որ աշխարհաբարը գրաբարէն ժառանգած է ու կ'երևի այնպիսի արտայայտութիւններու մէջ, ինչպէս՝ «յայս կոյս» կամ «յայն կոյս» («այս կողմ» կամ «այն կողմ») կամ բարդ բառերու, ինչպէս՝ «մեկուսի», «քառակուսի» և այլն:

Արդ, իր այդ «կողմ» իմաստէն է, որ յառաջացած է նաև «կուսակցութիւն»-ը, որ նոյն կողմի պատկանողներու հաւաքականութիւն մըն է և այսօր առանձնաբար կը գործածուի մասնաւորաբար «երկրի մը քաղաքական կեանքին բաղադրիչ կազմակերպութիւն» իմաստով, մինչ այլ լեզուներ, ինչպէս՝ անգլերէնը կամ ֆրանսերէնը, երկու բառով կ'արտայայտեն այդ իմաստը (political party, parti politique) կամ կը կցեն անոր անուան (Liberal party, Parti conservateur և այլն):

Նոյնն է պարագան «կուսակցական» բառին, որ կողմի մը մաս կազմող կամ պատկանող կը նշանակէ, այսօր՝ քաղաքական կուսակցութեան մը անդամ և կը գործածուի իբր առանձին եզր, մինչ միւս երկու լեզուներու պարագային պէտք է նշել անդամ եզրին հետ (political party member, New Democratic Party member, membre d'un parti politique, membre du Parti québécois և այլն):

Քաղաքակիրթ ու ժողովրդավար համարուող կամ ինքզինք այդպիսին յաւակնող պետութիւններու քաղաքական կեանքը կազմակերպուած է տարբեր ուղղութիւններ որդեգրող կամ գաղափարականներու հաւատացող կուսակցութիւններու ճամբով: Կուսակցութիւններ, որոնք երկրին սահմանադրութեան համաձայն՝ պարբերաբար կը մասնակցին ընտրութիւններու, և ըստ իրենց ստացած քուէներուն ու ձեռք ձգած աթոռներուն՝ կը կազմեն խորհրդարանը և առանձնաբար կամ իրարու հետ դաշնակցելով՝ կառավարութիւնը: Կառավարման այս ձևով կը գործեն նաև շատ երկիրներ, որոնք ոչ այնքան ժողովրդավար են, սակայն այդպէս կը ձևանան, բազմակուսակցական կ'ուզեն երևիլ, սակայն իրողութեան մէջ յաճախ կը գտնուին իշխող բռնապետական ուժի մը տիրապետութեան տակ, ուր կուսակցութիւնները անուանական գոյութիւն մը կը պահեն: Գիտենք նաև, որ խորհրդային



վարչակարգի ներքև կը գործէր միակուսակցական համակարգ:

Կուսակցութիւնները քաղաքական կեանքին ծառայելու միջոց են, անշահախնդրաբար, ոչ աւելին: Անոնք նոյն երկրի գործերը լաւագոյնս վարելու և երկիրը զարգացնելու իրենց ծրագրերով կը ներկայանան հանրութեան, կը վաստկին անոր վստահութիւնը ու կը գործեն:

Չարաշահումները, սեփական (կուսակցական, յաճախ նաև անհատական) և ոչ հաւաքական շահերու հետապնդումները մարդկային յոռի երևոյթներ են, որոնք կը պատահին, երբ տուեալ հաւաքականութիւն մը նախանձախնդիր չ'ըլլար երկրի ղեկավարութիւնը յանձնելու այն կուսակցութիւններուն, որոնք ծառայելու փոխարէն իշխել կը ձգտին:

Աւելցնեմ, որ բնական պայմաններու մէջ պետութեան մը բաղադրիչ կուսակցութիւնները թշնամիներ չեն, կրնանք ըսել հակառակորդներ են, թէև հիմա այդ բանն ալ աւելի ժխտական կը հնչէ, ուստի կը գործածուին «ընդդիմադիր» կամ «մրցակից» եզրերը: Ի վերջոյ, նոյն երկրի քաղաքացիներ են անոնց անդամները, երբեմն նոյնիսկ սերտ բարեկամներ, խնամիրներ և խորհրդարանէն դուրս կրնան ունենալ մարդկային սովորական, սիրալիր, սերտ կամ այլ յարաբերութիւններ:

Կայ նաև այլ բառ մը, որ շատ չի գործածուիր մեր լեզուին մէջ, նաև կրնայ շփոթուիլ յաճախ «կուսակցական» բառին հետ, այդ «կուսակից» բառն է, որ կը տրուի ոչ թէ կուսակցութեան անդամին, այլ անոր, որ կուսակցութեան մօտ է. անգլերէնին ու ֆրանսերէնին մէջ այդ «partisan» եզրն է, որ կը նշանակէ «համախոհ» կամ «կողմնակից», ու ներկայիս հայերէնին մէջ


**Ընկերական գրույցներ**

փոխարինումը է «համակիր» բառով:

Կուսակցության մը հիմնական ուժը իր անդամներն են՝ կուսակցականները, սակայն կուսակցության ներուժը իր համակիրներուն մէջ կը կայանայ, քանի որ անոնց անմիջական ու անսակարկ մասնակցութեամբ ու աջակցութեամբ է, որ կուսակցութիւն մը կրնայ իրականացնել իր ծրագրերը:

Այստեղ կ'ուզեն նշում մը ընել: Հայ կեանքին մէջ և ոչ միայն հայ կեանքին, ոմանք ժխտական աչքով կը տեսնեն կուսակցական ըլլալու գաղափարը: Կը մեկնաբանեն կողմնակալութեամբ ու կը կարծեն, թէ մաս չկազմելով կուսակցության մը՝ իրենք ատելի առաքինի կ'ըլլան, ատելի հայ... Իրականութիւնը, սակայն, հակառակն է: Այստեղ երկու եզրեր նկատի առնենք՝ անկուսակցական և չէզոք: Անկուսակցական ըլլալ կը նշանակէ կուսակցության մը չպատկանիլ, սակայն չի նշանակել կուսակցության մը համակիր չըլլալ: Համակիրը չ'ենթարկուի կուսակցության մը կանոնադրին, անոր անդամակցության պայմաններուն ու որոշումներուն: Սակայն ընդհանրապէս համախոհ կ'ըլլայ անոր, յատկապէս գործունէութեան այս կամ այն երեսին, մանաւանդ անոր գաղափարականին: Չէզոքը (այսինքն՝ ոչ ոք եղողը) ոչ մէկ կուսակցութեան համակիր է, ոչ մէկ կուսակցության օժանդակելու հակամէտ: Չի նշանակել, որ իր ճամբով, իր հասկացած ձևով չի կրնար ծառայել հանրութեան, իր ազգին, սակայն մաս չի կազմեր քաղաքական կողմնորոշում ունեցող հասարականութեան մը: Չունի յանձնառութիւն, գէթ ընդհանրապէս չունի՝ որնէ կազմակերպութեան նկատմամբ, որնէ կազմակերպութեան հետապնդած նպատակներուն իր մասնակցութիւնը բերելու առնչութեամբ:

Մինչդեռ կուսակցականը ի սկզբանէ, դաշնակցականին պարագային նաև հասարականութեան առջև հանդիսատի երդմամբ՝ յանձնառոն անձ մըն է: Այդ



*Խորհրդարանի բաժանումն ըստ կուսակցական պարկանելութեան*



յանձնառութեամբ է, որ ան կը տարբերի համակիրէն, անկուսակցականէն ու չէզոքէն:

Կ'արժէ ընել նաև երկրորդ նշում մը: Իմ տեսածովս՝ Գանատայի մէջ տեղական կուսակցության մը անդամ ըլլալը կը սահմանափակուի տարեկան խորհրդանշական անդամավճար մը կատարելով (որուն մէկ մասն ալ ան ետ կը ստանայ տրագերծման ճամբով), մինչդեռ մեր պարագային գոնէ դաշնակցականին համար կան այլ պարտաւորութիւններ՝ ժողովներու և աշխատանքներու մասնակցութիւն և այլն: Իսկ որոշումները վարէն վեր կ'երթան, ոչ թէ՛ վերէն վար: Գանատայի կուսակցութիւններու անդամներու մեծամասնութիւնը մասնակից անգամ չէ որոշումներու կայացման մէջ, կ'ընդունի ինչ որ փոքրամասնութիւնը կ'որոշէ: Եթէ չ'ընդունի, համաձայն չըլլայ, կրնայ հրաժարիլ, այլ կուսակցության մը միանալ կամ՝ նոր կուսակցութիւն մը հիմնել, բայց չի կրնար դաւանիլ, պատկանիլ նոյն կուսակցության, մանաւանդ գործել անոր անունով:

Յատկապէս, շատերու համար կուսակցության մը նիւթապէս օգնելը միջոց կը նկատուի՝ պետական գանձէն օգտուելու, անձնական առաւելութիւն մը ձեռք ձգելու համար: Ոչ մեր, գոնէ Դաշնակցության պարագային, ուր նման ակնկալութիւններով եկողը սխալ դուռ գարկած պիտի ըլլայ, իսկ նման ակնկալութիւններ սնուցող մարմինը կուսակցության անյարիր կեցուածքի մէջ պիտի գտնուի: Անշահախնդիր ծառայութեան համար դաշնակցական կ'ըլլան, պէտք է ըլլան, միայն, ոչ այլ նպատակներով:

Մէկ նկատառում ևս՝ փակելէ առաջ այս մտորումները:

Հայ ազգային կուսակցութիւնները իրենց գործելակերպի ու գաղափարականի տարբերութիւններով հանդերձ՝ նոյն ազգին գերագոյն նպատակին՝ գոյապահպանման ու զարգացման կը ծառայեն: Անոնք մնայուն գործակիցներ են, ըլլալու են, պիտի ըլլան միշտ: Այլապէս ոչ հայ կրնան համարուիլ, ոչ ալ՝ ազգային: ■



**ՈՒԺԸ ԹԷ ԻՐԱՒՈՒՆՔԸ (ՄԻՋԱԶԳԱՅԻՆ ՅԱՐԱԲԵՐՈՒԹԵԱՆՑ ԿՆՃԻՈՒԸ)**

**(Խմբագրական «Ազդակ Շաբաթօրեակ Դրօշակ»ի, ԺԲ Տարի, Թիւ 3, 8 Փետրուար 1981)**

(հատուած)

Աւելի յստակ բանաձևումով, ուժին «իրատունքը», թէ իրատունքին ուժը պիտի վարէ կամ պէտք է վարէ միջազգային յարաբերութիւնները:

Եթէ անցեալին նայինք և ներկան վերլուծենք, իհարկէ, պատասխանը յստակ ու բացայայտ է բոլորին համար: - Միջազգային յարաբերութիւնները կը ղեկավարուին՝ իբրև գապանակ ունենալով ուժին «իրատունքը» և ոչ երբէք՝ իրատունքին ուժը:

Կը հետևի ինքնին, -ն՛վ որ ուժ ունի, նաև իրատունք ունի: Այս կը թուի տիրական նշանախօսքը ցարդ, որուն կիրարկման հետևանքները ևս սակայն նոյնքան պարզ ու բացայայտ են բոլորին:

Փաստօրէն, ով որ իր մօտաւոր կամ հեռաւոր շահերուն գիտակցութիւնը ունի և այդ շահերուն ապահովումը կ'ապալինի բացառաբար ուժի գործածութեան կամ ճնշումին, ինքնաբերաբար տէր կը համարուի պետական առողջ մտածողութեան և քաղաքական իմաստութեան:

Իսկ ով որ սեփական շահերուն գիտակցութիւնը ունի նոյնքան յստակօրէն, բայց անոնց ձեռքբերումը կը փորձէ սկզբունքի հաւատարմով կամ իրատունքի ուժին դիմելով՝ յայտնապէս ցնորատեսներու շարքին կը դասուի և պարզապէս կ'արհամարհուի քաղաքական աշխարհի թատերաբեմին վրայ:

Ավելի՛ն. ահաւոր կեղծիք մը կը բեմադրուի միաժամանակ և կը գործարկուի առանց դոյզն իսկ խղճախայթի:

Արդարև, տեսականօրէն ամէն մարդ իրատունքին հետ է, իրատունքի ուժին անունով կը խօսի, սակայն գործնապէս ուժին «իրատունքը» կը կիրարկէ:

Ամէն քաղաքագետ կամ դիւանագետ ամէն օր սկզբունքէ կը ճառէ ...սկզբունքօրէն, սակայն գործնականօրէն ճիշդ հակառակը կ'ընէ՝ բացառաբար իր երկրի սեփական և յաճախ եսապաշտական շահերը միայն հետապնդելով:

Ամէն մարդ, քաղաքական կամ գինուորական ամէն ճակատ, մասնաւոր ամէն գերպետութիւն մարդկային իրաւանց երկրպագուն կը ձևանայ միշտ և իբրև դրօշակիր կը ներկայանայ բոլոր ժողովուրդներու ազգային ազատ ինքնորոշման և ընկերային ազատագրութեան դատին, սակայն չկայ ճակատ մը, ուր թէ՛ ընկերային և թէ՛ ազգային ազատագրական իրատունքներն ու ազատ ինքնորոշման սկզբունքը օր ցերեկով չտոնակոխուին ամէնէն անողորմ եղանակներով:

Արդ, աւանդական ու դասական այս «ռազմավարութեամբ», սակայն շղթայական հակազդեցութիւն մը կը զարգանայ իրողապէս, որ անխուսափելիօրէն կը յանգի մարդկային ահարկու աղէտներու, ընկերային ու բարոյական նոյնքան աներիշ այլասերման մը զուգահեռ:

Պատմական փաստական իրականութիւնը այն է, որ պետութիւն մը որքան մեծ ուժ կուտակէ իր սեփական շահերու պաշտպանութեան համար, այնքան անելի կը լայննայ ծիրը նաև սեփական շահերուն:

Եւ հակադարձաբար, որքան անելի լայննայ ծիրը սեփական շահերուն, նոյն համեմատութեամբ ալ կը շեշտուի անհրաժեշտութիւնը յաւելեալ նոր ուժի կուտակման և այսպէս շարունակաբար, մինչև որ միննոյն պետութիւնը, իր իսկ կուտակած վիթխարի ուժին կամ արտաքին նոր ուժերու ճնշման տակ աստիճանաբար քայքայուի կամ գահավէժ իյնայ իր զօրութեան զէնիթէն:

Գերազանցօրէն աշխարհակալական և էապէս շահագործական այս գործընթացը անխուսափելիօրէն կ'առաջնորդէ բռնութեան, ճնշումի և պարբերական արհիւնահեղութեանց ոչ միայն հարևան ազգերուն, այլև յաճախ հարազատ ժողովուրդին նկատմամբ:

Կ'առաջնորդէ ոչ միայն ֆիզիքական և նիւթական անհաշիւ կորուստներու, այլև բարոյական ու ընկերային այլասերման, հոգեմտաւոր անսահման ուժերու մսխումի ու սնանկութեան:

Այս կացութեան մէջ, ինչպէս ցոյց կու տայ պատմութիւնը, մարդկութիւնը, մարդկային կեանքի հողովոյթը կը դառնայ նոյն մոգական շրջանակին մէջ.- աշխարհակալական նորանոր կառոյցներու բարձրացում և պարբերական անկում՝ տազնապէ տազնապէ առաջնորդելով մարդկային բովանդակ ընկերութիւնը, հերթափոխաբար:

Այս ընթացակերպով՝ խաղաղութիւնը, խաղաղութեան դաշնադրութիւնները ժամանակաւոր միջնարարներ կը հանդիսանան միայն, նոր և անելի արհիւնտ և անելի աներիշ գօտեմարտերու իբրև նախապատրաստական հանգրուան:

*ՍՄՐԳԻՍ ԶԷՅԹԼԵԱՆ, ՀԱՅ ԱԶԳԱՅԻՆ ՔԱՂԱՔԱԿԱՆՈՒԹԵԱՆ  
ԳԱՂԱՓԱՐԱԲԱՆՈՒԹԻՒՆԸ, Հարկոր առաջին, Էջ 383-384, Երևան և Լոս  
Անճըլէս, 1995 թ.*





ԴՐՈՇԱԿ

Արցախ